



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

У6р6ф ✓

66

1 ⁴/₁₄



2 0 02



ՀԱՄԱՌՕՏ

ՍՐԲԱԶԱՆ ՊԱՏՄՈՒԹԻՒՆ

ՍԵՐԵԲ
66

2
7-19 սր.

Հ Ա Մ Ա Ռ Օ Տ

ՍՐԲԱԶԱՆ ՊԱՏՄՈՒԹԻՒՆ


ՊԱՏԿԵՐԱԶԱՐԴ

Ի ՊԵՏՍ ԱԶԳԱՅԻՆ ԴՊՐՈՅԱՅ

ՅՕՐԻՆԵԱՑ

Է. ԳԷՈՐԳ ՊԱՅԵԱՆ

ՅՈՒԻՏԻՆ ՄԻԹԱՐԱՑ



ՎԵՆԵՏԻԿ
ՄԻԹԱՐԱՐԵԱՆ ՏՊԱՐԱՆ
1889

619



ՅՕՐԻՆԵԱՑ

ՄԻՆԻՍՏԵՐՍՏՎԱՆ ՊԱՏԿԵՐԱԶԱՐԴ

37001, ահ.

ՀԱՅԱՍՏԱՆ

ԵՐԵՎԱՆԻ ՄԱՐԿԱԿԱՆ ԳՐԱԴԱՐԱՆ

ՄԱՐԿԱԿԱՆ ԳՐԱԴԱՐԱՆ

ՄԱՐԿԱԿԱՆ ԳՐԱԴԱՐԱՆ

ՄԱՐԿԱԿԱՆ ԳՐԱԴԱՐԱՆ

ՄԱՐԿԱԿԱՆ ԳՐԱԴԱՐԱՆ

ՄԱՐԿԱԿԱՆ ԳՐԱԴԱՐԱՆ



(3822)
41

(20416-60)

1. 8. 65

66-2009

Ա Ձ Դ

Համառօտ և 'ի համառօտին ամբողջական սրբազան պատմութեան ընթացք մի ազգային վարժարանաց մէջ կարևորագոյն տարերաց մին կը համարուի: Մեր նախընթաց ընծայած դասագիրքն, յօրինեալ 'ի Հ. Եփրեմ Սեթեանէ՝ յետ զանազան անգամ տպագրուելու և սպառուելու, այժմեան ազգային վարժարանաց ուսումնական ընթացից համեմատութեամբ ընդարձակ տեսնուելով, 'ի ներկայիս 'ի լոյս կ'ընծայենք զառաջիկայս. և ուսանողաց սիրտն և միտս առաւել ևս գրաւելու նպատակաւ՝ իւրաքանչիւր գլխոյ մէջ աւանդուած պատմութիւնն յատուկ պատկերաւ ևս կը ներկայացընեմք, առ 'ի դիւրութիւն ըմբռնողութեան: Վստահ եմք որ հաճոյ պիտի անցնի այս մեր փոքրիկ աշխատութիւնն, և օգտակատ լինի ազգիս մանկանց. որ պիտի լինի միակ արժանաւոր վարձատրութիւն մեր ջանից:



ՍՐԲԱԶԱՆ ՊԱՏՄՈՒԹԻԻՆ

ՀԻՆ ԿՏԱԿԱՐԱՆ

ԳՂՈՒԽ ԱՌԱՋԻՆ

ՍՏԵՂԾՈՒԾՆ ԱՇԽԱՐՀԻՍ

(— 4000 — ԳՐԱԿԱՆԱԿԱՆ ԳՐԱԴԱՐԱՆ —)



1. Աստուած 'ի սկզբանէ վեց օրուան մէջ ստեղծեց երկինքն ու երկիրս ոչնչէն:
2. Առաջին օրը լյսը ստեղծեց:

1. Աստուած քանի՞ օրուան մէջ ստեղծեց աշխարհս:
2. Վեց օրուան մէջ ինչ կարգաւ ստեղծեց Աստուած զաշխարհս:

ՍՏԵՂԾՈՒԹՆ ԱՇԽԱՐՀԻՍ

(ա՛յ 4000 նախ քան զԲերքսոս)



Երկրորդ օրը հաստատութիւնն ըրաւ, որ Երկիկք ըսուեցաւ:

Երրորդ օրը երկիրս ծածկող ջուրը ցամաքէն զատեց. և առանձին տեղ ամփոփեց, որ ըսուեցաւ Ծով. ու երկրին հրաման տուաւ խոտ, բոյս և ամեն տեսակ ծառ բուսցընել:

Չորրորդ օրը երկնից աստղերն, արևն ու լուսինն ստեղծեց, և սահմանեց որ արևն ցորեկը լուսաւորէ, լուսինն՝ գիշերը. և ասոնցմով օր, ամիս և տարի որոշեց:

Հինգերորդ օրը հրամայեց որ ձկներն ու թռչուններն ըլլան, և օրհնեց զանոնք որ աճին ու բազմանան, ջրոյ և օդոյ մէջ սպիտուին:

Վեցերորդ օրը հրամայեց Աստուած որ երկրէն ամէն տեսակ չորքոտանի և անասուն ելնեն, և օրհնեց զանոնք որ շատնան ու բազմանան:

1. Նոյն օրն ամեն կենդանիք ստեղծելէն վերջ, ուզեց աւնոնց տիրապետող մ'ալ զնել, որուն պէտք էր հնազանդէին

ամեն ձկունք, թռչունք և անասունք. ու գեանէն հող առնելով՝ շինեց առաջին մարդն Ադամ, և ամեն կենդանիներէն վեր՝ բանական և անմահ հոգի մը փչեց անոր, որով ըստ պատկերի և ըստ նմանութեան Աստուծոյ ստեղծուեցաւ մարդս:

2. Վերջն Աստուած ամեն կենդանիք Ադամայ առջև բերաւ, որպէս զի անոնց անուն զնէ. Ադամ ալ ամենուն մէկ մէկ անուն դրաւ:

3. Բայց Ադամ միայն էր աշխարհիս վրայ՝ որ ըստ պատկերի և ըստ նմանութեան Աստուծոյ շինուած էր, ուստի ըսաւ Աստուած, « Աջէկ չէ որ մարդն առանձին ըլլայ, իրեն նման օգնական մ'ալ տանք ». և Ադամայ վրայ խորին թմրութիւն մը ձգելով, անոր քնացած ժամանակ՝ մէկ կողն առաւ, և անկէջ Եւա կինը շինեց, նոյնպէս ըստ պատկերի Աստուծոյ, և անմահ հոգի մը փչեց:


4. Այսպէս՝ Աստուած վեց օրուան մէջ երկիրն ու երկիրս իր մէջն եղած ամէն բաներով ստեղծելէն վերջ՝ եօթներորդ օրը ստեղծագործութենէ գաղթեցաւ ու հանգչեցաւ. և օրհնելով այն օրն ուզեց որ սուրբ պահուի և իրեն նուիրենք:

-
1. Աստուած ինչպէս ստեղծեց զմարդն:
 2. Կենդանեաց ո՞վ անուն դրաւ:
 3. Աստուած ինչպէս ստեղծեց առաջին կինը:
 4. Ի՞նչ ըրաւ Աստուած եօթներորդ օրը:

ԳԼՈՒԽ ԵՐԿՐՈՐԳ

ԱԴԱՄ ԵՒ ԵՒԱ

(4000 հատի տալիս զԻՐԻՆՅԱՆ)



1. Աստուած Ադամ ու Եւա գեղեցիկ պարտէզ մը դը-
րաւ որ Երկրաւոր Դրախտ կ'ըսուէր. ուր ամեն տեսակ
գեղեցիկ ծաղիկք և պտղատու ծառեր կային: Ասոնցմէ
զատ երկու Ծառք ալ կային, որոց մէկը կ'ըսուէր Ծառ
կենաց և միւսն՝ Ծառ գիտութեան բարշտի և չարի:

2. Աստուած հրաման տուաւ Ադամայ որ դրախտին ա-
մեն ծառոց պտղէն ուտէ, բայց գիտութեան բարւոյ և
չարի ծառոյն պտղէն ուտելը արգելեց, և ըսաւ, «Այն օրն
որ ուտելու ըլլաք՝ կը մեռնիք»:

3. Սատանան որ մարդուս երջանկութեան վրայ կընա-
խանձէր, օձի կերպարանօք երևեցաւ Եւայի և ըսաւ, «Ոչ
եթէ այն ծառէն ուտելով կը մեռնիք, այլ մանաւանդ՝
գիտնելով Աստուած որ եթէ այդ պտղէն ուտելու ըլլաք,
աչուրնիդ կը բացուին և Աստուծոյ նման կ'ըլլաք, բա-

րին ու չարը կը ճանչնաք, անոր համար արգելած է ձեզի
ծառոյն չմտննալու»: Եւա խաբուեցաւ այս խօսքերէ,
և չղիմանալով պտղոյն գեղեցկութեան՝ փրցուց ու կե-
րաւ, և էրկանն ալ տուաւ որ նոյնպէս կերաւ:

Այն ժամանակ աչուրնին բացուեցաւ և իմանալով թէ
մերկ են, թղինւոյ անրեւովք իրենք զիրենք ծածկեցին,
և լսելով Աստուծոյ դրախտ գալը՝ ծառերու մէջ պահու-
տեցան:

Կանչեց Աստուած զԱդամ՝ ծառոց մէջէն և ըսաւ. «Ո՞ր
ես Ադամ»:

Պատասխան տուաւ Ադամ, «Դրախտին մէջ քա-
լելիք լսեցի ու վախցայ, և որովհետեւ մերկ էի՝ պա-
հուրեցայ»: Ըսաւ Աստուած. «Ո՞վ ըսաւ քեզի թէ
մերկ ես. չըլլայ թէ արգելած ծառոյս պտղէն կերած
ըլլաս»: Պատասխանեց Ադամ. «Կինս որ ինձի տուիր՝
ինքը տուաւ ինձի և կերայ»: Այն ատեն դարձաւ Աստուած
և ըսաւ կնոջն. «Ինչո՞ւ գայդ գործեցիր»: Պատասխա-
նեց կինն. «Օձը խաբեց զիս»: Աստուած ալ օձն անիծեց
որ որովայնի վրայ սողալով երթայ: Կնոջն ալ ըսաւ, «Վիշ-
տերդ ու տառապանքդ չատնան, և ցաւով ծնանիս»:
Իսկ Ադամայ ըսաւ. «Որովհետեւ կնոջդ մտիկ ըրիր և
արգելած ծառոյն պտղէն կերար, անիծեալ ըլլայ երկիր
քեզի համար, և երեսացդ քրտամբք ուտես հացդ, մինչև
որ նորէն հող դառնաս, վասն զի հող էիր ու հող պիտի
դառնաս»:


Եւ Ադամայ ու իր կնոջ կաշիէ զգեստ հագցընելով
դրախտէն դուրս հանեց, և հրաման տուաւ քերովբէից
բոցեղէն սրով դրախտին մուտքը պահպանել:

-
1. Աստուած ո՞ր դրաւ զԱդամ և զԵւա:
 2. Աստուած ինչ պատուեր տուաւ Ադամայ:
 3. Ադամ պահեց Աստուծոյ պատուերը:

ԳՆՈՒԽ ԵՐՐՈՐԴ

ԿԱՅԷՆ ԵՒ ԱՔԷԼ

(4000 հին տարիներ)



1. Ադամ երկու տղայ ունեցաւ, Կայէն ու Աքէլ: Կայէն երկրագործ եղաւ, Աքէլ՝ հովիւ:

2. Օր մը երկուքն ալ իրենց ունեցածովն ուզեցին Աստուծոյ գոճ մատուցանել: Կայէն իր երկրին պտուղները բերաւ. Աքէլ ալ իր ոչխարաց գեղեցիկ ու պարարտները Աստուծոյ Աքէլի գոհին հաճեցաւ, իսկ Կայենինը չընդունեցաւ և մերժեց. ասոր համար սաստիկ նախանձեցաւ Կայէն, Աքէլի վրայ, և օր մը խաբելով զինքը՝ զբօսանքի պատճառաւ դաշտ տարաւ ու վրան յարձակեցաւ և սպաննեց:

3. Աստուծոյ հարցուց Կայենի. «Ո՞ր է Աքէլ եղբայրդ». Պատասխանեց Կայէն, «Միթէ ես եղբորս պահապանն եմ»: Այն ատեն ըսաւ Աստուծոյ խիստ ձայնով. «Ի՞նչ ըրիր, եղբորդ արիւնն առ իս կը բողբէ յերկրէ, ուստի

անիծեալ ըլլաս, և թափառական պտըտիս միշտ ասկէց վերջ, չատ աշխատիս և երկիրը պտուղ չտայ քեզի»:

4. Կայէն յուսահատած՝ իր բոլոր կեանքը թափառական ապրելով անցուց, մինչև որ իր թոռը Ղամէք օր մը անտառի մը մէջ զինքը վայրենի կենդանի համարելով՝ նետով զարկաւ և սպաննեց:

5. Աստուծոյ Աքամայ սիրտը մխիթարելու համար, Աքէլի տեղ ուրիշ զաւակ մը տուաւ Սէթ անունով, որ Աստուծոյ շատ սիրելի եղաւ, իր որդւովք և ցեղովն հանդերձ, անոր համար Որդիք Աստուծոյ ըսուեցան, իսկ Կայենի ցեղն չար ըլլալով Որդիք Մարդկան կոչուեցան:

Աստուծոյ Սէթայ ցեղն օրհնեց, և շատ երեւելի մարդիկ ելան աստուածապաշտութեամբ և երկարակեցութեամբ, ինչպէս Ինովք, որ Աստուծոյ սիրելի ըլլալուն՝ ողջ ողջ աշխարհէն վերացաւ. Մաթուսաղա՛ որ 969 տարի ապրեցաւ, որոյ չափ երկայն ապրող մարդ չեղաւ աշխարհիս վրայ:

Քանի որ Որդիք Աստուծոյ խնամութիւն չէին ըներ Որդիք Մարդկան ըսուածներուն հետ, որոնք իրենց նախահօր Կայենի պէս աստուածապաշտութենէ թուրացած կամաց կամաց կռապաշտութիւն սկսան ընել, միշտ Աստուծոյ սիրելի էին. բայց երբոր այս զբուռութիւնը մէկգի թողլով սկսան անոնց հետ խնամենալ, իրենք ալ զէջան: Անոնց խնամութենէ երեւելի հսկաներ ծնան նոյն ժամանակ:


6. Ադամ նախահայրն երբոր մեռաւ 950 տարուան էր:

1. Ադամ քանի՞ տղայ ունեցաւ:
2. Կայէն ի՞նչպէս սպաննեց զԱքէլ:
3. Ի՞նչ ըսաւ Աստուծոյ Կայենի:
4. Ի՞նչպէս մեռաւ Կայէն:
5. Ադամ ուրիշ զաւակ ունեցա՞ւ:
6. Ադամ քանի՞ տարուան մեռաւ:

ԳՂՈՒԽ ԶՈՐՐՈՐԴ

ԶՐՀԵՂԵՂ

(2450 հախ Կառ Վերսալ)



1. Մարդիկ՝ Աստուծոյ երախտիբը մոռցած՝ նորէն գէշ-ցեր էին, և իրենց մեղքն ու անօրէնութիւնն այնչափ շատ-ցաւ որ Աստուած ուզեց մեծ ջրհեղեղով մը զանոնք աշխարհէ ջնջել:

2. Սեթայ ցեղէն միայն Նոյ նահապետն արդար մնա-ցեր էր, ուստի Աստուած զինքը փրկել ուզելով իր խոր-շուրգը յայտնեց անոր, և հրամայեց որ մեծ տապան մը շինէ, որոյ մէջ պիտի մտնէր ինքն ընտանեօքն: Նոյ հնա-զանդեցաւ Աստուծոյ հրամանին, և այն հարիւր ամաց մէջ զոր անցուց տապանը շինելու համար, չէր դադա-րեր յապաշխարութիւն յորդորել զմարդիկ, բայց անոնք չզղջացան:

3. Երբոր տապանը շինուեցաւ՝ Նոյ նահապետն Աստու-ծոյ հրամանաւ մէջ մտուց աշխարհիս ամեն տեսակ սուրբ

կենդանիներէ՝ եօթն եօթն զոյգ, և անսուրբ կենդա-նիներէ՝ երկու երկու զոյգ, վերջը ինքն, և իր կինը և երեք որդիքն իրենց կանանց հետ մէկտեղ, ութ հօգի մէջը մտան, և Աստուած ալ վրանին դուռը փակեց:

4. Եօթն օր անցնելէ վերջ, յանկարծակի երկնից սահանք բացուեցան ու սաստիկ անձրև սկսաւ գալ որոտմունքով և կայծակով, յերկրէ ալ ամեն կողմանէ սկսաւ ջուր ել-նել ու բարձրանալ բառաստուն օր անդադար, այնպէս որ բոլոր աշխարհս ջրով լեցուեցաւ, և բարձր լեռներէն ալ տասնըհինգ կանգուն վեր բարձրացաւ ջուրը, և ամեն մարդիկ և անասուն մեռան:

5. Տապանը տարի մը ամբողջ ջրոյն երեսը մնալէն վեր-ջը, Աստուած հողմ հանեց որ կամաց կամաց ջուրը ցամ-քեցուց, տապանն ալ Հայաստանի Արարատ լեռան վրայ նստաւ: Նոյ նահապետ ջրոյն քաջուելով երկրին ցամաքու-թիւնը փորձելու համար՝ տապանին պատուհանը բացաւ և ազաւ մը թողուց որ ալ չդարձաւ: Քանի մ'օր ետքն ա-ղանի մ'ալ թողուց որ իրիկուան դէմ՝ ձիթենոյ կանաչ չիւզ մը բերանն առած դարձաւ եկաւ տապանն: Այն ատեն իմացաւ Նոյ որ երկիրը ցամաքեր է, ելաւ տապա-նէն իր ընտանեօքն և ամեն կենդանիներով, և 'ի շնոր-հակալութիւն Աստուծոյ բարեաց' սեղան շինեց և զոհ մատոյց, որ շատ հաճոյ անցաւ Աստուծոյ, և օրհնեց զինքը և խոստացաւ որ ալ ջրհեղեղով պիտի չպատժէ զմարդիկ, և իր այս ուխտին նշան տուաւ ծիրանի գօտին, որ երբոր ամպոց մէջ երևի՝ յիշենք Աստուծոյ մեծ գթու-թիւնն և ողորմութիւնը:

1. Ի՞նչ պատճառաւ ջրհեղեղ եղաւ:
2. Ո՞վ աղատեցաւ ջրհեղեղէն:
3. Որո՞նք տապանը մտան:
4. Որչափ ատեն տևեց ջրհեղեղը:
5. Ո՞ր նստաւ տապանը:

ԳԼՈՒԽ ՀԻՆԳԵՐՈՐԳ

ՆՈՅԻ ՈՐԳԻՔ

(2400 ԿԻՄ ԳԻՄԻՆԻՆԻ)



1. Նոյնահապետին երեք որդիքն էին՝ Սէմ, Քամ և Յաբեթ: Ջրհեղեղէն վերջը Նոյ երկրագործութիւն կ'ընէր. և օր մը տնկած այգւոյն խաղողէն գինի շինեց, և առանց անոր ուժը գիտնալու, քիչ մ'աւելի խմեց, և գինովցած՝ անվայել զիրքով պառկելով՝ քնացաւ: Քամ իր որդին տեսնելով զհայրն այնպէս պառկած՝ փոխանակ պատկառելու վազեց ծաղրելով ու ծիծաղելով միւս եղբարց պատմեց. բայց անոնք յանդիմանեցին զինքը՝ և զգետ մ'առնելով, ետ ետ գնացին և հայրերնին՝ ծածկեցին:

Երբոր արթնցաւ Նոյ և զգատացաւ, եղածն իմանալով՝ Սէմն ու Յաբեթը օրհնեց. իսկ Քամն անիծեց և եղբարցդ ծառայ ըլլաս ըսաւ: Իսկ ինքը Ջրհեղեղէն ետքը երեք հարիւր և յիսուն տարի ալ ապրեցաւ, և 950 տարուան մեռաւ:

ՍԵՄ ԵՐԵՎԱՆ

ԲԱԲԵԼՈՒՆԻ ԱՇՏԱՐԱԿԸ



66-2007

616

3822

2016-60

2. Սէմ, Քամ և Յաբեթի տղաքն և թոռուքն այնչափ բազմացան՝ որ բնակած տեղերնին քիչ կու գար իրենց, ուստի մտածեցին ասդիս անդին ցրտիլ: Բայց մէկմէկէ չբաժնուած որոշեցին մեծ աշտարակ մը շինել, որոյ գագաթն մինչև յերկինս հասնի: Ուստի Սենաարայ գաղտին մէջ ժողովեցան անթիւ բազմութեամբ և արագ արագ սկսան աշտարակը բարձրացընել: Բայց այս ամբարտաւան գործն անհաճոյ եղաւ Աստուծոյ, և յանկարծ լեզուին խառնակեց, այնպէս որ իրարու ըսածը չհասկընալով՝ աշտարակին շինութիւնը դադարեցաւ և տեղւոյն անուռն ալ Բաբելոն գրին, որ խառնակաբոլոն ըսել է:

Ուստի խումբ խումբ բաժնուեցան. և Նոյի երեք որդիքներէն յառաջ եկած մարդկութեան երեք մեծ ցեղերն գնացին բոլոր աշխարհս գրաւեցին: Սեմայ ցեղն յԱսիա բնակեցաւ, և անկէջ եղան խորայեղացիք: Յաբեթի ցեղն յԵւրոպա անցաւ, իսկ Քամ իր սերնդովք յԱրևելէ տարածուեցաւ:

- 1. Քանի որդիք ունէր Նոյ, և ինչ գործ կ'ընէր:
- 2. Ի՞նչպէս եղաւ աշտարակաշինութիւնը: 2



ԳԼՈՒԽ ՎԵՅԵՐՈՐԴ

ԱՔՐԱՀԱՄ ՆԱՀԱՊԵՏ

(— 4 2000 — ԿՈՒՄԱՆԱՆ ԳՐԻՆՈՒՄ)



1. Զրհեղեղէն ետքը հազիւ 400 տարի անցեր էր, մարդիկ Աստուծոյ մեծ պատուհասը մոռացած՝ դարձեալ գէշցան, և մինչև կուսակալութիւն ալ սկսան ընել: Այն ատեն Աստուած որոշեց իրեն յատուկ և սեպհական ժողովուրդ մ'ընտրել, որոյ գլուխ դրաւ ՉԱՐԱՀԱՄ նահապետ, և ըսաւ իրեն. «ՆՆ քու երկրէդ և ազգէդ, և եկուր բնակէ այն երկիրն որ քեզ պիտի ցուցնեմ, և ուր դքեզ մեծ ազգի մը հայր պիտի ընեմ, և ամեն ազգք քեզմով պիտի օրհնուին, և քու զաւկըներդ երկնից աստղներէն աւելի պիտի բազմացնեն»:

2. Աբրահամ մէկէն հնազանդեցաւ Աստուծոյ, առաւ իր Սառա կինն և Ղովտ եղբորորդին և իր ծառայքն ու գընաց Քանանացուց երկրին գեղեցիկ և բերրի դաշտերու մէջ Քեբրոն քաղաքը բնակեցաւ, Մամբրէի ըսուած

կաղնի ծառին տակ: Ղովտ ալ իրմէ բաժնուելով գընաց Սոգոմ քաղաքը նստաւ, որ ընդարձակ և հարուստ քաղաք մ'էր, բայց բնակիչքը շատ մեղաւոր ըլլալով՝ Աստուծոյ բարկութիւնը վրանին շարժեր էին:

3. Նոյն ժամանակ հինգ թագաւորք, որոց մէջ էր նաև Սոգոմայ թագաւորն, ապստամբեցան Նլամացուց թագաւորէն, որ անթիւ զորքով վրանին ելաւ և յաղթեց, քաղաքները կողոպտեց և Ղովտն ալ գերի տարաւ: Երբ լսեց Աբրահամ, առաւ իր ծառայները թշնամեաց վրայ վազեց, յաղթեց և Ղովտ իրեն մարդիկներով գերութենէն ազատեց: Մինչդեռ կը գառնար՝ Մեքիսեղեկ Սաղիմայ թագաւորն, որ քահանայ Աստուծոյ էր, օրհնեց ՉԱՐԱՀԱՄ, որ առած աւարէն տասանորդ տուաւ անոր:

4. Աբրահամ նահապետն՝ երբ ցորեկ ատեն իր տան դրան առջև նստած էր, երեք հոգի տեսաւ հեռուէն որ դէպ իրեն կու գային. զիմացին ելաւ՝ ողջունեց և խնդրեց որ ներս գան իր տունը հանգչին, և իրենց կերակուր հանեց: Անոնք իրեն ըսին թէ Սառա գալ տարի այս օրս տղայ պիտի ունենայ. Սառա որ չէր գիտեր թէ հրեշտակք են, դրան ետեւէն լսեց ու ծիծաղեցաւ, ինչքան տարեկան պառաւ ըլլալուն համար: Երբոր հրեշտակքն մեկնելու վրայ էին, պատմեցին Աբրահամու թէ Սոգոմ քաղաքը կործանելու կ'երթան. Աբրահամ լսելուն պէս՝ գութը շարժեցաւ, և սկսաւ աղաչել որ եթէ տան արդար գտնուի մէջը քաղաքն ապատեն, այլ չգտնուեցաւ:

1. Ի՞նչ ըրին մարդիկ ջրհեղեղէն վերջ:
2. Աբրահամ ո՞ւր բնակեցաւ:
3. Ղովտ կրցաւ հանգիստ կենալ Սոգոմայ մէջ:
4. Աբրահամ ի՞նչպէս ընդունեցաւ երեք հրեշտակները:

ԳԼՈՒԽ ԵՕԹՆ ԵՐՈՐԴ

ՍՈՒՄ ՊՈՒՄՈՐԱՅ ԿՈՐԾԱՆՈՒՄՆ

(2000 նախ քան զՔրիստոս)



1. Երկու հրեշտակքն երեկոյեան զէմ Սողոմ քաղաքն հասան: Ղովտ որ քաղաքին գրան քով նստած էր, երբ որ տեսաւ զիրենք՝ օտարական կարծեց ու գնաց աղաչեց որ իր տունը մտնեն և հանգչին:

Քիչ վերջը Սողոմացիք բազմութեամբ եկան տունը պաշարեցին ու կը ստիպէին զՂովտ որ երկու հիւրերն իրենց յանձնէ. Ղովտ զէմ կեցաւ և մտիկ չըրաւ. ու երբ անոնք կ'ուզէին դուռը խորտակել և բռնութեամբ ներս մտնել, հրեշտակք զՂովտ ներս առին և աղաւտեցին անոնց հարուածներէն, և բոլոր քաղաքացւոց աչքերը կուրցուցին, այնպէս որ ունայն տեղ մինչև առաւօտ դուռը կը փնտռէին ու չէին գտներ:

2. Այն ատեն հրեշտակք պատմեցին Ղովտայ թէ քաղաքը կործանելու եկած են, և փութացուցին զինքն որ

ընտանիքն ու ազգականքը զուրս հանէ այն մեղաւոր քաղաքէն՝ որոյ վերջին վայրկեանը հասած էր Ստուծոյ առջևն իրենց անօրէնութեանց համար: Ղովտայ ազգականքն զինքը ծաղր ըրին, և չուզեցին տեղերնէն շարժիլ:

Երբոր առաւօտ եղաւ՝ հրեշտակքն առին զՂովտ և իր կինն և երկու աղջիկներն, և ձեռքերնէն բռնած քաղաքէն զուրս հանեցին, և ապսպրեցին որ չըլլայ թէ ետևնին նային, այլ առանց տեղ մը կենալու փութան ուղաւկի զիմացի լեռը ելնեն:

3. Արեգակը ծագեցաւ, և Ստուած սաստիկ կրակով խառն ծծումբէ անձրև մը թափեց յերկնից որ Սողոմ, Գոմոր քաղաքներն և իրենց չըջակայ տեղերը բոլորովին այրեց ու կործանեց:

4. Ղովտայ կինն Ստուծոյ հրամանին զէմ, ետ դառնալ նայելուն համար աղէ արձան դարձաւ. Ղովտն ալ վախնալով որ թերևս լեռը չհասած կրակն իրեն հասնի, խնդրեց հրեշտակներէն որ մօտ քաղաքաց միոյն մէջ ապաւինի, անոնք ալ խնդիրքը կատարեցին, և մօտաւոր քաղաք մը տարին զինքը, որ իրեն պատճառաւ աղատ մնաց այն զարհուրելի պատուհասէն, և անոր համար Սեզովր ըսուեցաւ:

Արրահամ իր կեցած տեղէն առաւօտանց նայեցաւ զէպ 'ի Սողոմ, Գոմոր քաղաքներուն և թանձր ծուխ մը տեսաւ որ երկինքը կը պատէր, իմացաւ որ Ստուած կը պատժէր այն քաղաքները՝ և շատ ցուեցաւ: Այսպէս չորս քաղաք, Սողոմ, Գոմոր, Աղամա և Սեբոյիմ մուխիր դարձան իրենց մեղաց համար: Այս չորս քաղաքաց տեղ ընդարձակ և լճացեալ աղէ ջրոյ լիճ մը բռնեց, որ մինչև ցայսօր Մեռեալ ծով կ'ըսուի:

1. Ղովտ ինչպէս ընդունեցաւ Ստուծոյ հրեշտակները:
2. Ի՞նչ իմացուցին հրեշտակները Ղովտայ:
3. Ի՞նչպէս պատժեց Ստուած Սողոմ, Գոմոր քաղաքները:
4. Ղովտայ կինը ինչո՞ւ համար աղէ արձան դարձաւ:

ԳԼՈՒԽ ՈՒԹԵՐՈՐԴ

ԱՔՐԱՀԱՄՈՒ ԶՈՂՆ

(1900 թ. 1-ին հրատարակում)



1. Աքրահամ նահապետն՝ Աստուծոյ խոստացած ատեն տղայ մ'ունեցաւ Սաուայէն, և անունը դրաւ Իսահակ. բայց անկէջ առաջ ուրիշ տղայ մ'ալ ունեցեր էր իր Աքար եգիպտացի աղախնէն, որոյ անունն էր Իսմայէլ:

2. Սաուա երբոր ծնաւ զԻսահակ և մեծցաւ, ալ չուզեց զԻսմայէլ և անոր մայրը քովը պահել, ուստի Աքրահամ Աստուծոյ հրամանաւ Աքարայ ձեռքը ճամբու համարու տելք և տիկ մը ջուր տուաւ, և տղուն հետ տնէն գուրս հանեց: Աքար ճամբան մոլորած՝ անապատի մէջ կը պտըտէր, քովը եղած ջուրը սպառեցաւ և ծարաւէն սկսան սաստիկ նեղուիլ. այն ատեն յուսահատած՝ թողուց տղան ծառի մը տակ, և ինքն քիչ մը հեռու գնաց նստաւ, որպէս զի որդւոյն մեռնիլը չտեսնէ: Աստուած տղուն լալու ձայնը լսեց, ու ջուր բղխեցուց այն տեղէն:

Աքարայ ալ խոստացաւ որ մեծ ազգ մը պիտի ընէ զԻսմայէլ:

3. Իսահակ իր վարուքն ու բարուք ծնողացը մխիթարութիւնն էր, Աքրահամ ալ երբ բոլորովին հանգստութեան մէջ կը կարծէր ինքզինքը տեսնելով որ իր վրայ կը կատարուի Աստուծոյ խոստումը, յանկարծ հրաման առաւ յԱստուծոյ որ իր Իսահակ որդին ողջակէզ ընէ:

Աքրահամ բնաւ չտարակուսեցաւ, առաւօտը կանուխ ելաւ, որդւոյն ուսին վրայ դրաւ զոհին համար պէտք եղած փայտն, ինքն ալ սուրն ու կրակը ձեռքն առած՝ Աստուծոյ ցուցըցած լեբան վրայ գնացին: Ճամբան հարցուց Իսահակ, « Հայր, ըսաւ, փայտն ու կրակն ունինք, մեր է ողջակէզ ընելու ոչխարը»: Պատասխանեց Աքրահամ, « Մի՛ հոգար, որդեակ, Աստուած կը պատրաստէ մեզի», ու առաջ գնացին:

Երբոր տեղն հասան, Աքրահամ սեղան շինեց, վրան շարեց փայտերը, վերջը զԻսահակ ալ կապեց, և սուրը բաշեց որ զոհէ, յանկարծ հրեշտակ մ'երևեցաւ յերկնից ու ըսաւ, « Աքրահամ, Աքրահամ. մի վնասեր որդւոյդ, հիմա իմացայ որ երկիւղած ես յԱստուծոյ, և իրեն հնազանդելու համար մինչև միակ որդւոյդ ալ չինայեցիր»: Դարձուց Աքրահամ աչքը, տեսաւ խոյ մը որ եղջիւրներէն կախուած էր ծառի մը վրայ, առաւ և որդւոյն տեղ ողջակէզ ըրաւ: Սյս զոհին վրայ օրհնեց Աստուած զԱքրահամ և ըսաւ. « Որովհետեւ հնազանդեցար ինծի, քու ցեղդ պիտի օրհնեմ և երկնից աստղներէն աւելի պիտի բաղմացընեմ »:

-
1. Քանի՞ զաւակ ունեցաւ Աքրահամ:
 2. Աքրահամ ինչո՞ւ ճամբեց զԱքար:
 3. Ի՞նչ զոհ հրամայեց Աստուած Աքրահամու որ մաւտուցանէ իրեն:

ԳԼՈՒԽ ԻՆՆԵՐՈՐԳ

ԻՍՍՀԱԿ

(1870 Ն՝ Ի ԿՆ ԳՐԻ ԿՆ)



1. Սառա 127 տարուան էր երբոր մեռաւ 'ի Քերրոն քաղաք, Քանանացւոց երկրին մէջ. Ս.բրահամալ Մամբրէի զիմաց երկու այր գնեց և հոն թաղեց զՍառա մեծ սգով:

2. Ս.բրահամ տեսնելով որ ինքն ալ ծերացեր է, կանչեց զԵղիազար իր տան հազարապետն, և երգուընցուց որ չըլլայ թէ այլազգի կին առնու իր իսահակ որդւոյն, այլ Միջագետք երթայ, իր հայրենիքն, և հոն իր տունէն և ազգատոհմէն ազլիկ մը բերէ իսահակայ կնութեան: Հաւատարիմ ծառայն երգուընցաւ, առաւ տասն ուղտ, ոսկի, արծաթ և շատ ընծաներ, և գնաց:

Երբոր Նաբովրայ քաղաքն հասաւ, պարսպէն դուրս ջրհորի մը քով կանգ առաւ, և ուղտերն հանգչեցուց, և հոն Աստուծոյ ազօթք ըրաւ, խնդրեց որ երբոր քաղաքին

ազլիունք գալու ըլլան իրենց սափորներով ջուր առնելու համար, որ ազլիան որ ինքն ըսելու ըլլայ թէ՛ ինծի քիչ մը ջուր տուր, և նա մէկէն խմցընէ և իրեն անասնոց ալ ջուր տայ, այն ազլիկն է զոր Աստուած պատրաստած է իսահակայ համար:

3. Եղիազար Հագիւ թէ ազօթքը ընցուց, եկաւ Ռեբեկա, Ս.բրահամու եղբորորդւոյն ազլիկն, և իր սափորով ջրհորէն ջուր առաւ: Եղիազար, խմելու ջուր խնդրեց, Ռեբեկա մէկէն ուսէն վար իջեցուց սափորը խմուց, և իրեն անասնոց ալ ջուր տուաւ: Այն ատեն Եղիազար հարցուց թէ ո՞վ է. և երբոր իմացաւ՝ շորհակալութեամբ փառք տուաւ: Աստուծոյ, հանեց ոսկի գինգեր՝ անոր ականջները դրաւ, և ոսկի ապարանջանք անցուց ձեռքը: Ռեբեկա ալ ուրախութեամբ տունը գնաց: Լաբան անոր եղբայրն երբոր տեսաւ, և եղածն իմացաւ, վազեց տուն կանչեց Եղիազարն և կերակուր հանեց. բայց ինքն չուզեց ուտել մինչև որ ըսելիքը չըլլուցէ, և ինչ բանի համար եկած ըլլալը չիմացընէ. անոնք երբոր լսեցին, Աստուծոյ բանն է ըսին և հաւանեցան: Եղիազար այն ատեն շատ ընծաներ տուաւ Ռեբեկայի, և իր մօրն ու եղբորը Լաբանու, և վերջը զՌեբեկա և անոր նաժիշտները հետն առած գարձաւ տաւ Ս.բրահամ:

Երբոր մօտեցան քաղաքին, իսահակ գաշտն ելած կը պտըտէր. տեսաւ զինքը Ռեբեկա և հարցուց Եղիազարի թէ ո՞վ է. և երբոր իմացաւ թէ իսահակն է, վար իջաւ ուղտէն և մեծարանքով զիմաւորեց: Շատ ուրախացաւ իսահակ, զինքը իրեն կին առաւ, և մխիթարեցաւ իւր մօր Սառայի մահուան վրայ:

1. Սառա քանի՞ տարի ապրեցաւ, և ո՞ր մեռաւ:
2. Ս.բրահամ իր որդւոյն իսահակայ համար ո՞ր ազգէն կին ուզեց առնել:
3. Եղիազար ո՞ր ազլիկն ընտրեց իսահակայ կնութեան համար:

ԳԼՈՒԻ ՏՍՄՆԵՐՈՐԴ

ՅԱԿՈՒԲ ԵՒ ԵՍԱՒ

(1850 Ն՝Ի ԺՆ ԳՐԵՒԴՐԱՆ)



1. Իսահակ երկու տղայ ունեցաւ Ռեբեկայէ . Եսաւ և Յակոբ : Յակոբ հեզգահօզի էր , Եսաւ բնութեամբ խիստ . և որովհետև անդրանիկն էր , իրեն կ'իյնար թէ՛ ժառանգութիւնն , և թէ հայրական օրհնութիւնը : Օր մը Եսաւ որսէն հոգնած տուն դարձաւ , և տեսաւ որ Յակոբ ոսպէ ապուր եփած էր և ուզեց : Յակոբ ալ ըսաւ . « Եթէ անդրանկութեանդ իրաւունքն ինձի տաս կու տամ » : Եսաւ անդրանկութիւնն արհամարհեց ու տուաւ , և ոսպ նաթանն առաւ , կերաւ :

2. Իսահակ շատ կը սիրէր զԵսաւ , վասն զի ճարտար որտորդ մ'էր , հօրը սիրած կերակուրը կը պատրաստէր : Օր մ'ալ կանչեց Իսահակ զԵսաւ և հրամայեց որ որս բերէ , որպէս զի ուտէ և վերջին հայրական օրհնութիւնը տայ : Ռեբեկա այս իմանալով , գաշտ խաւրեց զՅակոբ



զոր կը սիրեր , որ ուլ մը բերէ , եփեց և Եսաւ այ զգեստն անոր հագցուց , ու լին մորթն անոր թևերուն և վզին յարմարցուց , որպէս զի Եսաւ այ նմանի , որ շատ մազոտ էր . և կերակուրը տուաւ որ հօրը տանի : Իսահակ Յակոբայ ձայնը լսելուն պէս տարակուսեցաւ . բայց անոր ձեռքերը շօշափելով խաբուեցաւ՝ վասն զի ձերութենէ ալ չէր տեսներ , և վերջին օրհնութիւնը տուաւ : Յակոբ հօրը բովէն հազիւ մեկնէր էր , մտաւ Եսաւ իր պատրաստած որսովն և հայրական վերջին օրհնութիւնն ուզեց . զարմացաւ Իսահակ , և հարցուց թէ ո՞վ է այն որ քիչ մ'առաջ եկաւ , օրհնութիւնն առաւ : Այն ատեն իմացաւ Եսաւ , և կրկին խաբուելուն վրայ սաստիկ ոխ պահեց Յակոբայ դէմ , և կ'ուզէր սպաննել : Եզբօրը ձեռքէն Յակոբ խալըսելու համար՝ Միջագետք գնաց , իր մօրեղբոր Լաբանուքով : Թասնըջորտ տարի բովն աշխատեցաւ , և ՚ի վարձ անոր երկու զստերքն , Լիա և Ռաբէլ , իրեն կին առաւ :

1. Իսահակ Ռեբեկայէ քանի տղայ ունեցաւ :

2. Եսաւ ինչպէս վաճառեց իր անդրանկութիւնը :

ԳԼՈՒԽ ՄԵՏԱՍԱՏՆԵՐՈՐԴ

ՅԱԿՈԲԱՅ ԴԱՐՁԸ

(1820 թ. — 1-ին հրատարակում)



1. Յակոբ Լաբանուքով քսան տարի կենալէ վերջը, տեսնելով որ իր ոչխարներն ու կենդանիները այնչափ շատուցեր են որ Լաբանու և անոր որդւոց նախանձը կը շարժէր, միտքը դրաւ իր երկիրը դառնալ:

2. Օր մը մինչդեռ Լաբան հեռու տեղ մը գնացեր էր, Յակոբ գաղտուկ առաւ իր ընտանիքը, տղաքն ու բոլոր ունեցածն և ճամբայ ելաւ: Տեղ մը հասան և հոն հանգչեցան. նոյն զիչեր Աստուծոյ հրեշտակ մ'եկաւ և Յակոբայ հետ մենամարտեցաւ մինչև առաւօտ, և յաղթել չը կարենալով անոր սրունքի ջիղը թմրեցուց և սկսաւ կաղալբայց Յակոբ չթողուց հրեշտակը մինչև որ զինքը չօրհնէ, հրեշտակն ալ օրհնեց և անունը փոխեց իսրայել դրաւ, որ Աստուածատեն ըսել է. անոր համար Երբայեցեք իսրայելացիք ալ կ'ըսուին:

3. Երբ երկիրը մօտեցաւ՝ Լեց Յակոբ թէ Եսաւ եղբայրը չորս հարիւր հոգւով իրեն դէմ կու գայ, սաստիկ վախցաւ, և շատ մ'ընծաներ տուաւ իր մարդկանց ձեռքն որ երթան Եսաւայ պատարագ տանին և սիրտն առնուն: Երբոր մօտեցաւ Եսաւ, Յակոբ եօթն խումբ բաժնեց իր կանայքն ու տղաքը, և անոնցմէ առաջ անցնելով՝ գնաց եօթն անգամ երկրպագութիւն ըրաւ եղբօրը և ողջունեց, հետը եղօղներն ալ նոյնպէս ըրին: Այս որ տեսաւ Եսաւ, գուժը շարժեցաւ, վազեց Յակոբն համբուրեց լալով: Տեսնելով Յակոբայ որդւոց բազմութիւնը, ուրախակից եղաւ, սիրով ընդունեցաւ անոր խաւրած ընծայքն և ուզեց մէկտեղ դառնալ. բայց Յակոբ չնորհակալ եղաւ՝ չուզեց, վասն զի կամաց կամաց կ'ուզէր երթալ, իր մանր տղոց և անասնոց պատճառաւ:

4. Երբոր Յակոբ Քեբրոն հասնելու մօտ էր, ճամբուն վրայ Ռաբէլ Բենիամինը ծնանելու ատեն մեռաւ, և հոն Եփրայի ճամբուն վրայ թաղուեցաւ. Յակոբ ալ արձան կանգնեց, որ Շիրիմ Ռաբէլի ըսուեցաւ, և յետոյ Բեթլեհէմ:

5. Յակոբ Քեբրոն եկաւ իր Իսահակ հօրը քով, և զինքը ողջ գտաւ, որ քանի մը տարի ալ ապրելով 180 տարուան վախճանեցաւ, և իր երկու որդիքն Յակոբ և Եսաւ թաղեցին զինքը՝ իր հարց գերեզմանին մէջ:

6. Յակոբայ որդիքը տասուերկու էին, և անոնցմէ ձեւացան իսրայելացւոց երկու տասան ցեղերն: Յակոբայ որդւոց անուններն էին Ռուբէն, Շմաւոն, Դեի, Յուդա, Դան, Նեփթաղիմ, Գադ, Ասեր, Իսաքար, Զաբուլոն, Յովսէփ ու Բենիամին. երկու վերջինքս Ռաբելի որդիքն էին:

-
1. Յակոբ որչափ ատեն Լաբանու քով կեցաւ:
 2. Ի՞նչ տեսիլք տեսաւ Յակոբ:
 3. Յակոբ ի՞նչ կերպով Եսաւայ առջև ելաւ:
 4. Ո՞ր վախճանեցաւ Ռաբէլ:
 5. Իսահակ քանի տարեկան վախճանեցաւ:
 6. Քանի որդիք ունեցաւ Յակոբ:

ԳԼՈՒԽ ԵՐԿՈՏԱՍԱՆԵՐՈՐԴ

ՅՈՎՍԵՓԱՅ ԵՐԱՋՆԵՐԸ

(— 1800 շաբաթ — շաբաթ — շաբաթ —)



1. Յակոբ նահապետն իր որդւոց մէջ զՅովսէփ աւանդէն աւելի կը սիրէր, և ծագիկայ գեղեցիկ պատմութեան մը շինել տուած էր իրեն: Եղբայրներն կը նախանձէին Յովսէփայ վրայ, և իրենց նախանձն աւելի սաստկացաւ երբոր Յովսէփ իր տեսած երկու երազները անոնց պատմեց: Առաջինն էր. Յովսէփ տեսեր էր երազի մէջ՝ որ իր եղբարց հետ որայ կը կապէին դաշտի մը մէջ, յանկարծ իր որայն կանգնեցաւ, և եղբարց որայքն իրեն երկրպագութիւն ըրին: Երկրորդ երազն այս էր. տեսեր էր որ արեգակը, լուսինն ու մետասան աստեղք իրեն երկրպագութիւն կ'ընէին: Ասոր վրայ եղբարց նախանձն յատելութիւն փոխեցաւ և իրենց վրէժը հանելու առթի մը կը սպասէին:

2. Անգամ մը եղբարքն Սիւբեմ հեռու տեղ գնացեր էին

ուշտար արածելու համար. Յակոբ հայրերնին իրենցմէ լուր չառնելով և տեսնելով որ կ'ուշանան, զՅովսէփ խարեց որ երթայ զիրենք գտնէ և տեղեկութիւն բերէ: Երբոր եղբարքը զինքը հեռուէն տեսան, « Ահա երազատեսը կու գայ ըսին, սպաննենք զինքը »: Բայց Ռուբէն զինքը անոնց ձեռքէն ազատելու մտօք, ըսաւ. « Մեզք է եթէ սպաննենք, ցամաք հորի մը մէջ նետենք »: Անոնք ալ հաւանեցան, բռնեցին զՅովսէփ և ջրհորի մը մէջ իջուցին ուր ջուր չկար:

3. Քիչ վերջը բազմութիւն մարդկանց տեսան որ դէպի իրենց կու գային. ասոնք իսմայելացի վաճառականք էին որ բեռնաւորած ուղտերով Եգիպտոս կ'երթային խունկ, ռետին և զմուռս կը տանէին: Մէկէն զՅովսէփ անոնց վաճառելու խորհուրդը մտքերնին ինկաւ, և հետքնին դաշնագրեցան, քսան արծաթոյ իրենց տուին զՅովսէփ. անոնք ալ Եգիպտոս Պետափրէս անուամբ Փարաւոնի դահճապետին ծախեցին զինքը:


Ռուբէն որ եղբարց բովը չէր երբոր զՅովսէփ վաճառեցին, եկաւ ջրհորին բով, ու չգտնելով զինքը, վազեց հարցուց եղբարց թէ ինչ եղաւ Յովսէփ. և երբոր իմացաւ սաստիկ տրամութենէ զգետները պատուեց և լացաւ: Եղբարքն ալ Յովսէփայ ծագիկայ պատմութեանն առին, այժու արեան մէջ թաթաւեցին և տարին Յակոբայ ցուցըցին, ըսելով թէ այսպէս գտանք դաշտի մէջ: Յակոբ հայրերնին ճանչցաւ իր որդւոյն պատմութեանն ու « Գազան մը կերաւ որդիս » ըսելով՝ անգագար կ'ողբար ու կու լար. բոլոր ընտանիքն եկան զինքը մխիթարելու համար, բայց չուզեց մխիթարուիլ:

-
1. Յակոբ նահապետն իր որդւոց մէջ ամենէն աւելի զով կը սիրէր:
 2. Յակոբ զՅովսէփ ինչու համար խրկեց:
 3. Յովսէփայ եղբարքը ինչու համար զինքը ջրհորէն հանեցին:

ԳՂՈՒԽ ԵՐԵՔՏԱՍՍՈՆԵՐՈՐԻ

ՅՈՎԱԿԻՓ ՓԱՐԱՒՈՐԻ ԵՐԱԶՆԵՐԸ ԿԸ ՄԵԿՆԷ

(1800 ՆԻ ԺԱՆՎԱՐԻ ԿՐԻՄՈՎ)



1. Աստուած Յովսեփայ հետ էր՝ ուր որ կ'երթար. Պե-
տափրէս ալ տեսնելով Յովսեփայ իմաստութիւնն ու հա-
ւատարմութիւնը՝ զինքն իր տան հազարապետն ըրաւ, և
ամեն իշխանութիւն իրեն ձեռքը տուաւ:

Պետափրեսի կինն ուզեց զՅովսեփ մոլորցընել ու
մեղաց մէջ ձգել, բայց ինքը յանձն չառաւ ու փախաւ
քովէն. այն ատեն կինը զրպարտութեամբ բոլոր յան-
ցանքը Յովսեփայ վրայ ձգեց, էրիկն ալ հաւատարմով
բանտ դնել տուաւ զՅովսեփ: Բանտապետն ալ քիչ ա-
տենէն տեսնելով Յովսեփայ իմաստութիւնը, բանտն
անոր ձեռքը յանձնեց. հոն կային նաև թագաւորին եր-
կու ծառայքն որ յանցանքի մը համար պատժուեր էին:
Ասոնք որ մը երազ տեսած ըլլալնուն համար շատ այլայ-
լեր էին. Յովսեփ քովերնին մօտեցաւ, քաղցրութեամբ

պատմել տուաւ և երազնին մեկնեց, և ինչպէս որ ըսաւ,
նոյնպէս ալ կատարուեցաւ:

2. Երկու տարի վերջը Փարաւոն երազ տեսաւ ու խռո-
վեցաւ. քոյն մէջ իրեն երևցեր էր թէ՛ Նեղոս գետոյն
եղերքն եօթն գեղեցիկ ու պարարտ կովեր կ'արածէին,
վերջը եօթն վատոյժ ու զազիր կովեր ելան առաջինքը
կլլեցին: Արթնցաւ Փարաւոն՝ ու նորէն քնացաւ. տե-
սաւ որ մէկ արմատէն եօթն պարարտ ցորենի հասկեր
ելան, վերջը եօթն հատ ցամաք հասկեր որ առաջինքը
կլլեցին: Փարաւոն մէկէն իր իմաստուններն ու մոզերը
կանչեց, բայց մեկնութիւն մը չկրցան տալ: Այն ատեն
իմացուցին Յովսեփայ համար թէ երազները ճիշտ կը-
մեկնէ. կանչել տուաւ ու պատմեց իր տեսած երազ-
ները:

Պատասխան տուաւ Յովսեփ, թէ երկու երազներն ալ
նոյն բանը կը նշանակեն. եօթն գեղեցիկ կովերը և եօթն
գեղեցիկ հասկերը՝ եօթն առատութեան տարի կը նշա-
նակին, անոնցմէ վերջը պիտի գան եօթն սովոյ տարի-
ներ՝ որ առաջին եօթն առատութեան տարիներն պիտի
մոռցընեն. ուստի ըսաւ թագաւորին, « Պէտք է որ խե-
լացի մարդ մը գտնես, որ առատութեան տարիներու
մէջ ցորեն ժողովէ ու պահէ սովոյն համար»: Փարաւոն
զարմանալով Յովսեփայ իմաստութեան վրայ, « Ամբողջ
թագաւորութեանս մէջ, քեզմէ աւելի խելացի մարդ
չկայ, ըսաւ, որ այս գործը կարենայ կատարել. Դու ըլ-
լաս իմ երկրորդս ու հրամանտաւ բոլոր Եգիպտոսի վը-
րայ»: Եւ իր մատանին հանելով Յովսեփայ մատն ան-
ցուց, ու փառաւոր հազուստով թագաւորական կառքին
մէջ Եգիպտոսի ամեն քաղաքները շրջեցընել տուաւ:

Յովսեփ ուր որ գնաց՝ անթիւ շտեմարաններ շինել
տուաւ, և բոլոր երկրին ցորենը ժողովեց. երբոր անցան
առատութեան եօթն տարիները և սովն եկաւ, այն ատեն
ամենայն մարդ Յովսեփայ կը դիմէր ու զրամով ցորեն
կ'առնուր:

1. Պետափրէս ինչ գործ յանձնեց Յովսեփայ:
2. Ինչպէս ելաւ Յովսեփ բանտէն:

ԳԼՈՒԽ ԶՈՐԲԵՔՏԱՍԱՆԵՐՈՐԴ

ՅՈՎԱԷՓ ԻՆՔՁԻՆՔԸ ԵՂԲԱՐՅԸ ԿԸ ՅԱՅՏՆԷ

(— 1800 —)



1. Սովը սաստկանալով մինչև Քանանացւոց երկիրն հասաւ. Յակօբ ալ լսելով որ Եգիպտոս ցորեն կը վաճառուի, հոն խաւրեց իր որդիքն ցորեն գնելու համար: Յովսէփ իր եղբարքը տեսնելով չճանչնալ ձեացուց ու խտուրթեամբ խօսեցաւ հետեանքն թարգմանով. «Լըրտես էք, ըսաւ, երկիրս զիտելու եկեր էք»: Անոնք ալ «Քաւ լիցի տէր, ըսին, Քանանացւոց երկրէն եկանք ցորեն գնելու, մենք ամենքնիս մարդու մը զաւակ ենք, տասուերկու եղբարք ենք. կրտսերը ծերունի հօրերնուս քով է, ու մէկ մ'ալ կորսուած է»: Այն ատեն ըսաւ Յովսէփ, «Չըսի՞ թէ լրտես էք. չեմ թողուր որ երթաք մինչև որ ձեր պղտի եղբայրն ալ առջևս չգայ»: ու զիրենք բանտ գնել տուաւ: Երկրորդ օրն հանեց, ու Շմաւոնը քովը պահելով, միւսներուն առատ ցորեն տուաւ ու տեղերնին խաւրեց:

Անոնք գնացին իրենց հօրը պատմեցին թէ ինչպէս Եգիպտոսի իշխանը խտուրթեամբ վարուեցաւ հետեանքն, և թէ կ'ուզէ Բենիամինն ալ տեսնել: Հայրերնին նեղացաւ իրենց ըսելով, «Ինչո՞ւ համար պատմեցիք իրեն թէ կրտսեր եղբայր մ'ալ ունիք. Յովսէփ մեաւ Շմաւոնը քովս չէ, Բենիամինն ալ կ'ուզէք առնուլ»: և չուզեց որ Բենիամին հետեանքն երթայ:

Բայց երբոր ցորենը սպառեցաւ, ստիպուեցաւ Բենիամինն ալ եղբարքը հետ խաւրելու. անոնք գնացին Յովսէփի զիմացն ելան, և բերած ընծանին իրեն մատուցին: Յովսէփ սիրով ընդունեցաւ, հարցուց թէ հայրերնիդ ո՞ղջ է, ու Բենիամինը սիրեց, Շմաւոնն ալ ազատ թողուց:

2. Երկրորդ օրն երբոր ճամբայ պիտի ելնէին, հրաման տուաւ Յովսէփ իր հազարապետին իր արծաթէ գաւաթն Բենիամինի խուրձին մէջ պահելու. և երբոր բաւական հեռացեր էին, մարդ հասցուց որ յանդիմանեց զիրենք արծաթէ բաժակը գողնալնուն համար: Անոնք շփոթեցան ու «Մեանի, ըսին, որդի քով որ գտնուի»: Մարդը փնտռեց և Բենիամինի խուրձին մէջ գտաւ. իրենք ալ յուսահատած քաղաք գարձան և Յովսէփի սաքն ինկան որ իրենց ծերունի հօր սիրուն համար ներէ: Յովսէփի սիրտը ելաւ, հեռացուց քովէն ամենայն մարդ, ու երբոր առանձին մնաց եղբարք հետ, ըսաւ, «Ես եմ Յովսէփ ձեր եղբայրը», և սկսաւ իրենց լեզուով հետեանքն խօսիլ. անոնք այլայլեցան ու վախցան, բայց Յովսէփ զիրենք համբուրեց ու մխիթարեց, և ամենայն պատուով իրենց հօրը խաւրեց որ առնուն զինքը Եգիպտոս բերեն:

Յակօբ երբոր լսեց՝ սիրտը վառուեցաւ, «Յովսէփս ո՞ղջ է, չմեռած երթամ տեսնեմ զինքն» ըսաւ, ու Եգիպտոս եկաւ, և զՅովսէփ տեսնելով անպատմելի ուրախութեամբ լեցուեցաւ. և քիչ տարի անցնելէն ետքը մեռաւ 147 տարեկան:

- 1. Ինչպէս ընդունեցաւ Յովսէփ իր եղբայրները:
- 2. Յովսէփ ինչպէս չճանցուց ինքզինքը իր եղբարքը:

ԳԼՈՒԽ ՀՆԳԵՏԱՍՈՒՆԵՐՈՐԳ

ՅՈՒ ԵՐՈՍՆԵԼԻ

(1740 Ն ի Կ ի Վ ի Ե ի Կ ի Կ ի)



1. Այս ժամանակս կ'ապրէր Աւսիդ աշխարհին մէջ Յօր անուամբ իշխանն աստուածավախ և արդար մարդ մը. եօթն մանչ և երեք աղջիկ դուստի ունէր, հարստութեանն ալ չափ չկար: Սատանան միտքը դնելով որ Յօրայ ցուցըցած աստուածապաշտութիւնն առ երեսս է, հրաման ուզեց յԱստուծոյ զինքը չարչարելու, իր հաւատարմութիւնը փորձելու համար. Աստուած ալ հրաման տուաւ, միայն ապսպրեց որ անոր անձին չդպչի:

2. Օր մը յանկարծ մէկն եկաւ ըսաւ Յօրայ. «Աւազակները բոլոր եգնեղդ, ուղտերդ և էջերդ գողցան և պահապաններն սպաննեցին, ես միայն կրցայ աղատիլ և եկայ պատմել քեզի»: Հաղիւ թէ խօսքը լինցուց ուրիշ մ'եկաւ, ըսաւ, «Երկնքէն կրակ իջաւ, ոչխարներդ ու հովիւներդ այրեց, ես միայն մնացի և եկայ պատմել

քեզի»: Եւ տով վրայ հասաւ երրորդ մը և ըսաւ, «Որդիքդ և դստերքդ իրենց մեծ եղբօր տունը կ'ուրախանային, յանկարծ մեծ փոթորիկ մ'եկաւ, տունը կործանեց և զամենքը մեռուց»: Աս որ լսեց Յօր ոտք ելաւ, պատառեց իր գգեսան, և գետինն ինկնալով Աստուծոյ երկրպագութիւն ըրաւ, և ըսաւ, «Աստուած տուաւ և Աստուած առաւ, ինչպէս որ կամեցաւ նոյնպէս եղաւ, օրհնեալ ըլլայ իր կամքը»:

Սատանան տեսնելով որ այնչափ մեծամեծ չարիք հասցընելէն վերջ Յօր ամենեկին տրտունջ մը շէր հանած. ըսաւ Աստուծոյ, «Հրաման տուր ինձի իր անձին ալ դպչելու, այն ատեն կը տեսնես թէ ինչպէս կ'անի՞ծանէ զքեզ»: Աստուծոյ թոյլ տալովը Յօրայ զլսէն մինչև ոտքը վերքու խոց եկաւ, այնպէս որ Յօր մարդկան գոյուելի եղած՝ ստիպուեցաւ քաղաքէն դուրս աղբիւտի վրայ նըստիլ և խեցիով իր թարախները կը մաքրէր. սակայն այս անտաննիկ տառապանաց մէջ ոչ երբէք բերնէն զանգատ մը հանեց Աստուծոյ դէմ, անոր հակառակ՝ անդադար գոհութիւն կու տար Աստուծոյ:

3. Լսելով իր թշուառութիւնն իրեն երեք բարեկամ թագաւորները, եկան զինքը տեսնելու և մխիթարելու. բայց Յօր այնչափ խեղճըցեր էր որ չկրցան ճանչնալ զինքն ու օրերով առանց խօսելու կու լային իրեն վրայ Յօր ալ զիրենք մխիթարեց ըսելով թէ Աստուած իմ համբերութիւնս կը փորձէ: Յիրաւի տեսնելով Աստուած Յօրայ ամենամեծ հաւատարմութիւնն՝ եօթն տարի վերջը նորէն առաջին առողջութիւնը դարձուց իրեն, և զինքը օրհնելով առաջինէն աւելի հարստացուց և դարձեալ եօթն մանչ և երեք աղջիկ պարգևեց իրեն: Ասոր վրայ Յօր 170 տարի ալ ապրեցաւ, և թոռան թոռն տեսնելով, 248 տարուան վախճանեցաւ:

- 1. Ո՞վ էր Յօր:
- 2. Ի՞նչ ձախորդութիւնք պատահեցան Յօրայ:
- 3. Աստուած ինչով վարձատրեց Յօրայ համբերութիւնը:

ԳԼՈՒԽ ՎԵՇՏԱՍԱՆԵՐՈՐԴ

Մ Ո Վ Ս Է Ս

(1450 շաբաթ 2-րդ օր)



1. Յակոբ նահապետին մեռնելէն վերջ, Իսրայելացիք այնչափ բազմացան Եգիպտոսի մէջ, որ թագաւորը աւնոնցմէ վախնալով՝ հրամայեց Իսրայելացեաց ամենայն աւրու տղաք գետը ձգել :

2. Ղեկայ ցեղէն Ամրամ անունով մարդ մը կայտառու սիրուն տղայ մ'ունենալով, երեք ամսոյ չափ ծածուկ պահեց, և ալ չկարենալով աւելի պահել, իր կինը խօսիլէ հիւսուած սապատ մ'առաւ, ձիւթով օծեց և տղան մէջը գնելով՝ Նեղոս գետը ձգեց : Փարաւոնի աղջիկն իր նաժիշաներով լուացուելու եկած ատեն, կը տեսնէ սապատը, բանալ կու տայ և տղան մէջը տեսնելով՝ շատ կը գիտարան : Մարիամ՝ տղուն քոյրը, որ գետին եզերքը կեցած կը նայէր թէ ինչ պիտի ըլլայ տղուն վախճանը, մէկէն վազեց և հարցուց իշխանուհոյն թէ կուզէ՞ որ

կաթնտու կին մը կանչէ, ու գնաց մայրը բերաւ : Իշխանուհին ալ իրեն կը յանձէ տղան, որ երբոր մեծնայ թագաւորական արքունիք բերէ : Տղուն անունն ալ Մովսէս գրաւ, որ Զրէ ազատած ըսել է :

3. Մովսէս քառասուն տարի թագաւորական պալատը կենալով, եգիպտացեաց ամենայն գիտութիւնները սովորեցաւ, բայց իր ազգը չմոռացաւ, և որ մը Իսրայելացեաց այց ելած ժամանակ տեսնելով Եգիպտացի մը որ գիտարանէր մը կը ձեռնէ, վրան վազեց, սպաննեց և աւագի տակ թաղեց : Բայց երբոր լսեց որ այս գէպքին վրայ թագաւորը զինքը կը փնտռէ ձերբակալելու համար, Մագիանացեաց երկիրը փախաւ : Հոն ոչխար արածելու ժամանակ, երևեցաւ իրեն Աստուած, բռնկած մորենոյ մը մէջէն՝ և ըսաւ « Մովսէս, Եգիպտոս գնա, և իմ ժողովուրդս ազատէ Եգիպտացեաց ձեռքէն » : Այլ և այլ նշաններ ալ տուաւ, որպէս զի ժողովուրդն իրեն հաւատայ :

4. Մովսէս, և Ահարոն իր եղբայրը, թագաւորին գնացին, որպէս զի ժողովուրդն արձակէ, բայց Փարաւոն ամենեւին չուզեց մտիկ ընել, այլ մանաւանդ թէ աւելի չարչարեց Իսրայելացիները : Աստուած ալ տասն ահաւոր պատիժներ խտրեց Եգիպտոսի վրայ, որ քիչ օրուան մէջ փճացուց երկիրն, նախ Ե. բոլոր ջրերն աւրին գարձան, Բ. երկիրը գորտերով լեցուցաւ, Գ. Մուկով, Դ. շանաճանձով, Ե. Եգիպտոսի ամեն կենդանիք սատկեցան, Զ. Մարդիկներու և մնացած անասնոց վրայ ուռեցքներ ելան, Է. Սաստիկ կարկտով արտերը ու բոյսերը փճացան, Ը. Անթիւ մարախ ելաւ որ կարկտախն մնացածը կերաւ լմնցուց, Թ. մութ խաւար պատեց բոլոր երկիրը երեք օր շարունակ :

1. Ինչո՞ւ Իսրայելացիք հալածուեցան :
2. Ո՞վ էր Մովսէս :
3. Ո՞ր երեւցաւ Աստուած Մովսէսի :
4. Արո՞նք են Եգիպտացեաց տասը պատիժները :

ԳԼՈՒԽ ԵՕԹՆԵՒՏԱՍՆԵՐՈՐԴ

ԻՐԱՅՆԼԱՅԻՈՑ ԵԼԻՔ ՅԵԳԻՊՏՈՍԷ

(ԿՒՅ 1700 ՆՈՒ ԿՈՆ ՎՔԻՒՂՈՍ)



1. Փարաւոն թագաւորն երբոր այս սոսկալի պատիժն րով չզգաստացաւ, այն ատեն Աստուած որոշեց վերջին և ահաւորագոյն պատժով ազատել զԽարայեւացիս Եգիպտոսէ: Հրաման տուաւ Մովսիսի որ պատուիրէ ժողովրդեան ճամբայ ելնելու պատրաստուին, և ամեն տան մէջ գառն մը մտնելու՝ որոյ արիւնը քսնն դրան սեմոց վրայ. վասն զի գիշեր ժամանակ հրեշտակ մը պիտի իջնէ յերկնից և Եգիպտացոց ամեն անգրանիկ տղաքը պիտի սպաննէ, բայց ՚ի այն տուններէն ուր արիւնը քսուած է: Ժողովուրդը Մովսիսի ըսածը կատարեց, և երբոր կէս գիշեր եղաւ՝ մեծ աղաղակ մը լսուեցաւ Եգիպտոսի մէջ, թագաւորէն սկսեալ մինչև խեղճ աղախնոյն անգրանիկ որդիքը մեռած էին: Ժողովուրդը սարսափած՝ բռնադատեց զՓարաւոն որ ազատ թողու զԽարայեւացիս,

անոնք ալ մէկէն՝ ճամբայ ելան դէպ ՚ի Կարմիր ծովն, 600,000 հոգի: Իրենց առաջնորդն ցերեկ ատեն՝ ամպէ սիւն մ'էր, որ գիշեր ժամանակ կրակէ սիւն կ'ըլլար և միշտ զիմացնին կ'երթար:

2. Քիչ վերջը Փարաւոն զղջացաւ Խարայեւացիքն արձակելուն վրայ, և անթիւ զօրքով ետեւէն վազեց որ բռնի եւ դարձընէ: Խարայեւացիք Կարմիր ծովուն եզերքն էին՝ յանկարձ տեսան թշնամիքն և սկսան սաստիկ վախնալ ու Մովսիսի դէմ տրտնջել. բայց Մովսէս « Մի վախէք, կ'ըսէր, Աստուած կ'օգնէ ձեզի »: Նոյն միջոց ամպեղէն սիւնն Խարայեւացոց, և Եգիպտացոց մէջտեղ անցաւ և կը խափանէր որ զիրար տեսնեն. Մովսէս ալ ձեռքի գաւազանաւ ջրոյն զարնելուն պէս՝ ծովն երկու բաժնուեցաւ, և ալիքները պաղած՝ երկու կողմ քարէ պարիսպներու պէս անշարժ կեցան. Խարայեւացիք մէջը մտան և չօր ցամաք ճամբով միւս ափունքն ելան: Եգիպտացիք ալ ուզեցին ետեւէն հասնիլ ու մէջը մտան, բայց Մովսէս նորէն գաւազանաւ զարնելուն պէս, ծովը դարձեալ միացաւ ու Փարաւոն բովանդակ զօրօք ընկղմեցաւ:

Խարայեւացիք այս մեծ հրաշքը տեսնելով՝ Աստուծոյ շնորհակալ եղան, և երգուրնցան իրեն հաւատարիմ մնալու. վերջը Մովսիսի առաջնորդութեամբ յառաջ գնացին Սուրբիոյ անապատին մէջ:

3. Քիչ ատենէն ունեցած պաշարնին սպառեցաւ, ու կստան Մովսիսի դէմ տրտնջել, Աստուած ալ երեկոյեան դէմ լորամարգի խաւրեց անթիւ բազմութեամբ ամպի պէս, երկրորդ առաւօտն ալ ձերմակ ձեան պէս բան մ'իջաւ յերկնից, որ իրենց հացն էր. Խարայեւացիք զարմացած սկսան ըսել Մանու, որ ըսել է, « Այս ինչ է »: ասկէց անունը Մանանա մնաց, որ ալիւրի հետ խառնած՝ մեզրի համ ունէր: Քառասուն տարւոյ չափ՝ որ Խարայեւացիք անապատին մէջ անցուցին, Աստուած այս երկնատուր հացովը կը կերակրէր զիրենք:

1. Ինչպէս թողուց Փարաւոն Խարայեւացիքը որ մեկնին:
2. Ինչպէս մեռաւ Փարաւոն:
3. Ինչով կ'ապրէին Խարայեւացիք անապատին մէջ:

ԳԼՈՒԽ ՈՒԹԵՒՏԱՍՏԵՐՈՐԴ

ԻՍՐԱՅՆԷԼԱՅԻՈՅ ԱՍՏՈՒԱԾԱՏՈՒԵՐ ՕՐԷՆՔԸ ԵՒ ԻՐԵՆՑ

ԿՈՍՊՈՒՇՏՈՒԹԻՒՆԸ

(1700 թ. շ. 4-րդ գլխի 1-րդ)



1. Երեք ամիս վերջը՝ երբոր Խորայելացիք Մինա լեռան ստորոտն հասան, Աստուած երևեցաւ Մովսիսի և ըսաւ թէ կ'ուզէ ժողովրդեան օրէնք տալ. հրամայեց իրեն Մինա լեռան ծայրն ելնել, անոր ստորոտն ալ չորս կողմ՝ սահման դնել, որպէս զի ոչ մարդ, և ոչ անասուն անդին անցնի :

Առաւօտանց Մինա լեռն ամպով ծածկուած երևեցաւ, որտտմունքով և կայծակով կը ծխէր ու կը բորբոքէր. ժողովուրդը վախեցաւ, Աստուած ալ նոյն միջոցը տասն պատուիրանքները տուաւ Մովսիսի, և ժողովուրդն ալ երդմունք ըրաւ այն պատուիրանքները ճշդիւ պահելու :

2. Քանի մ'որ վերջը Մովսէս Աստուծոյ հրամանաւ դարձեալ լեռան ծայրն ելաւ, և քառասուն օր կեցաւ հոն: Ժողովուրդն իր սուշանալուն վրայ նեղուելով զի մեց Ահա-

րոնի վրայ սպառնալեօք ու ըսաւ. « Աստուած մը չինէ մեզի. որ առաջնորդ ըլլայ մեզի ու Եզրիպտոս դառնանք, վան զի չենք գիտեր թէ ինչ եղաւ այն Մովսէսն որ զմեզ Եզրիպտոսէ հանեց »: Ահարոն ալ հրամայեց որ իրենց կանանց, աղայոց ոսկի զինդ երբ բերեն և անոնցմով հորթ մը ձուլեց, առջևը սեղան մը չինեցին ու զոհ ըրին և սկըսան ուրախութենէ պար բանել :

3. Աստուած շատ բարկացաւ, և ըսաւ Մովսիսի, « Շուտ վարիջիր, վասն զի անօրինեցաւ ժողովուրդը »: ու քիչ որ բոլոր ժողովուրդը սպաննէր, եթէ Մովսէս ազաջանքով ու պաղատանքով Աստուծոյ արգար բարկութիւնը չիջեցընէր: Մովսէս՝ երկու քարէ տախտակները ձեռքն առած, երբոր լեռնէն վար կ'իջնէր ու բանակին մօտեցեր էր, տեսնելով հորթը ու պարը՝ սաստիկ բարկութենէ ձեռքի քարերը վար ձգեց, խորտակեց: Վերջը մտաւ բանակը, հորթը կործանեց ու այրեց, և մանր մանր ջարդելով ջրոյն մէջ ցանց ու ժողովրեան խմցուց. և բանակին մէջ կեցած, « Ով որ Աստուծոյ կողմնէ, քովս գայ » ըսաւ. մէկէն քովը ժողովեցան Ղևեայ ցեղը. ըսաւ անոնց Մովսէս. « Այս է Աստուծոյ հրամանն որ իւրաքանչիւր ոք իր սուրն առնու, և բանակին մէջէն անցանելով՝ սպաննէք ազգական, բարեկամ չնայելով ». այսպէս 3000 հոգի սպանուեցան նոյն օրը :

Վերջը Մովսէս առաջին տախտակացման երկու քարէ տախտակ չինել տուաւ, ու վրան գրեց Աստուծոյ տուած օրէնքները, որոց վրայ Աստուած իր ձեռքը տասնաբանեայ պատուիրանք գրած էր :

1. Ինչպէս տրուեցան տասնաբանեայ պատուիրանքները :
2. Ինչպէս կռապաշտեցան Խորայելացիք :
3. Աստուած ինչպէս պատժեց Խորայելացւոց կռապաշտութիւնը :

ԳԼՈՒԽ ԻՆՆԵՏԻՏՈՍՆԵՐՈՐԴ

ԼՐՏԵՍԱՅ ԴԱՐՁԸ

(1700 շաբաթ 4-րդ օր)



1. Իսրայելացիք Սինա լեռնէն ճամբանին շարունակելով զհէպ 'ի Աւետեաց երկիրը գնացին, և երբոր մօտեցան՝ Մովսէս տասուերկու ցեղէն մէկ մէկ հօգի խաւրեց որ երթան զննեն թէ ինչպիսի երկիր է: Անոնք գնացին և երկիրն ամէն տեսակ պտուղներէն հետերնին առնելով, խաղողի ողկոյզ մ'ալ բերին զոր երկու հօգի հազիւ կը վերցընէին: Ժողովուրդն երբոր տեսաւ՝ զարմացաւ երկրին բարեբերութեան վրայ, բայց լսելով անոնցմէ թէ քաղաքներն զօրաւոր են և թէ իրենք տեղացի բնակչաց քով մարախի պէս են, սկսան վախնալ ու խորհուրդ բնել որ առաջնորդ մ'ընտրեն ու նորէն Եգիպտոս դառնան. միայն Յետու և Քաղէբ գնացողներու մէջէն սիրտ կու տային որչվախեն, բայց մտիկ չըրին ու կատրած՝ Մովսիսի վրայ վազեցին որ քարկոծեն: Աստուած այն ատեն

ամպով մը ծածկեց զՄովսէս ու անոնց ձեռքէն ազատեց, բայց իսրայելացւոց վրայ բարկանալով հրամայեց որ Եգիպտոսէ ելնողներէն քսան տարեկանէ վեր մէկն ալ Աւետեաց երկիրը չմտնէ, Յետուէն ու Քաղէբէն զատ: Ուստի ճամբանին փոխել տուաւ զհէպ 'ի Կարմիր ծով, և քառասուն տարի անապատի մէջ շրջեցուց, ուր ամեն քը մեռան:

Շատ տարիէ վերջը դարձեալ Սին անապատն եկան, և ժողովուրդը ջուր չգտնելով սկսաւ տրտնջել: Աստուած Մովսիսի հրամայեց որ զիմացի ապառաժ ժայռէն ջուր բղխեցընէ, Մովսէս ալ ձեռքի գաւաղանաւ երբոր պիտի դարնէր բսաւ տարակուսելով, « Այս բարէս ջուր պիտի հանէ ձեզ Աստուած », ու կրկին անգամ՝ զարկաւ և սկսաւ առատ ջուր ելնել: Բայց այս բանիս համար Աստուած նեղացաւ Մովսիսի ու պատիժ տուաւ որ Աւետեաց երկիրը չմտնէ, և այս պատճառաւ ջրոյն անունը դրին Զուր բամբասակաց:

Իսրայելացիք՝ Եգիպտոսէ ելնելուն քառասներորդ տարին Հովր լեռան ստորոտն հասան. Աստուած Մովսիսի իմացուց թէ Ահարոնի վախճանը հասած է՝ ուստի Մովսէս զինքը լեռան վրայ հանեց, հոն քահանայապետական զգեստները անոր Եղիազար որդւոյն հագուեցուց և հօրը տեղ քահանայապետ կարգեց, և հոն մեռաւ Ահարոն 125 տարուան: Իսրայելացիք երեսուն օր սուգ բռնեցին Ահարոնի մահուան վրայ:

Երբոր Յորդանան գետոյն քով հասան, որ Աւետեաց երկրին սահմանն էր, Աստուած հրամայեց Մովսիսի զՅետու իրեն տեղ իսրայելացւոց վրայ առաջնորդ դնելու: Մովսէս շատ խրատներ տուաւ և օրհնութիւններ կարդաց ժողովրդեան վրայ, և Աստուծոյ հրամանաւ Նարա լեռն ելնելով՝ անոր բարձրէն Աստուած ցըցուց իրեն Աւետեաց երկիրը, ուր վախճանեցաւ ու թաղուեցաւ, 120 տարուան: Ժողովուրդն երեսուն օր սուգ բռնեց իր մահուան վրայ:

1. Որչափ ատեն անապատին մէջ շրջեցան իսրայելացիք:
2. Ո՞ր վախճանեցան Ահարոն և Մովսէս:

ԳԼՈՒԽ ՔՍՍՆԵՐՈՐԻ

ԻՍՐԱՅԵԼԱՅԻՔ ՅՈՐԴԱՆԱՆ ԳԵՏԸ ԿԱՆՅԵՆ

(— 1400 շ—ի — 1—ի — 1—ի — 1—ի —)



1. Մովսէս մարգարէին մեռնելէն վերջ՝ Յեսու Աստուծոյ հրամանաւ ապստրեց ժողովրդեան որ պատրաստուին Յորդանան գետն անցնել Աւետեաց երկիրը մասնելու համար:

Երկու լրտես ալ խաւրեց որ Երիբով քաղաքն երթան, տեղւոյն և բնակչաց որախտութիւնն քննեն. անոնք գնացին ու տեղեկացան, և Ռախաբ անունով կնոջ մը տունն իջան: Երիբովի թագաւորն երբոր իմացաւ, մարդ խաւրեց որ լրտեսները բռնեն, բայց Ռախաբ զանոնք ապահով տեղ մը պահեց ու եկող խնդրակաց ուրիշ ճամբայ մը ցրցուց ըսելով թէ ասկէ ելան գնացին: Երբոր բաւական հեռացեր էին՝ տան պատուհանէն՝ որ պարսպին վրայ շինուած էր՝ չուանով մը վար իջեցուց լրտեսները և գաղտուկ ճամբայ գրաւ, աղաչելով որ երբ Խորայեւրցիք Երիբովն առնելու ըլլան, իրեն խնայեն. լրտեսները

ալ ապստրեցին որ կարմիր չուան մը կապէ պատուհանին վրայ որպէս զի ճանչցուի ու տունը չկործանեն:

2. Յեսու լրտեսներուն բերած լրովն աւելի քաջաւերուած՝ հրամայեց ժողովրդեան որ բանակը վերցընեն և գէպ՝ ի Յորդանան գետ առաջ երթան. քահանայք ալ տապալանակն առջևէն բարձած երբոր եկան ոտքերնին Յորդանանու ջրոյն գպցուցին՝ յանկարծակի երկու մաս բաժնուեցաւ գետը, վերին ջուրը պարսպի պէս մէկ մէկու վրայ գիզուած անշարժ կեցաւ, իսկ ստորին ջուրը՝ Մեռեալ ձով ժողովեցաւ. քահանայք չոր ցամաք ճամբով գնացին գետոյն միջավայրն կեցան տապանակով, մինչև որ բոլոր Խորայեւրցուց բանակն անցաւ: Յեսու հրամայեց տապանակին կեցած տեղը տասուերկու մեծ քարեր ձգել գետոյն մէջ, տասուերկու ցեղից անկէ անցնելուն յաւիտենական յիշատակ: Երբոր տապանակը գետէն դուրս ելաւ՝ նորէն միացաւ Յորդանան և առաջուան պէս սկսաւ իր ընթացքը շարունակել: Ժողովուրդն այս մեծ հրաշքը տեսնելով՝ Մովսիսի պէս սկսաւ Յեսուէն ալ պատկառիլ ու վախնալ:

3. Յորդանան գետոյն միւս ափունքն անցնելուն պէս՝ մանանայ իջնելը դադարեցաւ, Խորայեւրցիք ցորենէ հաց սկսան ուտել, ու հոն ցորենէ շինուած բաղարջ հացով իրենց առաջին զատիկը կերան:

1. Աւետեաց երկիրը մտնելու համար ի՞նչ ըրաւ Յեսու:
2. Ի՞նչպէս անցան Խորայեւրցիք Յորդանան գետը:
3. Յորդանանը անցնելէն վերջը ի՞նչ սկսան ուտել Խորայեւրցիք:

ԳԼՈՒԽ ՔՍԱՆԵՐՈՐԴ ԱՌԱՋՆԵՐՈՐԴ

ԵՐԻՔՈՎԻ ԿՈՐԾԱՆՈՒՄՆ

(1400 Ն-ի 4-րդ դար)



1. Երիքով մեծ քաղաք մ'էր, ամուր ու զօրաւոր պարըսպօք պատած : Անոր թագաւորն և բնակիչներն Իսրայելացւոց Յորդանան գետէն անցնելը լսելով՝ մեծ վախ մ'ինկաւ սրտերնին. և մինչդեռ դռները գոցած ամրացած կեցեր էին, Աստուած Յեսուայ հրամայեց պարսպաց չորս կողմն շրջեցընել ժողովուրդը վեց օր շարունակ՝ օրը մէկ անգամ, քահանայքն ալ տապանակն առջևէն բարձած եօթը փող հնչեցընեն. եօթներորդ օրն՝ եօթն անգամ շրջին և վերջին փողը հնչելու ժամանակ ամենքը միաբերան սկսին աղաղակել : Այս օր ըրին պարիսպներն իրենք իրենցմէ մէկէն կործանեցան, և Իսրայելայիք աւմե կողմէն ներս գիւնցին, բնակիչը թրէ անցուցին և քաղաքն այրեցին, բաց ՚ի Ռախաբի տունէն :

2. Յեսու Երիքով քաղաքն անիծեց իր մէջն ունեցածն .

րով, ու խտիւ ապսպրեց որ մէկը բանի մը ձեռք չըզարնէ ու առնու այս անիծեալ քաղաքէս : Երիքովը կրկին շինողին վրայ ալ անէծք կարդաց և ըսաւ . « Սնդրանկաւը հիմունք դնէ և կրտսերաւ դռները շինէ » : Ինչպէս որ եղաւ հինգ հարիւր տարի վերջը . Արիէլ Բեթեւաղին իր Աբիրոն անդրանկաւ սկսաւ շինել, և ամեն տղաքը մեռան, ու կրտսեր օրդոյն հետ լնացուց շինութիւնը :

3. Երիքովն առնելէն վերջը՝ Գայի քաղաքին վրայ գնացին, եիմանալով Յեսու որ տկար քաղաք մ'է, երեք հազար մարդ խաւրեց. անոնք գնացին և յաղթուած ետ դարձան : Յեսու շիտթեցաւ ու հարցուց Աստուծոյ այն ձախորդութեան պատճառը . Աստուած ալ յայտնեց թէ յանցանք մը գործուեր է Երիքով քաղաքն առնելու ժամանակ, և ըսաւ, « Եթէ կ'ուզէք որ մեղքը քաւուի, վիճակ ձգեցէք և յանցաւորը գտէք ու տնով տեղով այրեցէք » : Վիճակ ձգեցին, և Յուդայի ցեղէ Աբար անունով գինուորի մը վրայ ինկաւ : Կանչեց զինքը Յեսու և քաղցրութեամբ հարցուց ըրած յանցանքը, ինքն ալ պատմեց թէ Երիքով քաղաքը կործանելու ժամանակ տեսեր է գեղեցիկ հիւսած վերարկու մը, երկու հարիւր արծաթի երկիրամեան և ձոյլ մը ոսկի յիսուն կըշուով, գողցեր է և իր վրանին մէջ հողոյ տակ ծածկեր է : Յեսու հրամայեց որ երթան առնուն, և Աբարը տնով տեղով և ստացուածօք ձորի մը մէջ տանել տուաւ, և հոն քարկոծեցին զիրենք և այրեցին :


1. Ինչպէս առնուեցաւ Երիքով քաղաքը :
2. Ինչ անէծք կարդաց Յեսու Երիքովը կրկին շինողին :
3. Ո՞վ էր Աբար և ինչ վերջ ունեցաւ :



ԳԼՈՒԽ ՔՍԱՆԵՐՈՐԴ ԵՐԿՐՈՐԴ

ՅԵՍՈՒ ԱՐԵԳԱԿԸ ԿԸ ԿԵՅԸՆԷ

(1400 շաբաթ քան զՔրիստոս)



1. Յեսու Աստուծոյ պատուերին հակառակ գործուած այս յանցանքը քաւելէն վերջ, երեսուն հազար զօրօք դարձեալ Գայի քաղաքին վրայ գնաց, և դարանի մէջ պահեց զօրքը, իսկ ինքն առաւօտը քիչ զօրքով քաղաքին առջև երևեցաւ: Գայեցիք իրենց թագաւորովն հանդերձ վրանին յարձակեցան, Յեսու փախչիլ ձևացուց և ետ քաջուեցաւ. երբոր անոնք ետենին ինկած՝ քաղաքէն բաւական հեռացեր էին, յանկարծ Յեսուայ պահուշտած զօրքը քաղաքին վրայ զիմեցին, տիրեցին անոր ու այրեցին: Գայեցիք իրենց քաղաքին ծուխն ու կրակը տեսնելով՝ յուսահատած ետ դարձան. բայց Յեսու փութաց զանոնք երկու կողմէն պաշարել, ու բոլորովին ջնջեց, թագաւորն ալ մէկտեղ:

2. Այսպաղ թեան վրայ ամեն շրջակայ ազգեր սաստիկ

վախի մէջ ինկան, ու միաբանեցան, դաշինք դրին որ ամենայն զօրութեամբ Խորայեւացուոց զէմ ելնեն. միայն Գաբաւոն քաղաքի բնակիչքն տեսնելով որ անհնարին է պատերազմաւ յաղթել անոնց՝ հնարք մը մտածեցին, և իրենց իշխաններն ճանապարհորդի պատառատուն ըզգեստներ և մաշած կօշիկներ հագած, կըտըրտած գինւոյ տկեր և չորացած որդնտած հացեր հետերնին, Յեսուայ ներկայացան ըսելով թէ հեռաւոր աշխարհներէ եկած են, ու լսելով Խորայեւացուոց մեծ անունը կ'ուզեն հետերնին դաշինք գնել: Յեսու անոնց խօսքերէն և կերպարանքէն խաբուած՝ առանց Աստուծոյ խորհուրդ հարցընելու, երզուրնցաւ որ փնաս մը չընէ ու բարեկամ ըլլայ անոնց: Բայց քանի մ'օրէն իմացաւ թէ մօտաւոր ազգ մի են, ու կանչելով Գաբաւոնացիքն յանգիմանեց գործադրած խաբէութեանն համար, ու որովհետեւ երդման զէմ չէր կրնար գործել, հրամայեց որ Խորայեւացուոց և Աստուծոյ խորանին ծառայքն ըլլան, փայտ կտորեն և ջուր կրեն. անոնք ալ յօժարութեամբ յանձն առին:

3. Մերձակայ ազգերն լսելով որ Գաբաւոնի նման մեծ քաղաք մը անձնատուր եղած է Խորայեւացուոց՝ զօրքերնին մէկտեղ միացուցած յարձակեցան Գաբաւոնացուոց վրայ, անոնք ալ Յեսուայ զիմեցին: Յեսու առաւօտը կանուխ զիմացնին ելաւ ու մինչև երեկոյ պատերազմեցաւ, ու տեսնելով որ գիշերը վրայ կը հասնի և չպիտի կարենայ զանոնք բոլորովին ջնջել, հրաման տուաւ արեգական ու լուսնի որ տեղերնին անշարժ կենան. անոնք ալ մէկէն ընթացքնին դադարեցուցին, մինչև որ Խորայեւացիք բոլորովին ջնջեցին իրենց թշնամիքը:

1. Յեսու ինչպէս առաւ Գայի քաղաքը:
2. Գաբաւոնացիք ինչ ըրին երբ Խորայեւացուոց քաջութիւնները լսեցին:
3. Ինչո՞ւ Յեսու կեցուց արեգակը:

ԳԼՈՒԽ ՔՍԱՆԵՐՈՐԴ ԵՐՐՈՐԴ

Դ Ե Բ Ո Ր Ա

(1500 ն. ի Կ. Գ. Կ.)



1. Յետուայ մեռնելէն վերջ՝ Իսրայելացիք Դատաւոր ըսուած իշխաններով կը կառավարուէին, որոց մէջ երեւելիքն են Դեբորա, Գեղէոն, Յեփթայէ, Սամիսոն և Սամուէլ:

2. Դեբորա մարգարէ կնիկ մ'էր. երբոր Քանանացւոց Յարին թագաւորը քսան տարի տիրեց Իսրայելացւոց՝ Դեբորա ըսաւ Բարակայ որ Նեփթաղիմի ցեղէն էր, թէ՛ «Ստուած կը հրամայէ որ թափօր լեռը երթաս, Նեփթաղիմի ու Չաբուղոնի ցեղերէն տասը հազար հոգի հետդ առնելով երթաս Կիսոնի հեղեղատը՝ Յարին թագաւորին Սիսարա գորապետին դէմ»: Պատասխանեց Բարակ. «Թէ որ հետս գաս՝ կ'երթամ»: Խօսք տուաւ Դեբորա ու մէկտեղ գնացին: Սիսարա բոլոր զօրքերով եկաւ Կիսոնի հեղեղատը: Բայց Դեբորայի ըսածին պէս,

Ստուած սաստիկ շիթութիւն ձգեց մէջերնին ու ցիր ու ցան եղան, և Բարակ հալածելով զանոնք զամենքը ջարդեց:

3. Սիսարա փախտեայ Քաբեր Կինեցիին տունը ապաստանեցաւ, Յայէլ Քաբերայ կինը հանգչեցուց զինքը, կաթ տուաւ որ խմէ և անոր խնդրածին պէս պառկեցուց զինքը և ծածկեց որ մարդ չիմանայ: Եւ երբոր Սիսարա քնոյ մէջ էր՝ Յայէլ վրանին ցիցն առաւ և ուռով զարկաւ Սիսարայի գլուխը գետինը գամեց մեռուց: Բարակ հասաւ և կը փնտռէր զՍիսարա, Յայէլ ներս կանչեց զինքը և ջըցուց:


Սյսպէս Ստուած Իսրայելացիքը փրկեց, Դեբորան ալ Բարակայ հետ փառք տալով Ստուածոյ շնորհակալութեան գովասանք մը երգեց:

1. Յետուայ մեռնելէն վերջ ո՞վ կ'առաջնորդէր Իսրայելացւոց:
2. Ո՞վ էր Դեբորա և ի՞նչ գործ գործեց:
3. Ո՞վ սպաննեց զՍիսարա:

ԳԼՈՒԽ ՔՍԱՆԵՐՈՐԴ ԶՈՐՐՈՐԴ

Գ Ե Դ Է Ո Ն

(... 1250 ...)



1. Մաղիանացիք Իսրայելացւոց վրայ պատերազմի ելեր էին. հրեշտակ մ'երևեցաւ Գեղէնի, որ Մանասէի ցեղէն էր, և ըսաւ. « Աստուած զքեզ կ'ընտրէ առաջնորդ Իսրայելի թշնամիներն հալածելու համար »: Գեղէնն վախնալով հրաժարեցաւ, բայց հրեշտակը զինքը քաջալերեց, և ըսաւ, « Աստուած հետոք է »: Այն ատեն Գեղէնն ուլ մ'առաւ, պատրաստեց և հրեշտակին բերաւ որ ուտէ, բայց նա չուզեց զպլիլ ու գաւաղանաւ զարնելուն պէս բոց մ'ելաւ և այրեց կերակուրը, ու ինքն ալ անբերելի թեցաւ:

2. Այս հրաշքով զօրացած Գեղէնն՝ գնաց Իսրայելացւոց այլ և այլ յեղերէ զօրք ժողովեց 50,000 հոգի, բայց պատերազմի չգնացած՝ յԱստուծոյ ուրիշ նշան մ'ալ ուզեց. առաւ գզաթ մը և գիշեր ատեն դուրս բացօթեայ տեղ

փռեց, խնդրելով որ անոր վրայ միայն անձրևէ, իսկ գետինը չոր մնայ: Առաւօտն ելաւ գզաթը քամեց և կոնք մը ջուր հանեց. ասոր հակառակ հրաշքն ալ ուզեց՝ այսինքն գետինն անձրևէ, իսկ գզաթը չոր մնայ. առաւօտուն ամեն տեղ սաստիկ անձրևեր էր, միայն գզաթը չոր մնացեր էր: Այս երկու հրաշքներով սիրտ առած՝ թշնամեաց վրայ գնաց, բայց Աստուած « Շատ են զօրքդ, ըսաւ, ով որ վախկոտ է ետ դառնայ »: Շատերը գնացին ու մնացին քովը 10,000: « Գարձեալ շատ են », ըսաւ Աստուած: Այն ատեն Գեղէնն միայն 500 հոգի պահեց և ամենուն ձեռքն եղջիւրէ փող մը և վառուած լապտեր մը տուաւ սափօրի մէջ պահած, և գիշերանց թշնամւոյն վրայ արշաւեցին, անոնց բանակը մտան յանկարծակի փողերնին հնչեցուցին ու սափօրնին կոտրեցին՝ ճրագներն դուրս երևեցան և միաբերան սկսան աղաղակել, « Սուր Տեառն և Գեղէնի »: Մաղիանացիք սաստիկ վախցան ու շփոթեցան, և մէկըմէկ թշնամի կարծելով սկսան զիրար անխնայ կոտորել մթութեան մէջ, մինչև 120,000 մարդ սպաննեցին նոյն գիշեր: Ա երջը Գեղէնն հրաման տուաւ իրեններուն որ փախչողաց ետևէն հասնին և անխնայ կոտորեն. Որէք և Զէք իշխաններն ալ բռնեցին ու գլուխին կտրեցին և Գեղէնի բերին:

Այս կերպով ազատեցան Իսրայելացիք իրենց թշնամեաց ձեռքէն Գեղէնի առաջնորդութեամբ որ քառասուն տարի վրանին իշխեց:

1. Ո՞վ էր Գեղէնն:
2. Ի՞նչ յաղթութիւն ըրաւ Գեղէնն Մաղիանացւոց դէմ:

ԳԼՈՒԽ ՔՍԱՆԵՐՈՐԴ ԶԻՆԳԵՐՈՐԴ

Յ Յ Փ Թ Ա Յ Է

(... 1200 նախ քան զԻրիստոսը ...)



1. Ամենացի այլազգիք սաստիկ կը նեղէին զԻսրայելացիս. օր մ'ալ Գաղսագու իշխանք միաբանեցան որ մէկն առաջնորդ ընտրեն ու թշնամեաց վրայ պատերազմի ելնեն. գնացին Յեփթայէ անուամբ կտրիճ երիտասարդը կանչեցին, որ յանձն առաւ. ու դեսպան խաւրեց Ամոնացւոց թագաւորին թէ « Ինչո՞ւ համար կը նեղես ըզմեզ »: Պատասխանեց թագաւորը, « Ի՞նչ երկիրներս ետ կ'ուզեմ »: Յեփթայէ պատգամաւոր խաւրեց թէ « Իսրայելացիք երբոր Եգիպտոսէ կ'եննէին, զուք մեր գէմ ելաք պատերազմաւ, մենք ալ պատերազմական իրաւամբ ստացած ենք այս երկիրս, և 300 տարի է ի վեր յորդոց ուրդի կը ժառանգենք »: Թագաւորը մտիկ չըրաւ ու պատերազմի ելաւ. Յեփթայէ իրենները ժողովեց և Աստուծոյ ուխտ ըրաւ որ եթէ Ամոնացւոց յաղթէ, իրեն

գիմացը ելլողներէն առջինն Աստուծոյ զոհ ընէ: Երկու բանակներն զարնուեցան, և Իսրայելացիք յաղթող ելնելով չարաչար կտորեցին թշնամիքն, ու անոնցմէ քրտան քաղաք առնելով ետ դարձան:

2. Այս յաղթութեան լուրն ամեն տեղ տարածուեցաւ, և մեծ ուրախութիւն պատճառեց: Յեփթայեայ մէկ հատիկ դուստրը հօրը դառնալը լսելով ընդ առաջ ելաւ հասակակից աղջկանց խմբով մը և անթիւ բազմութեամբ թմբուկ զարնելով և երգելով: Յեփթայէ երբոր տեսաւ սիրտը ելաւ, և ըսաւ, « Ա՛յն դուստր իմ, զիտնայիր ինչպիսի՞ ցաւ կը պատճառէ ինձ զքեզ տեսնելս. ուխտ ըրի ըզքեզ Աստուծոյ, և պարտկան եմ կատարել »: Աղջկը սիրով յանձն առաւ, միայն երկու ամիս ժամանակ ուզեց որ երթայ լեռանց վրայ իր կուսութիւնը ողբայ. երկու ամսէ վերջ զարձաւ և Յեփթայէ իր ուխտը կատարեց: Անկէ վերջ ամեն տարի Իսրայելացւոց աղջկունք նոյն օրը մէկտեղ կը ժողովէին ու չորս օր ողբ և սուգ կը բերնէին Յեփթայեայ աղջկան վրայ:

3. Բենիամինի ցեղը բարկացաւ Յեփթայեայ վրայ՝ զիրենք պատերազմի չկանչելուն համար. պատասխան տուաւ Յեփթայէ, « Ես զձեզ կանչեցի, բայց դուք չեկաք »: Երբոր տեսաւ որ չեն հանգարտիր, այլ աւելի կը զայրանան, վրանին պատերազմի ելաւ, ու մեծ ջարդ տարով, 42,000 հոգի անոնցմէ սպաննեց:

Յեփթայէ վեց տարի դատաւորութիւն ըրաւ Իսրայելի վրայ:

1. Ո՞վ էր Յեփթայէ. և ի՞նչ յաղթութիւն ըրաւ Ամոնացւոց դէմ:
2. Ի՞նչ ուխտ ըրաւ Յեփթայէ պատերազմ երթալու ատեն:
3. Ինչո՞ւ Բենիամինի ցեղին վրայ պատերազմի գընաց:

ԳԼՈՒԽ ԲՍԱՆԵՐՈՐԳ ՎԵՑԵՐՈՐԳ

Հ Ո Ւ Թ

(1150 Կ-ի Կ-ն զԲԻԻ-Կ-ն)



1. Իսրայելացւոց դատաւորաց ժամանակ, Յուդայի ցեղէն Ելիմելէբ անուամբ մէկը սովոյ պատճառաւ իր Նոոմի կնաւ և երկու որդւովք Մովաբացւոց երկիրը գնաց բռնակելու: Հոն քիչ ատենէն մեռաւ ինքն և իր երկու որդիքն որ այլազգի աղջիկ առեր էին իրենց կնութեան: Նոոմի առանձին մնաց տան մէջ, իր երկու հարսերով, որոց միոյն անունն էր Ռոփա, միւսոյն Հուլթ. վերջն ուզելով իր հայրենիքը Բեթղեհէմ դառնալ՝ աղաչեց իր երկու հարսերը որ իրենց տունը դառնան: Ռոփա շատ դժուարութեամբ և արտասուօք ետ դարձաւ, բայց Հուլթ ամենևին չուզեց իր սկեսուրէն դատուիլ. «Մահը միայն կը բաժնէ զիս՝ քեզմէ, ըսաւ, կ'երթամ ուր որ դու կ'երթաս, քու ազգդ իմ ազգս ըլլայ և քու Ստուածդ իմ Ստուածս», և հետը Բեթղեհէմ եկաւ: Հոն Ելիմելէբայ

ազգական մը կար շատ հարուստ Բոոս անուամբ, որ Նոոմի տուն մը տուաւ բնակութեան: Երբոր ցորեն հընձելու ժամանակն եկաւ, Հուլթ գնաց հնձած ցորենը ծողովելու համար. Բոոս իմանալով թէ Նոոմի հարսն է, որ այնչափ սէր ու գուլթ ցուցցեր էր անոր վրայ, հրաման տուաւ Հուլթայ որ իր աղջիկներուն հետ մէկտեղ ուտէ, և հնձողացն ալ ապսպրեց որ ցորենի հասկերու մնացածը Հուլթայ թողուն որ ծողովէ տուն տանի: Նոոմի Բոոսի ըրածը լսելով, հարսին ճամբայ ցըցուց որ ինք զինքը սիրելի ընէ Բոոսի և զինքը կին առնու. Բոոս ալ Հուլթի միտքը հասկընալով չհակառակեցաւ, այլ որովհետեւ ուրիշ մօտ ազգական մը կար, որուն կ'ինկնար զՀուլթը առնել՝ ուստի քաղաքին ձերերը ծողովեց և աւտոնցներկայութեամբն ըսաւ այն ազգականին թէ՛ Նոոմի իր երկանէ մնացած արտերու մաս մը վաճառել կ'ուզէ և քեզի կ'ինկնայ առնել. անոր հետ մէկտեղ Հուլթն ալ, որպէս զի անկէ մեռնողին ժառանգ մնայ: Երբոր անկայ յանձն չառաւ այն ատեն Բոոս այն ձերերը վկայ բռնելով, արտերն ինքը ստացաւ՝ Հուլթն ալ մէկտեղ և իրեն հարազատ կին ըրաւ, ուսկից որդի մ'ունեցաւ աւտուն Ովբէթ. և անկէ ծնաւ Յեսսէ, Դաւիթ թագաւորի ու մարգարէին հայրը:

1. Ո՞վ էր Հուլթ:

ԳԼՈՒԽ ՔՍԱՆԵՐՈՐԴ ԵՑԹՆԵՐՈՐԴ

Ս Ա Մ Փ Ս Ո Ն

(1125 համարի 4-րդ հոդուած)



1. Իսրայելացիք աստուածպաշտութենէ թուրալով՝ Ստուած զիրենք քառասուն տարի Փղշտացոց ձեռքը մատնեց. մինչդեռ անոնց ձեռաց տակ կը հեծէին, որ մը հրեշտակ Ստուածոյ երևեցաւ Գանայ ցեղէ Մանովէ անունով մարգու մը կնոջ, և ըսաւ, թէ տղայ մը պիտի ունենայ որ Ստուածոյ ուխտաւոր պիտի ըլլայ, և մազերն ամենեւին պիտի չկտրուին: Տղան երբոր ծնաւ ու մեծցաւ, սովորականէ զուրս ոյժ մը սկսաւ երևնալ իրեն վրայ, այնպէս որ տասնըութ տարուան եղած ժամանակ որ մը այգիները քայլած ատեն առիւծի մը ձագ վրան յարձակեցաւ, ինքն ալ բերնէն բռնեց ու ձեղքեց:

2. Ուրիշ որ մ'ալ 500 աղուէս բռնեց ու պոչերնին վառած ջահ կապեց և թողուց որ այլազգեաց արտերն երթան, և բոլոր ցորեննին այրեց: Փղշտացիք բարկա-

ցած՝ եկան պահանջեցին որ Սամիսոնը ձեռքը կապած իրենց մատնուի. Իսրայելացիք ալ առին տուին, բայց Սամիսոն յանկարծակի չուաննրը թոթվեց, և իչու ծնօտ մը գտնելով յարձակեցաւ Փղշտացուց վրայ և 1000 հոգի սպաննեց. վերջը ծարաւեցաւ, Ստուած ալնոյն ծնօտէն ջուր բղխեցոյց ու խմեց:

3. Իսրայելացիք անոր արտաքոյ կարգի ոյժը տեսնելով զինքը դատաւոր ընտրեցին, և գնաց Գաղա քաղաքը բնակեցաւ: Թշնամիք իմացան և գիշերանց եկան պաշարեցին որ սպաննեն. բայց Սամիսոն կէս գիշերուն ելնելով քաղաքին դռները տեղէն հանեց սեմովք հանգերծ, ու կռնակին վրայ շարկած՝ զիմացի ընդան վրայտաւրաւ ձգեց:

4. Փղշտացիք յուսահատած անոր Գալիլա կնոջ շատ ստակ և հարստութիւն խոստացան եթէ կարենայ Սամիսոնի ուժոյն գաղանիքն իմանալ. այն ալ օրերով աղաչեց մինչև վերջապէս բռնադատեց զՍամիսոն իրեն յայտնելու, թէ՛ ինքն ուխտաւոր ըլլալով Ստուածոյ՝ մազերն ոչերբէք պիտի կտրուին, ապա թէ ոչ իսկոյն կը տկարանայ: Գալիլա օր մը անոր քնացած ժամանակ մազերը կտրեց, և այլազգիները կանչելով բռնեցին զինքը և աչքերը կուրցուցին և շղթայակապ աղօրիք մը տարին որ հոն աշխատի:

Ժամանակ անցնելէ վերջը, մազերն սկսան բուսնիլ և իր զօրութիւնն ալ նորէն աճիլ. օր մը Փղշտացիք իրենց Գազոն կուռքին մեծ տօնը կը կատարէին, Սամիսոնն ալ ուզեցին մէջտեղ բերել որ ծաղր ընեն ու զուարճանան, և զինքը երկու սիւներու մէջ տեղ կեցուցին որոց վրայ բոլոր չէնքէն աստատուած էր: Սամիսոն վերջի անգամ մ'ալ զօրութիւն խնդրեց յՍտուածոյ, և երկու սիւները ուժով թոթվելով վար ձգեց և պալատը կործանեցաւ, և մէջն եղած այլազգի նախարարներ և իշխաններ 3,000 հոգուց չափ իրեն հետ մեռան:

1. Ո՛վ էր Սամիսոն:
2. Ի՞նչ չարիք հասոյց Փղշտացուց:
3. Ի՞նչպէս ազատեցաւ Սամիսոն Գաղա քաղաքէն:
4. Ի՞նչպէս մեռաւ Սամիսոն:

ԳԼՈՒԽ ԳՍԱՆԵՐՈՐԴ ՈՒԹԵՐՈՐԴ

Ս Ա Մ Ո Ւ Է Լ

(Կ՛ 1100 Կ՛ Կ՛ Կ՛ Կ՛ Կ՛)



1. Սամուէլ մարգարէն Խորայելացւոց վերջին դատաւորն եղաւ: Հեղիի քահանայապետութեան ժամանակ՝ Սամուէլը Աննայի իր մօրը ուխտական զաւակն ըլլալով Աստուծոյ նուիրեցաւ մանուկ հասակէն. Սամուէլ ալ տաճարին մէջ կը ծառայէր:

2. Գիշեր մը մինչդեռ Աստուծոյ տապանակին քով կը քնանար, ձայն մը լսեց՝ որ կ'ըսէր, «Սամուէլ»: արթնցաւ ու կարծելով թէ Հեղին է որ զինքը կը կանչէ՝ քովը գնաց, բայց Հեղի քաղցրութեամբ ետ խաւրեց ըսելով, թէ չէ կանչած: Քնացաւ Սամուէլ, և երկրորդ անգամ նոյն ձայնը լսեց, ու դարձեալ Հեղիին գնաց. որ իմանալով թէ տեսիլ մ'է յԱստուծոյ առ Սամուէլ, ըսաւ իրեն. «Եթէ երրորդ անգամ ալ ձայնը լսես, զրուցէ, Տէր, խօսէ. պատրաստ է քու ծառայը»: Սամուէլ գնաց ու երրորդ

անգամ ալ նոյն ձայնը լսեց. և ինչ որ Հեղի ապսպրեր էր՝ ըսաւ: Աստուած ալ երևեցաւ իրեն, և ըսաւ. թէ Հեղիի տղաքը չար ըլլալով պիտի պատժուին ու մեռնին, և ինքն Հեղիի տեղ քահանայապետ և առաջնորդ պիտի ըլլայ ժողովրդեան:

3. Այն ատեններն այլազգիք Խորայելացւոց վրայ պատերազմի ելան, իրենք ալ տապանակը հետերնին առին որպէս զի Աստուած օգնէ իրենց, Ոփնի և Փենեհէս Հեղիի երկու տղաքն ալ գնացին: Այլազգիք Աստուծոյ տապանակը տեսնելով շատ վախցան, բայց զիրար խրախուսելով յուսահատաբար պատերազմեցան՝ և 50,000 հոգի սպաննեցին Խորայելացիներէն, Ոփնի և Փենեհէսն ալ մէկտեղ, և տապանակը գերի առին:

Բանակէն մէկը չուտով քաղաքը վազեց այս լուրը տարւո. Հեղի որ ճերութենէ ալ չէր տեսներ և դրան քովնատեր էր, երբոր լսեց իր որդւոց մահը, և թէ տապանակն ալ գերի ինկած է, աթոռէն վար ինկաւ և մեռաւ:

Աստուծոյ տապանակն այլազգեաց շատ վնաս կը հասցընէր, անոնք ալ քաղաքէ քաղաք փոխադրեցին, բայց վերջապէս յուսահատած՝ որոշեցին Խորայելացւոց ետ դարձընելու շատ մը ընծայներով. ասոր վրայ պատիճներն ալ դադարեցան:

4. Սամուէլ ինչպէս որ Աստուած յայտներ էր իրեն, Հեղի քահանայապետին յաջորդեց, և սկսաւ ժողովուրդը կառավարել, շատ բարիք ընելով անոնց, կառաջադրութիւնը ջնջելով և աստուածապաշտութիւնը սորուեցընելով, տարուէ տարի ամեն քաղաք կ'երթար դատաստաններն կը կտրէր. իսկ իրեն սովորական բնակութիւնն էր յԱրիմաթեմ:

-
1. Ո՞վ է Սամուէլ:
 2. Ի՞նչ յայտնեց Աստուած Սամուէլի:
 3. Ի՞նչ վերջ ունեցան Հեղի և իր տղաքը:
 4. Ո՞վ յաջորդեց Հեղիի:

ԳԼՈՒԽ ՔՍԱՆԵՐՈՐԴ ԻՆՆԵՐՈՐԴ

Ս Ա Ի Ո Ւ Ղ

(1015 Ի Ի Ի Ի Ի Ի Ի)



1. Իսրայելացիք՝ չորս կողմերին բնակող ազգաց օրինակին նայելով՝ իրենք ալ ուզեցին թագաւոր մ'ունենալ. Աստուած ալ Սամուէլի հրամայեց Սաւուղն օծելու անոնց թագաւոր: Ուստի Սամուէլ ժողովեց բոլոր ժողովուրդը թագաւոր ընտրելու համար. վիճակ ձգուեցաւ, և վիճակը Սաւուղայ ելաւ, որ Բենիամինի ցեղէն էր Կիսեայ օրդին, և հասակաւ թիզ մը բարձր էր ամենէն: Ժողովուրդը մեծ ուրախութեամբ ընդունեցաւ զինքը, մանաւանդ երբ Ամոնացւոց Նասս թագաւորն Յաբիս քաղաքին վրայ ելաւ պատերազմի: Սաւուղ երբոր լսեց, աստուածային զօրութեամբ վառեալ, երկու եզ կտոր կտոր ըրաւ, ու Իսրայելացւոց խրկեց ըսելով. «Ով որ Սաւուղի և Սամուէլի հետ չգար՝ ասանկ կ'ըլլան անոր եզները»: Արանկով ամենքն ոտք ելան, Սաւուղ զիրենք երեք

խումբ բաժնեց: Մտան Ամոնացւոց բանակը և ցիր ու ցան փախուցին, ու մեծ յաղթութեամբ Գաղգաղա դարձան, ուր Սամուէլ մեծ հանդիսով զՍաւուղ թագաւոր օծեց, ու Աստուծոյ շնորհակալութեան զոհեր մատուցին:

2. Քիչ ատենէն Փղշտացիք Իսրայելացւոց վրայ պատերազմի եկան: Սամուէլ ապսպրեց Սաւուղայ որ եօթն օր սպասէ իրեն, ու մէկտեղ զոհ մատուցանեն Աստուծոյ. Սաւուղ թշնամիէն վախցած՝ փութացոյց զօհն, որոյ վրայ շատ բարկացաւ Սամուէլ, և Աստուած թողոյց որ Սաւուղ յաղթուի. Փղշտացիք եկան երկրին աիրեցին:

3. Ուրիշ անգամ ալ Սամուէլ հրամայեց Սաւուղայ Ամաղեկացւոց ղէմ երթալ և անոնցմէ ոչ զոք ազատել, ոչ մարդ ոչ անասուն: Սաւուղ գնաց ջարդեց, ու խղճալով անոնց Ագագ թագաւորին վրայ ողջ պահեց. նոյնպէս ալ անասնոց աղէկներն: Սամուէլ չարաչար յանդիմանեց զՍաւուղ իր անհնազանդութեանն համար. և Ագագ թագաւորն առջև բերել տուաւ, ու իր ձեռք սպաննեց զինքը:

4. Աստուած զՍաւուղ երեսէ ձգեց իր պատուիրանքները չպահելուն համար, և Սամուէլի հրամայեց որ Բեթղեհէմ երթայ, և Յուդայի ցեղէն զԳաւիթ թագաւոր օծէ: Սաւուղի վրայ ալ զիւսհարութիւն մ'եկաւ, ու Գաւիթը կանչեցին որ քնար զարնելով զինքը կը հանդարտեցընէր:

1. Ով եղաւ Իսրայելացւոց առաջին թագաւոր:
2. Սաւուղ ի՞նչ պատուեր ընդունեցաւ Աստուծմէ:
3. Ի՞նչ վերջ ունեցաւ Ամաղեկացւոց Ագագ թագաւորը:
4. Սաւուղ Աստուծոյ երեսէն ինչպէն վերջը, ով տեղը թագաւոր օծուեցաւ:

ԳԼՈՒԽ ԵՐԵՍՆԵՐՈՐԳ

ՄԱՀՅՊՈՂԻԱԹՈՒ

(1013 ևս 1014 Վ. Վ. Վ.)



1. Փղշտացիք նորէն պատերազմ բացին Սաւուղի դէմ. երբոր երկու բանակները դէմ առ դէմ ճակատեր էին, Գողիաթ անուամբ հսկայ այլազգի մը բանակէն ելնելով կ'արհամարհէր Խորայելի գունդը և կ'ըսէր. « Հանեցէք զիմացս մէկը որպէս զի մենամարտինք, և ո՛վ որ յաղթէ, անոր կողմին ըլլայ յաղթութիւնը »: Սարսափեցան Խորայելացիք, ու քառասուն օր կեցան բանակ բանակի զիմաց, և Գողիաթ ամեն օր կ'եղէր կը նախատէր Խորայելացիները: Գաւիթ երբոր տեսաւ զԳողիաթ՝ վառուեցաւ սիրտը, ու սկսաւ արհամարհել զհսկայն և յանձն կ'առնոյր անոր դէմ ելլալու յաղթել: Սաւուղայ ականջն հասաւ այս զէպըս և առջեւ կանչեց զԳաւիթ, և տեսնելով որ պզտիկ է, « Վախնամ թէ չկրնաս » ըսաւ. « Ես իմ հօրս ոչխարները արածելու ատեն երբոր

առիւծ կամ արջ վրայ կու գար ու ոչխար կը յափշտակէր, ես կ'ազատէի. ու թէ որ վրաս ելլէր, վզէն կը բռնէի կը սպաննէի. յուսամ որ Աստուծով հիմայ ալ անանկ կ'ընեմ »: Հաւանեցաւ Սաւուղ. և Գաւիթ իր հովուական գաւազանը և պարսատիկը ձեռքն առած, հինգ քար ալ մախաղին մէջ գրած Գողիաթու զիմացն ելաւ:

2. Երբոր հսկայն տեսաւ զԳաւիթ, կանչեց, « Ես շո՛ւն եմ որ գաւազանաւ ու քարով կու գաս վրաս »: Պատասխանեց Գաւիթ. « Եունէն ալ ցած »: Ըսաւ հսկայն. « Եկու որ զքեզ թռչուններու, գազաններու կերակուր ընեմ »: « Ինչ զինուոց Վրայ վտառահացիք ես, պատասխանեց Գաւիթ, բայց ես կու գամ Աստուծոյ զօրութեան վրայ ապաւինած՝ որ զքեզ իմ ձեռքս պիտի մատնէ », այս ըսելով պարսատիկով քար մը նետեց Գողիաթու ճակատին, որ երկաթէ սաղաւարտը ծակելով զինքը մեռած գետինը փռեց. վաղեց վրան Գաւիթ ու սուրն առնելով անոր գլուխը կտրեց: Փղշտացիք սարսափած փախան, Խորայելացիք ալ մեծ հանգիսով Գաւիթը քաղաք բերին: Սաւուղ սկզբան զարմանալով վրան քովը պահեց զինքը և զօրագլուխ ըրաւ. և իր Յովնաթան որդին ալ մեծ սիրով հետը կապուեցաւ: Բայց ետքը երբոր տեսաւ թէ բոլոր ժողովուրդը ծնծայնելով կ'երգէին ու կ'ըսէին. « Սաւուղ հազար ջարգեց, Գաւիթ տասը հազար », նախանձեցաւ վրան և հնարք կը մտածէր մեռցընելու: Օր մը զիւրահարութիւնը բռնած՝ երբոր Գաւիթ առջեւ քնար կը զարնէր, յանկարծ գեղարդը վրան նետեց, բայց Գաւիթ փախչելով ազատեցաւ:

1. Ո՛վ էր Գողիաթ:
2. Ի՞նչպէս յաղթուեցաւ Գողիաթ:

ԳԼՈՒԽ ԵՐԵՍՆԵՐՈՐԴ ԵՐԿՐՈՐԴ

Ա. Բ. Ի. Ս. Ղ. Մ

(— 1040 — Կ. Կ. Կ. Կ. Կ. Կ.)



1. Դաւիթ իր ձերութեան ժամանակ Աստուծոյ թող-
տուութեամբ շատ վիշտեր քաշուց իր որդիքներէն: Աբիս-
ղոմ իր անդրանիկ որդին սաստիկ ոխ պահած էր իր Ամոն
եղբօր վրայ՝ անկարգութիւն մ'ըրած ըլլալուն համար.
ուստի օր մը մեծ կոշունք մը տուաւ Քեբրոն քաղաքին
մէջ և հոն հրախրեց իր ամեն եղբարքն ու իշխանա-
գունք, և վերջը ծառայից ձեռքով սպաննել տուաւ զՍ-
մոն, և այլազգեաց երկիրը գնաց ապաւինեցաւ: Դաւիթ
մեծ ցաւ եղաւ այս բանս, և շատ բարկանալով Աբիսողո-
մայ վրայ, երեք տարի չուզեց զինքը տեսնել, բայց վեր-
ջը Յովաբ իր գորավարին միջնորդութեամբն Աբիսողոմ
Նրուսաղէմ գարծաւ, և հայրը հետը հաշտուեցաւ:

2. Սակայն իր զղջումը կատարեալ չէր. Երուսաղէմ
եղած ժամանակը նայեցաւ որ ժողովուրդն իրեն կողմը

ձգէ, և ամենուն կրցած բարիքը կ'ընէր. չորս տարի անց-
նելէն վերջը երբոր տեսաւ որ ժողովուրդեան սիրտն իրեն
կողմն է, հրաման առաւ հօրմէն Քեբրոն երթալու իր ուխ-
տը կատարելու համար, զոր փախչելու ատեն ըրած էր: Ի-
րեն հետ տարաւ երկու հարիւր հօգի իշխաններէն և մե-
ծերէն, նաև զԱբիսողոմէլ Դաւիթ մեծ խորհրդականն, և
հոն յայտնեց իրենց թէ թագաւորել կ'ուզէ հօրը տեղ-
ամենքը հաւանեցան, և սկսաւ այն ատեն զօրօք Երուսա-
ղէմի վրայ գալ:

Դաւիթ ինքզինքն Աստուծոյ յանձնելով քովը մնացած
զօրօք Երուսաղէմէն ելաւ որ փախչի, զօրքն ու ժողովուրդն
իրենց թագաւորին վրայ կու լային: Աբիսողոմ Երուսա-
ղէմ մտաւ տիրապետեց, բայց Աբիսողոմէլ իրեն խոր-
հուրդ տուաւ որ հօրը ետեւէն ինկնայ քանի որ յոգնած է՝
որով գիւրին կ'ըլլայ յաղթելը. իսկ Քուսի Արաքացի Դաւ-
թի բարեկամն, որ միայն երեսանց Աբիսողոմայ հետ
միաբանեց էր, Աբիսողոմայ խորհուրդը ցրելու համար,
խորհուրդ կու տար որ ուշանայ ու մէկէն չպատերազմի
ինչուան որ Դաւիթ բարկութիւնն անցնի և տկարանայ.
ուստի Աբիսողոմ ալ Քուսի խորհրդոյն անսայով ժա-
մանակ տուաւ Դաւթի որ բանակը կարգաւորէ և զօրա-
ցընէ. իսկ Աբիսողոմէլ յայտնի տեսնելով Աբիսողոմայ
կործանումն, գնաց իր տունը ինքզինքը կախեց:


Քիչ վերջը Աբիսողոմ Դաւթի վրայ պատերազմի ելաւ,
ու Եփրեմին անտառին մօտ իրարու պոտահեցան, պատե-
րազմը սկսաւ, սաստիկ ջարդուեցաւ Աբիսողոմայ բա-
նակն և սկսան փախչիլ. ինքն ալ իր ջորւոյն վերայ հե-
ծած անտառի մէջէն փախչելու ժամանակ, մազերէն կա-
խուած մնաց ծառի ճիւղէ մը, Յովաբ զինքը տեսնելով,
նետով զարկաւ սպաննեց՝ և խոր փոսի մը մէջ ձգեց:

1. Դաւիթ ինչ վիշտ ունեցաւ իր Աբիսողոմ աղէն:
2. Ինչպէս մեռաւ Աբիսողոմ:

ԳԼՈՒԽ ԵՐԵՍՆԵՐՈՐԴ ԵՐՐՈՐԴ

ՍՈՂՈՄՈՆ

(1000 ԿՅԻ ԿՅԻ ԿՅԻ)



1. Դաւիթ իր մեռնելէն առաջ իր Սողոմոն որդին տասն երկու տարեկան թագաւոր օծել տուաւ Իսրայելի վրայ: Սողոմոն Իսրայելի թագաւորաց մէջ ամենէն երեւելի և զօրաւորն եղաւ թէպէտ և տղայ էր, բայց շատ խելքով և արիւթեամբ սկսաւ թագաւորել: Աստուած ալ երեւելով իրեն, ըսաւ, « Խնդրէ ինձմէ ինչ որ կ'ուզես, որ տամ»: Սողոմոն շնորհակալ եղաւ Աստուծոյ, և ըսաւ, « Հլու սիրտ մը և իմաստութիւն կը խնդրեմ, Տէր, որպէս զի քու ժողովուրդդ լաւ կառավարեմ»: Աստուած ալ ոչ միայն իմաստութիւն, այլ նաև շատ հարստութիւն ու փառք խոստացաւ տալու իրեն, թէ որ իր Դաւիթ հօրը պէս բարեպաշտ ըլլայ:

2. Քիչ ատենէն Սողոմոն սկսաւ իր մեծ իմաստութիւնը յայտնի ընել. երկու կանայք որ մէկ տան մէջ

կը բնակէին, և երկուքն ալ տղայ ունէին. անոնցմէ մին առաւօտը մեռած գտնելով իր տղան, միւս կնոջ տղան կ'առնու, և իրենն անոր տեղ կը դնէ: Մայրն արթըննալով սարսափած Սողոմոնի կը բողբոջէ, բայց միւս կինն ալ չէր գաղարկեր պնդելէն, « Թէ ողջ տղան իմն է, իսկ մեռածն՝ անոր »: Սողոմոն հրամայեց զահիճին ողջ տղան երկու կտոր ընել, և կէսը միոյն, կէսն ալ միւսոյն տալ. այն ատեն բուն մօրը գութը շարժելով ինկաւ Սողոմոնի առջև և սկսաւ աղաչել որ տղուն վնաս մը չըլլուի՝ այլ միւս կնոջ տրուի. իմացաւ Սողոմոն թէ ինքն է հարազատ ու ճշմարիտ մայրն, ու հրամայեց իրեն դարձնելու տղան:

3. Ամէն կողմէ խաղաղութիւն ըլլալով Սողոմոնի թագաւորութեան ժամանակ, իր հարստութիւնն օրէ օր կ'աւելնար, ու սոսի մտածեց Աստուծոյ տապանակի համար փառաւոր տաճար շինել տալ իր հօրը պատրաստած նիւթերով. որոյ համար 80,000 հօգի կ'աշխատողներ քար կտրելու, 70,000 հօգի ալ քար կրելու համար, և 5,500 ճարտարապետ կը հսկէին գործոյն վրայ, ու եօթն տարուան մէջ լինցաւ, և այնչափ փառաւոր եղաւ որ աշխարհիս վրայ նմանը չէ եղած, մէջն ոսկւով, արծաթով և զեղեցիկ քարերով ձեւիւմ: Վերջը Աստուծոյ տապանակը մեծ փառքով բերաւ այն տաճարին մէջ զեռեղեց, տասնըջորս օր շարունակ տօնախմբութիւն կատարեց և 150,000 անասուն ողջակէզ ըրաւ. նոյն միջոց լուսաւոր ամպով մը լեցուեցաւ տաճարը, և երկնքէն կրակ իջնելով բոլոր ողջակէզն այրեց:

1. Ո՛վ յաջորդեց Դաւիթի:
2. Ի՞նչ օրինակ կայ Սողոմոնի իմաստուն գատաստանաց:
3. Ի՞նչպէս շինեց Երուսաղեմայ տաճարը:

ԳԼՈՒԽ ԵՐԵՄՆԵՐՈՐԻ ԶՈՐՐՈՐԴ

ՍՈՂՈՄՈՆԻ ԹԱԳԱՒՈՐՈՒԹԻՒՆԸ

(— 4 1000 Ն— Ի — Ի — ԳԻՐԻՆԻ —)



1. Սողոմոն Սատուծոյ տաճարին շինութիւնը լինցընելէն վերջը, իր արքունական մեծ պալատն ալ կանգնել տուաւ, որոյ մէջ ամենէն փառաւոր թագաւորական աթոռն էր փղօսկրէ ոսկով զարդարուած, որ վեց աստիճան ունէր, և երկու կողմանէ տասուերկու առիւժ դրուած էին: Նոյնպէս մեծամեծ քաղաքներ ալ շինեց, և նաւեր ունէր որ հեռաւոր երկիրներ կ'երթային տարին երեք անգամ, ոսկի և արծաթ և ամենայն տեսակ սակաւագիւտ ապրանք կը բերէին, և այնչափ եղաւ իր փառքն ու հարստութիւնն որ համբաւն ամեն տեղ տարածուեցաւ:

2. Սաբայ թագուհին Սողոմոնի իմաստութիւնը ըսելով շատ զօրքով և ուզտերով ընծայներ առաձեկաւ անոր հանձարը փորձելու համար, և հետը խօսելէն վերջը տեսնելով անոր արքունեաց ճոխութիւնն ու եղած կարգ կա-

նոնը, զարմացաւ՝ ու ըսաւ մեկնելու ժամանակ. «Քու վրագ լսածներս՝ տեսածիս կէսը չէր»: Սողոմոն ալ ինչ որ անոր սիրտն ուզեց՝ տուաւ առատութեամբ:

3. Քայց զժբաղղաբար այս մեծ թագաւորը մինչև ցամազ Սատուծոյ հաւատարիմ չմնաց. տարիքն առնելով Սատուծ մէ սկսաւ հեռանալ, անոր օրէնքներն ոտքի տակ առաւ և մինչև կռապաշտութիւն ալ սկսաւ ընել: Աստուած բարկացաւ վրան. «Որովհետեւ պատուիրանքներս չպահեցիր, ըսաւ, թագաւորութիւնդ պիտի առնում ձեռքէդ ու ծառայիդ պիտի տամ, բայց Կաւթի սիրոյն համար երկու բան կը շնորհեմ. մէկն՝ որ քու օրդ չեմ ըներ, և երկրորդ՝ որ միայն երկու ցեղ Կաւթի տանը կը թողում»:

4. Յերթովամ՝ Սողոմոնի ծառայն երբոր Երուսաղեմէն ելեր կ'երթար, Սատուած մարգարէ մը խաւրեց անոր, որ մօտեցաւ Յերթովամայ և անոր հագած նոր զգեստն առաւ տասուերկու կտոր ըրաւ ու տասը կտորն անոր դարձուց, ըսելով «Աստուած Սողոմոնի թագաւորութեանն տասը ցեղը քեզի պիտի տայ, անոր ապերախտութեան համար, դու ալ եթէ Աստուծոյ պատուիրանքները պահես, որդւոց որդի կը թագաւորես»: Սողոմոն իմանալով զՅերթովամ մեռցընել կ'ուզէր, որ Եգիպտացուց թագաւորին քով փախչելով՝ հոն ապաւինեցաւ, մինչև որ Սողոմոն մեռաւ, քառասուն տարի թագաւորելէ վերջ: Աստուած իր ըրած սպառնալիքը կատարեց, Սողոմոնի տէրութիւնն երկու մասն բաժնուեցաւ, և ըսուեցան Իսրայելի և Յուդայի թագաւորութիւնք:

-
1. Ուրիշ ինչ երևելի շինուածքներ կառուց Սողոմոն:
 2. Ո՞վ եկաւ Սողոմոնի իմաստութիւնը փորձելու:
 3. Սողոմոն մինչև վերջը մնաց հաւատարիմ Սատուծոյ:
 4. Աստուած ինչ խոստացաւ Յերթովամայ:

ԳԼՈՒԽ ԵՐԵՍՆԵՐՈՐԿ ՀԻՆԳԵՐՈՐԿ

ՅՈՒԿԱՅԻ ԹԱԳԱՒՈՐՈՒԹԻՒՆ — ՄԱՀ ԳՈԹՈՂԻԱՅ

ԲԱՔԵԼՈՒԹ ԳԵՐՈՒԹԻՒՆ

(975-606 Ն-ի + Ն շրթ-դրս)



1. Յուդայի թագաւորութիւնն, Յուդայի և Բենիամինի երկու ցեղերէ կը բաղկանար, որոնք միայն Հաւա տարիմ մնալ ուզեցին Սողոմոնի որդւոյն Ռոբովամայ:

Միւս տասը ցեղերն Իսրայելի թագաւորութիւնը կազմեցին և իրենց մայրաքաղաք ընտրեցին զՍամարիա, թողլով զԵրուսաղէմ՝ որ Յուդայի թագաւորութեան մայրաքաղաք մնաց:

2. Ռոբովամ Սողոմոնի որդին շատ անօրէն ու կապալա թագաւոր մ'եղաւ, և իրեն Հետեւեցան յաջորդ թագաւորն ալ ինչպէս Յովրամ, Ռքոզիա և ասոր Գոթոզիա մայրն որ սպաննել տուաւ բոլոր թագաւորութեան ժաւանգները, որպէս զի ինքը թագաւորէ անոնց տեղ: Այս կոտորածէն Ռքոզիայի փոքր տղայ մ'ազատեցաւ Յովաս անուամբ՝ զոր Յովիդայէ քահանայապետը տաճարին մէջ

վեց տարի պահեց, և երբոր եօթն տարեկան եղաւ՝ բուր մեծամեծայ և իշխանայ խորհրդով զՅովաս թագաւոր օծեց, և զԳոթոզիա սպաննեցին:

3. Բայց եղանբարեպաշտ թագաւորը ալ որ աստուածպաշտութեամբ ծաղկեցան և կապալաշտութիւնը վերուցին, ինչպէս, Եղեկիա որ զԵրուսաղէմ կործանմանէ ազատեց, երբոր Սենեքերիմ Ստրեստանեայց թագաւորն եկաւ պաշարեց և իրեն բարեպաշտութեանն Համար Աստուած հրեշտակ մը խաւրեց զիչեր ժամանակ որ իջնամւոյն բանակէն 180,000 հոգի սպաննեց: Ուրիշ անգամ մ'ալ սաստիկ հիւանդանալով Աստուած հրաշքով մը կեանքը շնորհեց և 15 տարի ալ ապրեցաւ: Այս թագաւորս շատ գեղեցիացուց ու շէնցուց Երուսաղէմքաղաքը:

4. Յուդայի թագաւորութեան վերջին թագաւորն եղաւ Սեղեկիա ամբարիշտ թագաւորը, որ սաստիկ կապալաշտութեան տուաւ ինքզինքը և թէպէտ Երեմիա մարգարէն զինքը միշտ կը խրատէր, բայց մտիկ չէր ընել: Աստուած ալ իրեն սպաննացած պատիժներ խաւրեց իր արգարութիւնը թուցընելու համար. և Բաբելացոց Նաբուգոդոնոսոր թագաւորը վրանին խաւրեց որ եկաւ երկար ատեն զԵրուսաղէմ պաշարեց, պարիսպը փլուց, և Բաբելացիք քաղաքն ու տաճարը կողոպտեցին, ոսկի, արծաթ և սրբազան անօթքն աւին տարին: Ետզովորդն ալ Սեղեկիա թագաւորով մէկտեղ և ամեն իշխաններով գերի տարին ՚ի Բաբելոն, ուր եօթնասուն տարի պիտի կենային ըստ կանուխ գուշակութեանց մարգարէից:

-
1. Բանի ցեղերէ կազմուեցան Յուդայի և Իսրայելի թագաւորութիւնները:
 2. Ինչպիսի՞ թագաւոր եղաւ Ռոբովամ:
 3. Եղեկիա ինչ շնորհք ընդունեցաւ Աստուծմէ:
 4. Ինչպէս վերջացաւ Յուդայի թագաւորութիւնը:

ԳԼՈՒԽ ԵՐԵՄՆԵՐՈՐԴ ՎԵՅԵՐՈՐԴ

ԻՍՐԱՅԵԼԻ ԹԱԳԱՒՈՐՈՒԹԻՒՆ — ՅԵԶԱԲԵԼ

(Կ՛ 975-727 Ե՛Խ Կ՛Խ ՎԻՐԻՆԿ՛Կ)



1. Իսրայելի թագաւորութիւնը տասը ցեղերէ կը կազմուէր Յուդայէ և Բենիամինէ զատ. բայց ասոր թագաւորքն Յուդայի թագաւորներէն աւելի ամբարիշտք եղան:

2. Յերոբովամ՝ առաջին թագաւորն՝ ոսկիէ հորթ շինեց, և տաճարի մէջ կանգնեց որ ժողովուրդը պաշտէ, և Երուսաղէմ՝ չերթայ որ Յուդայի թագաւորութեան մայրաքաղաքն էր. բայց ինքն ալ պատժուեցաւ՝ վասնզի Բաաս իր գորավարաց մէկը, թագաւորական ընտանիքը թրէ անցուց, և ինքը յաջորդեց: Բասասայ յաջորդ թագաւորքն իրեն պէս անօրէն և կռապաշտ եղան:

3. Այս թագաւորաց մէջ չարագոյնն՝ Աքաբը եղաւ, իր Յեզաբէլ կինն այլազգոյ չար աղջիկ մ'ըլլալուն համար. և ինչպէս մարգարէացէր էր անոր համար Եղիա,

իր ներքինները գինքը պատուհանէն վար նետեցին, որ ջախջախեցաւ և ձիերէ կոխկըտուեցաւ ու շները կերան մարմինը: Աքաբու այնչափ ամբարշտութեանցն համար՝ Աստուած Եղիա մարգարէն անոր խաւրեց որ ըսէ, «Գու մեզացդ համար երեք տարի ոչ անձրև և ոչ ցօղ պիտի իջնէ յերկնից՝ ամբողջ թագաւորութեանդ մէջ»: Այսպէս ալ եղաւ, ու սաստիկ սով տիրեց և հազարաւոր մարդիկ մեռան:

4. Երեք տարի վերջ Եղիա Աքաբու զնաց՝ և ըսաւ. «Հրաման տուր որ ժողովուրդը Բահազու քուրմերու հետ մէկտեղ կարմելու լեռը ժողվուին». թագաւորն ալ հըրամայեց. այն ատեն ըսաւ Եղիա ժողովրդեան. «Մինչև երբ պիտի տարակուսիք ճշմարիտ Աստուծոյ վրայ. եթէ Աստուած ճշմարիտ է՝ պաշտեցէք զինքը. ապա թէ Բահազ՝ իրեն երկրպագութիւն ըրէք. ուստի բերէք զօհեր, որ նուիրենք, և այն աստուածն որ երկնքէն կրակ իջեցընէ՝ այն ըլլայ ճշմարիտ աստուածը»: Ժողովուրդը բերաւ. քուրմերն սկսան առաւօտէ մինչև երեկոյ իրենց Բահազ աստուածը օգնութեան կանչել, բայց ամենևին օգուտ մը չեղաւ. այն ատեն դարձաւ ըսաւ Եղիա. «Մէկզի կեցէք», ու ձեռքերն երկիրը վերցընելով «Աստուած Աքաբահամուխաշակայ և Յակոբայ, ըսաւ, յայտնէ ժողովըրդեան որ դու միայն ես Աստուածն Իսրայելի». այս ըսելուն պէս մէկէն երկնքէն կրակ իջաւ, այրեց ողջակէզը սեղանն ալ մէկտեղ: Ժողովուրդն ապաւած երեսի վըրայինկաւ ըսելով. «Այս է ճշմարիտ Աստուածն»: Եղիա ալ հրամայեց ժողովրդեան Բահազու քուրմերը ջնջել, ու զամենքը սպաննեցին:

Աքաբը Ասորոց գէմ պատերազմ բացաւ և այն պատերազմին մէջ վիրաւորուեցաւ ու մեռաւ և չուները իրեն արիւնը կը լափէին:

1. Քանի՞ ցեղերէ կազմուեցաւ Իսրայելի թագաւորութիւնը:
2. Յերոբովամ՝ ինչպէս մոլորցուց զժողովուրդը:
3. Ո՞վ եղաւ Իսրայելի չարագոյն թագաւորը:
4. Ի՞նչպէս կոտորեց Եղիա, Բահազու քուրմերը:

ԳԼՈՒԽ ԵՐԵՍՆԵՐՈՐԴ ԵՕԹՆԵՐՈՐԴ

ՅՈՎՐԱՄ — ՆԻՆՈՒԷԻ ԳԵՐՈՒԹԻՒՆ

(727 հ. թ. վերին)



1. Աքաբու յաջորդեց իր Ոքոզիա որդին, որ կռապաշտութիւն ընելով երկու տարիէն ետքն օր մը տանը պատուհանէն իյնալով չարաչար հիւանդացաւ և մեռաւ :

2. Ոքոզիա որդի չունենալով, իր Յովրամ եղբայրը տեղը թագաւոր եղաւ . որ թէպէտ հօրը չափ գէշ չէր, բայց բոլորովին կռապաշտութիւնը ձեռքէ չձգեց :

3. Սոր ատեն Մովսէրացիք ապստամբեցան, բայց Խորայեցիք զանոնք ազէկ մը ջարդեցին ու ինչուան իրենց թագաւորական քաղաքը փախուցին : - Նոյնպէս Սորիք Յովրամայ վրայ պատերազմի եկան, այլ Աստուած Եղիսէ մարգարէին ձեռքով աղատեց զԽորայեցիս, Սորուոյ զօրաց մէջ մեծ սարսափ մը ձգելով գիշերանց, արտորնօք ելան ու փախան :

4. Բայց Աքաբու տանը վրայ Աստուծոյ սպառնալիքը կատարուելու համար, որ բոլորովին պիտի ջնջէր զայն, Յէու թագաւոր օժուելով առաւ զօրքերը գնաց Եզրայէլ քաղաքը՝ Յովրամ թագաւորին վրայ, ու երբոր անիկայ սկսաւ փախչիլ՝ Հասաւ ու նետով սպաննեց :

5. Խորայեցիք կռապաշտութիւնը չի ձգեցին, այլ քիչ ատենէն յետ Բահաղու քնւրմերը ջարդուելուն՝ դարձեալ կռապաշտութեան դարձան . այնպէս որ Ուսէէ թագաւորին ժամանակ Աստուած զիրենք Սաղմանասար Սորեստանի թագաւորին ձեռքը մատնեց, որ եկաւ բոլոր երկիրն ոտնակոխ ըրաւ, առաւ Սամարիա քաղաքը, կողոպտեց և Խորայելի տասը ցեղերը գերի տարաւ ՚ի Նինուէ :

-
1. Ո՛վ յաջորդեց Աքաբու :
 2. Ոքոզիայի ո՛վ յաջորդեց :
 3. Ի՞նչ պատերազմ ըրաւ Յովրամ :
 4. Ի՞նչպէս մեռաւ Յովրամ :
 5. Ի՞նչպէս վերջացաւ Խորայելի թագաւորութիւնը :

ԳԼՈՒԽ ԵՐԵՄՆԵՐՈՐԴ ՈՒԹԵՐՈՐԴ

Տ Ո Վ Բ Ի Թ

(727 նի 4-ն զիբիտո)



1. Նինուէ քաղաքը գերի գնացողներուն մէջ Տովբիթ անունով բարեպաշտ Իսրայելացի մը կար, որ ամեն օրէնքները կը պահէր, և իր ազգայնոց ամեն տեսակ բարիք կ'ընէր, և Ասորեստանեայց ձեռքէն քաշած նեղութիւններէ զիրենք կը մխիթարէր: Աստուծոյ թողտուութեամբ այս մարդս կուրնալով իր ընտանիքն ազքատութեան մէջ ինկաւ, ու ստիպուեցաւ իր Տուբիա տղան Մարաց երկիրը խաւրելու, ուր որ Գաբայէլ ըստած մարդու մը քով շատ ստակ աւանդ թողեր էր. և ըսաւ տղուն՝ որ իրեն ուղեկից և առաջնորդ մը փնտոէ: Տուբիա փընտուեցաւ, նոյն միջոց Հրեշտակ մը երիտասարդի կերպարանօք, որ իր անունն Ագարիա կ'ըսէր, զիմացն ելաւ որ իրեն առաջնորդէ, հայրն ալ հաւանեցաւ ու ճամբայեղան:

Տիգրիս գետոյն եզերքն երբոր հասան, Տուբիա ուղեց լուացուիլ մէջը, յանկարծ մեծ ձուկ մը վրան վազեց. Տուբիա ալ վախցաւ ու աղաղակեց: « Մի վախեր, ըսաւ Հրեշտակը, բռնէ դուրս հանէ, լեարդն ու լեղին պահէ, որ օր մը քեզի պէտք պիտի ըլլայ »:

Ճամբանին շարունակեցին և Եկրատան հասան, ուր որ Տուբիայի ազգական մը կար Հուգուէլ անունով, հոն կեցան, և Տուբիա անոր Սաա աղջիկը կնութեան առաւ. Հրեշտակն ալ Մարաց երկիրը գնաց ստակն առաւ և ետ դարձաւ:

Տուբիայի ճանապարհորդութիւնը երկայն քշելով, ծնողքը մեծ հոգերու մէջ ինկան: Իր մայրն ամեն օր մտաւոր լերան ծայրը կ'ենէր տղուն դառնալուն սպասելով անհամբեր, որ մ'ալ յանկարծ տեսաւ զինքը հեռուէն՝ ու վազեց էրկանն աւետիս տուաւ, ծերունի հայրը խարխափելով զիմացն ելաւ, ու որդին համբուրելով փառք կու տար Աստուծոյ: Երբոր տուն եկան, Ագարիայի խորհրդով Տուբիա քովն ունեցած ձկան լեղին հօրն աչքերուն քսեց՝ ու բացուեցան. Տովբիթ մեծ երախտագիտութեամբ շնորհակալ եղաւ Ագարիայի, և բերած ստակին կէսն անոր ուղեց տալ: Այն ատեն Հրեշտակն ինքզինքը յայտնեց՝ ըսելով, « Աստուած է որ զիս խաւրեց ձեզի, ես եմ Ռափայէլ Հրեշտակն. որ ամեն օր ձեր աղօթքն առ Աստուած կը տանէի, փառք տուէք Աստուծոյ որ ձեր ողորմութիւնքն ու բարեգործութիւնքը կը վարձատրէ ». և մէկէն երկինք վերանալով աներևոյթ եղաւ:

Ամենքն երեւին վրայ ինկան զարմանալով ու երկրպագութիւն ըրին Աստուծոյ, շնորհակալ ըլլալով իրենց ըրած բարեացն համար:

1. Ո՞վ է Տովբիթ:

ԳԼՈՒԽ ԵՐԵՍՆԵՐՈՐԴ ԻՆՆԵՐՈՐԴ

ՅՈՎՆԱՆ — ԵՍԱՑԻ — ԵՐԵՄԻԱ ՄԱՐԳԱՐԷՎ

(Կ՝ 830-730-600 Կ՝ Կ՝ Կ՝ Կ՝ Կ՝ Կ՝ Կ՝)



1. Երբոր Իսրայելացիք կռապաշտութեան մէջ կ'ինկնային, Աստուած զիրենք ճշմարիտ կրօնից դարձնելու համար՝ երբեմն երբեմն մարգարէներ կը խաւրէր որ իրենց վրայ գալիք պատիժները կը գուշակէին: Ասոնց մէջ երևելիներն են Յովնան, Եսայի, Երեմիա և Դանիէլ:

2. Յովնան մարգարէն յԱստուծոյ հրաման ընդունած էր Նինուէ քաղաքն երթալ քարոզելու. այս բանս իրեն ծանր գալով, ուզեց փախչիլ, ունաւ մը մտաւ թարչիչ երթալու համար. երբոր ծովուն մէջ տեղն հասաւ՝ Աստուած սաստիկ փոթորիկ մը հանեց այնպէս որ նաւն ընկղմելու վրայ էր. նաւաստիք ուղեւով իմանալ թէ որով համար կ'ըլլար այս ահաւոր պատիժը, փիճակ ձգեցին, ու Յովնանու վրայ ելաւ. այն ատեն հարցուցին իրեն,

ինքն ալ խոստովանեցաւ՝ ու ըսաւ. « Ծով ձգեցէք զիս որ հանգարտի ». իրենք ալ ձգեցին, նոյն վայրկենին խոշոր ձուկ մը զինքը կլլեց, և երեք օր վերջը ողջ առողջ ծովն-զերքն՝ աւազի վրայ ձգեց:

Յովնան այս մեծ հրաշքէ զգաստացած, Նինուէ գնաց և ինչպէս որ Աստուած իրեն հրամայեր էր՝ սկսաւ քաղաքը պտըտիլ ու քարոզել թէ « Երեք օրէն Նինուէ պիտի կործանի »: Ժողովուրդն ու թագաւորը սաստիկ վախցան և ապաշխարեցին: Աստուած ալ վրանին զթալով, թողութիւն տուաւ իրենց:

3. Եսայի մարգարէն Դաւթի թագաւորական ցեղէն էր. և Յուզայի Եզեկիա թագաւորին ժամանակ կ'ազրէր: Ինքն առաջուց մարգարէացաւ Յուզայի և Իսրայելի թագաւորութեան կործանումն, Բաբելոնի գերութիւնը և Յիսուսի Քրիստոսի ծնունդն ու մահը: Իսրայելի ժողովրդեան մեծ մարգարէներէն մէկն է. բայց Մանասէ թագաւորը՝ բարեպաշտ Եզեկիայի որդին, չկարենալով անոր յանդիմանութեանց համբերել, հրամայեց սուրբ մարգարէն փայտէ սղոցով երկու մաս ձեղքել, և չարաչար կերպով մեռուց:

4. Երեմիա մարգարէն Բաբելոնացոց գերութեան ժամանակակից էր, շատ սղբեր գրած է Երուսաղեմի թշուառութեանց վրայ, և քառասուն և երեք տարի անդադար կը քարոզէր Իսրայելի ժողովրդեան որ իրենց մեղքերէն ետ կենան և ապաշխարեն, որպէս զի Աստուած իրենց վրայ ողորմի և զիրենք չպատուհասէ. բայց Իսրայելացիք անոր արդար յանդիմանութեանց չզիմանալով, քարկոծեցին զինքն Եզիպատսի մէջ:

1. Որո՞նք են գլխաւոր մարգարէները:
2. Յովնան ինչ հրաման ունեցաւ Աստուծմէ:
3. Ո՞վ էր Եսայի մարգարէ, և ինչպէս մեռաւ:
4. Ո՞ր ժամանակ կ'լինայ Երեմիա, և ո՞ր մեռաւ:

ԳԼՈՒԽ ՔԱՌԱՍՆԵՐՈՐԴ

ԴԱՆԻԷԼ ՄՍՐԳՍՐԷ

(— 570 — ԿԻՆԻՍԻԱՆԻ ԿՆԻՍԻԱՆԻ)



1. Դանիէլ Երեմիա մարգարէին պէս՝ Հրէից Բաբելոնի գերութեան ժամանակահից էր: Նաբուգոդոնոսոր թագաւորին երագները մեկնեց, թագաւորն ալ անոր իմաստութիւնը տեսնելով՝ զինքը իր երկրին իշխան դրաւ. բայց Դանիէլ իր թագաւորակերպ մեծութեան մէջ, չմոռացաւ երբեք իր Աստուածն ու ազգը: Ինքն ազատեց զանմեղ Շուշանը՝ երկու շարասիրտ զրպարտող ձերոց ձեռքէն. և Նաբուգոդոնոսոր թագաւորին ալ երբոր ինքզինքն Աստուծոյ պէս պաշտել կու տար՝ մարգարէացաւ որ Աստուած պիտի պատժէ զինքը և վայրենի կենդանւոյ մը պէս, մարդիկներէ հեռու, եօթը տարի գազաններու հետ պիտի բնակի: Թագաւորը չզգաստացաւ, և որ մը պաշտին վրայ հպարտութեամբ ձեմելով Բաբելոնի գեղեցկութեան վրայ պարծենալու ատեն, յան-

կարծ երկնքէն ձայն մ'եկաւ, ըսաւ. «Նաբուգոդոնոսոր, քեզի կ'ըսեմ, թող թագաւորութիւնդ ու գազաններու հետ բնակէ». և անոնց հետ կ'ուտէր: Եօթը տարի վերջն խոստովանելով Աստուծոյ կարողութիւնը՝ դարձաւ եկանստաւ իր աթոռը:

2. Դանիէլ Բաբելացոց Բէլ անուամբ մեծ կուլքը և անոր տաճարը կործանեց. որոյ վրայ սաստիկ բարկանալով Բաբելացիք և իրենց իշխանները՝ ստիպեցին զթագաւորը, որ զԴանիէլ առիւծուց դուրը ձգէ. բայց Աստուած ազատեց իր մարգարէն անոնց բերնէն, և վեց օր մէջերնին անվնաս կենալէն վերջը, թագաւորն հանել տուաւ զինքը՝ և հրամայեց անոր թշնամիները գուրը ձրգել, որոնք յատակը չհասած՝ մէջի եօթն առիւծներէն պատառեցան:

3. Սակայն ժամանակն հասեր էր որ Աստուած Բաբելացոց զեղխութիւնն ու անկարգութիւնը պատժէ: Բաղտասար Նաբուգոդոնոսորի յաջորդը, որ ամբարիշտ և շտայլ մարդ մ'էր, օր մը մինչգեռ մեծ խնջոյք մը կու տար իր իշխանաց. և Երուսաղէմոյ տաճարէն կողոպտած ոսկիէ և արծաթէ անօթովք գինի կը խմէին, և իրենց կուռքերուն կը նուիրէին. յանկարծ ձեռք մ'երևեցաւ որ պատին վրայ բան մը գրեց: Թագաւորը սարսափած՝ գուղալ սկսաւ. կանչեց զԴանիէլ որ մեկնէ: Դանիէլ թագաւորին երեսը դարնելով ըրած յանցանքներն՝ ըսաւ. «Այս է գրածը. Մանէ, թագաւորութեանդ վերջն հասեր է. թեկեղ, Աստուած զքեզ քննեց, ու յանցաւոր գտնուեցար. Փարէս, թագաւորութեանդ կէսը՝ Մարաց, կէսն ալ՝ Պարսից տրուեցաւ: Եւ յիրախ նոյն գիշերը Դարեհ Մարաց թագաւորն, պաշարեց զԲաբելոն, առաւ, և զԲաղտասար բռնեց ու սպաննեց:

1. Ո՞վ էր Դանիէլ:
2. Ինչո՞ւ Դանիէլ առիւծուց դուրը նետեցին:
3. Ի՞նչպէս մեռաւ Բաղտասար:

ԳԼՈՒԽ ՔԱՌԱՍՆԵՐՈՐԳ ԵՐԿՐՈՐԳ

Յ Ո Ւ Գ Ի Թ

(600 Ի-ի Ի-ն զբերուած)



1. Նաբուգոդոնոսոր թագաւորն՝ Մարաց յաղթելէն վերջը, ուզեց բոլոր աշխարհիս տիրել և Աստուծոյ պէս պաշտուիլ: Ուստի իր Հողեփեռնէս գորավարն 120,000 հեռակալ զօրօք և նոյնչափ ձիաւորօք խաւրեց որ երթայ աղգերն իրեն հնազանդեցընէ. այն ալ ամեն տեղ վախ ու սարսափ ձգեց և անխնայ ջարդելով՝ Հրէաստան հասաւ:

Բեախղուա քաղաքն՝ որ Հրէաստանի դուռ կը սեպուէր, դէմ կեցաւ և ինքզինքը ամրացուց: Հողեփեռնէս բարկացած հրամայեց քաղաքը պաշարել և ջուրը կտրեց: Բնակիչք ծարաւէն ոգևսպաւ, երկար դիմակալութենէ վերջն, որոշեցին հինգ օր ալ համբերել, և եթէ Աստուա չօղորմի իրենց՝ անձնատուր ըլլալ: Անդադար աղօթք կ'ըլլուէր առ Աստուած գիշեր ցորեկ:

2. Յուդիթ որբեվարի հարուստ կին մը, Շամառնի ցեղէն, որ սրբութեամբ և աղօթիւք կ'անցընէր իր օրերը յետ էրկանը մահուան, Աստուծմէ լուսաւորուած, հագուեցաւ զարդարուեցաւ իր թանկագին զարդերով և աղախնոյն հետ մէկտեղ քաղաքէն ելաւ գնաց: Հողեփեռնեսի զինուորք բռնեցին զինքը և իրենց զօրապետին տարին: Հողեփեռնէս հիացաւ անօրգեղեցկութեանը վերայ, և քաղցրութեամբ հարցուց իրեն թէ ուսկից կուգայ: Պատասխան տուաւ Յուդիթ. «Տէր իմ, տեսայ որ Աստուած բարկացեր է մեր ազգին վրայ, և իրենց վախճանը գէշ պիտի ըլլայ, անոր համար փախայ անոնցմէ և եկայ քեզի սպաւինեցայ»: Հողեփեռնէս անոր խոհեմութիւնը գովեց, և հրամայեց զինքը իր վրանը պահել և ամենայն պատուով հոգալ: Յուդիթ գիշերները կ'ելնէր ձորերուն և աղբիւրներու բով կը քայլէր ու կ'աղօթէր:

Օր մը Հողեփեռնէս փառաւոր ընթրիք մը տուաւ իր զօրավարաց, Յուդիթն ալ կանչեց. ու չափէն աւելի խրմնելով գինովցան Հողեփեռնէս և իր զօրավարներն. երբոր ամենքն իրենց վրանը քաջուեցան, Յուդիթ և Հողեփեռնէս առանձին մնացին: Յուդիթ տեսնելով որ Հողեփեռնէս խոր քնոյ մէջ է, հանեց անօր սուրը և մագերէն բռնելով, «Տէր օգնէ ինձ» ըսաւ, ու կրկին անդամ զարկաւ կտրեց գլուխը, և աղախնոյն մախաղին մէջ դրած՝ մէկէն ելան գիշերանց Բեախղուա գնացին:

Ժողովուրդը ջահերով և լապտերներով դիմացն ելան, զանքը բացին, և երբոր Յուդիթ Հողեփեռնեսի գլուխը ցրցուց, ամենքն երկրպագութիւն ըրին Աստուծոյ և փառք տուին:

Ասուտուն յարձակեցան Ասորեստանեայց վրայ, որոնք Հողեփեռնեսի սպաննուելուն վրայ սաստիկ չփութած՝ բանակը թողուցին փախան: Հրեայք հազիւ երեսուն օրուան մէջ կրցան անոնց թողած աւարը Բեախղուա կրել:

1. Ինչո՞ւ պաշարուեցաւ Բեախղուա:
2. Ո՞վ էր Յուդիթ, և ի՞նչպէս ազատեց զԲեախղուա:

ԳԼՈՒԽ ՔԱՌԱՄՆԵՐՈՐԴ ԱՌԱՋՆԵՐՈՐԴ

Ե Ս Թ Ե Ր

(— 500 — Ե՛ Ի Դ՛ Ե՛ Բ՛ Ե՛ —)



1. Կիւրոս Պարսից Թագաւորն երբ հրաման տուաւ Հրէից իրենց հայրենիքը գառնալ, ունանք Պարսկաստան մնացին, որոց մէջ էր նաև Մուրթբէ անուամբ մէկն իր հօրեղոր ազնկան Եսթերայ հետ մէկտեղ: Այս ազնիկն իրեն գեղեցկութեան և առաքինութեանց համար, շատ հաճելի եղաւ Արտաշէս Թագաւորին որ զինքը իր Թագուհին ըրաւ:

2. Նոյն ժամանակ Համան անուամբ մէկը կար որ Թագաւորին երկրորդը կը սեպուէր, և կ'ուզէր որ ամէնքն իրեն երկրպագութիւն ընեն. Մուրթբէ այս իր կամբը չէր կատարեր աստուածապաշտ ըլլալով, ուստի Համան Սմաղեկացին՝ ասոր վրայ բարկացած, համոզեց զԱրտաշէս՝ որ իր Պարսից տէրութեան մէջ գտնուած բոլոր Հրէայքը ընջուին. Թագաւորին կողմանէ սլ հրովարտակ մը հա-

նց՝ որ Ագար ամսոյն տասնընչորսին ամենայն Հրէայ, մեծ ու պզտիկ՝ թրէ անցունին:

3. Այս անօրէն հրամանին կատարուելէն քանի մ'օր առաջ Թագաւորին քունը շտանելով իր յիշատակարաններն աչքէ անցընել ուզեց, ու դիպուածով այն տեղը բացաւ ուր գրուած էր, թէ ինչպէս տարի մ'առաջ Մուրթբէ Թագաւորին կեանքը ազատեր էր դաւաճանութենէ մը և ուզելով զինքը վարձատրել, հարցուց Համանայ, «Թէ որ փառաւորել ուզեմ մէկը, ինչ պէտք է ընեմ»: Համան իրեն համար կարծելով այս բանս. «Տէր արքայ, ըսաւ, կը վայէ որ այն մարդը Թագաւորական զգեստով ու ձիով բոլոր քաղաքը շրջեցընել տաս, առջևէն ալ կանչեն. «Թագաւորէն փառաւորուած մարդն է սա»: Հաւանեցաւ Թագաւորն և հրամայեց իրեն որ երթայ Մուրթբէին այս պատիւն ընէ: Համան չկրնարով ձայն հանել, կատարեց հրամանը և արտում տխուր տունը դարձաւ ու բարկացած՝ երկայն փայտ մը տնկել տուաւ որ զՄուրթբէ կախել տայ:

4. Եսթեր իր ազգին մտալուտ վախճանը տեսնելով՝ յետ աղօթիւք առ Աստուած դիմելու, գնաց Թագաւորին ոտքն ինկաւ և մարեցաւ. Թագաւորին գուրբը շարժեցաւ, այլայլած ելաւ աթոռէն՝ ու քաղցրութեամբ խօսեցաւ անոր հետ. Եսթեր ալ ըսաւ. «Տէր իմ, կը խնդրեմ որ իմ ազգիս կեանքը շնորհես, զոր խաբեբայ Համանն աշխարհէս վերցընել ուզեց». ու պատմեց անոր՝ Համանայ ըրած խարդախութիւնքն, և թէ զՄուրթբէ կախելու փայտ մը տնկերէ: Թագաւորը բարկացած հրամայեց զՀաման այն փայտէն կախել, և նոր հրովարտակ մը հանեց առաջնոյն հակառակ՝ որ մարդ չհամարձակի վնաս մ'ընել Հրէից պէս տիրասէր ազգին. Մուրթբէին ալ Համանայ խլիսանութիւնը տուաւ:

1. Ո՞վ էր Եսթեր:
2. Ո՞վ էր Համան:
3. Ի՞նչ պատիւ տրուեցաւ Մուրթբէին:
4. Ի՞նչ կատարած ունեցաւ Համան:

ԳԼՈՒԽ ՔՍՈՍԱՏԵՐՈՐԳԻ ԵՐՐՈՐԳ

Մ Ա Կ Ա Բ Ա Յ Ե Ց Ի Ք

(170 նստի 4-րդ գլխի վրա)



1. Հրէաստան կիւրոսի և անոր յաջորդաց ձեռքն անցնելէն վերջը, Մեծին Աղեքսանդրի իշխանութեան տակն ինկաւ: Ասոր յաջորդ թագաւորք խաղաղութեամբ դնացին Հրէից հետ, բաց ՚ի Անտիոքոս Եպիփանէ, որ շատ չարչարեց զանոնք և շատերը նահատակեց, ինչպէս ծերունի Եղիազար քահանայն, և Մակարայեցւոց եօթն եղբարքը իրենց Շամունէ մօր հետ մէկտեղ՝ խողենի միս չուտելուն համար, զոր կ'արգելոյր մովսիսեան օրէնքն: Վերջապէս Հրեայք ապստամբեցան, և զՄատթի իրինց զօրավար դրած՝ հինգ հազար ուղուով բանակ մը կազմեցին: Մատթեայ որդին, Յուզա Մակարէ՝ Իսրայելի ամենէն կարիճ զօրավարաց մէկն, հետզհետէ չորս անգամ յաղթեց Անտիոքոսի զօրավարաց, առաւ Երուսաղէմն ու ճշմարիտ Աստուծոյ պաշտօնը նորոգեց: Անտիոքոս այս բանս

լսելով անթիւ զօրք Երուսաղեմայ վրայ եկաւ, բայց ճամբան սաստիկ հիւանդութիւն մը վրան գալով՝ քիչ օրէն մահուան դուռն հասաւ, և առաջագրեց որ եթէ առողջանայ Հրէից վնաս մը չհասցընէ: Բայց Աստուծոյ արգարութեան չափը լեցուեր էր, թողուց որ չարաչար մեռնի:

2. Յուզա Մակարէ իր զօրաւոր թնամուոյն ձեռքէն ազատելով քիչ մ'ատեն խաղաղութեամբ իշխեց, բայց վերջը Դեմետր Անտիոքոսի եղբորորդին պատերազմի ելաւ վրան և իր Բարիդ զօրավարը Յուզայի վրայ խաւրեց շատ զօրք: Յուզա յանկարծակիի գալով իր քովի եղած 5,000 զօրքը վախցան ու ցրուեցան, ութ հարիւր ձիաւորք մնացին, անոնք ալ խորհուրդ կու տային, թէ « Այս անգամ ետ կենանք »: Յուզա ըսաւ. « Ես փախիլ չեմ գիտեր ». և այն 800 ձիաւորք յառաւօտէ մինչև երեկոյ պատերազմեցաւ ու թնամուոյն աջ թևին յաղթեցին, բայց ձախակողմեան թևին զօրացմէ պաշարուած՝ հոն քաջութեամբ ինկաւ Յուզա՝ և զօրքը ցրուեցան, Շեմուն և Յովնաթան իր եղբարքը վերուցին մարմինը և իրենց հայրենական գերեզմանը թաղեցին մեծ սգով:

Յուզայի եղբարք իրեն յաջորդեցին, և միաբան զօրծակցութեամբ յաջողեցան Ասորոց լուծը վրաներնէն թոթվել. վերջը թագաւորական իշխանութեան ալ հասան և որդւոց որդի անցուցին այս պատիւը մինչև Հռովմայեցոց տիրապետութեան ժամանակ:

Հերովդէս, որ Հրէից ազգէն չէր՝ խարդախութեամբ Հռովմայեցւոց ձերակուտէն և Ոգոստոս կայսերէն Հրէաստանի թագաւորութիւնն ինքն առաւ, որոյ ժամանակ Քրիստոս Տէրն մեր աշխարհ եկաւ:

1. Մեծին Աղեքսանդրի յաջորդք ինչպէս կառավարեցին զՀրէաստան:
2. Ինչպէս մեռաւ Յուզա Մակարէ:

ԳԼՈՒԽ ՔԱՌԱՍՆԵՐՈՐԳ ԶՈՐՐՈՐԳ

ՔՐԻՍՏՈՍԻ ԾՆՈՒՆԴՆ

(ԵՎ ԵՆԻՆ ԵՐՈՅ ԲԵՆԻՄԻՆ)



1. Հերովդի թագաւորութեան ժամանակ, ինչպէս սահ-

1. Ե՞րբ եղաւ Մեսիայի գալուստը:



մանած էր Աստուած, եղաւ Մեսիայի գալուստը: Գալիլիոյ Նազարէթ փոքր քաղաքին մէջ կ'ապրէր կոյսն Մարիամ, որ Յովսէփ արգարոյն հետ նշանուած էր. երկուքն ալ Գաւթի մարգարէին թագաւորական ցեղէն էին:

11. Օր մը աղօթքի ժամանակ Գարրիէլ հրեշտակն երևեցաւ Մարիամն՝ և ըսաւ, «Ուրախ ըրբերկրեալդ, տէր ընդ քեզ»: Կոյսն Մարիամ այս խօսքերէս շփոթեցաւ. «Մի վախեր՝ ըսաւ, հրեշտակը, որդի մը պիտի ծնանիս՝ և ա՜նունը Յիսուս պիտի գնես, որոյ թագաւորութիւնը յաւիտեան պիտի տևէ »:

2. Երբոր ժամանակն եկաւ որ Քրիստոս պիտի ծնանէր, Օգոստոս կայսրն այն ժամանակ մեծ աշխարհագիր

1. Ի՞նչ տեսեց հրեշտակն առ Մարիամ:

2. Ո՞ր ծնաւ Քրիստոս, և ինչպէս յայտնուեցաւ հովուաց:


ԵՐԿՐՊԱԳՈՒԹԻՒՆ ՀՈՎՈՒՍՅ



մ'ընելու հրամանն հանած ըլլալով, որ ամեն մարդու ցեղն ու քաղաքը զիր անցուի, Յովսէփ որ Բեթղեհէմացի էր, Բեթղեհէմ քաղաքը գնաց, և հոն իջեանելու տեղ չգտնելով, ստիպուեցաւ ախոռ մը բնակել, ուր՝ ինչպէս մարգարէք առաջուց գուշակեր էին՝ սուրբ Կոյսը ծնաւ զՔրիստոս, և խանձարրովք պատեց և մտերի մէջ դրաւ :

Նոյն գիշերը մինչ Բեթղեհէմի դաշտերու մէջ հովիք բացօթեայ իրենց ոչխարները կ'արածէին՝ յանկարծ գեղեցիկ լուսաւորութիւն մը տեսան յերկինս. և հրեշտակ մը երեցաւ իրենց՝ և ըսաւ. « Մի վախնաք, զի ահա ուրախութիւն մը կ'իմացընեմ ձեզ. թէ ծնաւ ձեզ այսօր Փրկիչ, Դաւթի քաղաքին մէջ: Եւ այս ձեզի նշան պիտի գտնէք աղայ մը խանձարրոյ մէջ պատած և մարոյ մէջ դրուած »: Եւ այն հրեշտակին հետ մէկտեղ յանկարծ ուրիշ անհամար հրեշտակներ ալ երևեցան երկինքն՝ ու կ'երգէին, « Փառք ՚ի բարձունս Աստուծոյ և յերկիր խաղաղութիւն ՚ի մարդիկ հաճութիւն »:

ԲԵԹՂԵՀԷՄ



1. Հովիւները փութացան Բեթղեհէմ քաղաքն եկան, և ինչպէս որ հրեշտակն իրենց ըսեր էր, գտան այրի մը մէջ Աստուածածինն ու Յովսէփը, և զՅիսուս մարոյ մէջ դրուած, և երկրպագութիւն ըրին ու պաշտեցին զինքը: Ութ օր վերջը՝ ըստ մովսիսական օրինաց՝ մանուկը թլիատեցին ու անունը Յիսուս գրին:

1. Ի՞նչ ըրին հովիւները երբ հրեշտակին աւետումը լսեցին:

ԳԼՈՒԽ ՔԱՌԱՍՆԵՐՈՐԴ ՀԻՆԳԵՐՈՐԴ

ՄՈԳՈՒՑ ԵՐԿՐՊԱԳՈՒԹԻՒՆ



1. Այն միջոցին որ հրեշտակը հովուաց կ'աւետէր Փրկչին ծնունդը, արևելքի մէջ գեղեցիկ և արտաքոյ կարգի պայծառ աստղ մ'երևեցաւ, որոյ վրայ զարմանալով մոգ թագաւորները, որովհետև 'ի հնուց կը սպասէին Մեսիայի գալտեան, այս իրեն աստղն է ըսելով՝ ճամբայ ելան զինքը գտնելու:

Հետերնին հարուստ ընծայներ առին, և խորհրդաւոր աստղին առաջնորդութեամբ՝ Բեթղեհէմ եկան և հար-

1. Ո՛վ էին մոգերը:

ԿՈՏՈՐԱԾ ԱՆՄԵՂ ՄԱՆԿԱՆՑ



ցնելով թէ ո՛ր է նոր ծնած խորայելի թագաւորն, գտան Յիսուս մանուկը և իրեն երկրպագութիւն ըրին, և ընծայեցին ոսկի, կնդրուկ և զմուսս, որ իրենց երկրէն բերեր էին:

1. Բայց Հերովդէս վախնալով որ չըլլայ թէ այս մանուկն որ մը ձեռքէն առնու թագաւորութիւնը, սպաննել ուղեց. և գաղտուկ մոգուց ապսպրած էր որ եթէ տղան գտնեն, իմացընեն իրեն՝ որ ինքն ալ երթայ և երկրպագութիւն ընէ: Բայց մոգերն ուրիշ ճամբով իրենց երկիրը դարձան: Հերովդէս ալ խաբուելուն վրայ բարկացած՝ հրամայեց Բեթղեհէմի մէջ գտնուող երկու տարուընէ վար բոլոր տղաքը սպաննել. բայց հրեշտակ մը առաջուց Յովսեփայ իմացուց որ զՅիսուս իր մօրը հետ Եգիպտոս փախցընէ ու կոտորածէն ազատէ:

1. Ի՞նչ ըրաւ Հերովդէս մոգերէն խաբուելուն համար:

ՓԱՆՈՒՍ ՅԵԳԻՊՏՈՍ




1. Քիչ վերջը Հերովդէս մեռնելով, իրեն յաջորդեց Արքեղայոս իր որդին: Աստուծոյ հրեշտակը դարձեալ երևեցաւ Յովսեփայ՝ և ըսաւ, որ Իսրայելի երկիրը դառնայ. ինքն ալ դարձաւ ու Նազարէթ քաղաքը բնակեցաւ:

Երբոր Յիսուս տասուերկու տարուան եղաւ, սուրբ Յովսեփայ և Աստուածածնայ հետ Երուսաղէմ գնաց՝ դատկական տօնը կատարելու համար: Տօնէն վերջը ետ դարձան, բայց Յիսուս առանց իրենց գիտնալուն տաճարը մնաց: Յովսէփ ու Մարիամ կարծելով թէ ազգականաց կամ բարեկամաց հետ կու գայ, երկար ատեն փնտռեցին զինքը ու չգտնելով նորէն Երուսաղէմ դարձան, և գտան զինքը տաճարին մէջ որ Հրէից վարդապետաց հետ կը խօսէր և զամենքը կը զարմացընէր իր մաստուրթեամբն և ճարտարխօսութեամբ:

1. Ե՞րբ դարձաւ Յիսուս Եգիպտոսէն:

ՆԱԶԱՐԷԹ



1. Սուրբ Կոյսն երբոր տեսաւ զինքը, «Որդեակ, ըսաւ, ինչ ըրիր մեզի, որ այնչափ փնտռեցինք զքեզ հողալով»: Յիսուս ալ պատասխանեց, «Զէիք գիտեր որ ես հօրս տան մէջ պէտք է որ ըլլամ»: Այսպէս իր աստուածային առաքելութիւնը կ'ուզէր իմացընել, բայց ծնողքը չհասկըցան, ու հետերնին Նազարէթ դարձաւ, և իրենց հնազանդ մնաց՝ մինչև բարոզութեան ատենն, այսինքն իր երեսներորդ տարին:

1. Յիսուս մինչև իր երեսներորդ տարին ինչ կ'ընէր:

ԳԼՈՒԽ ՔԱՌԱՍԱՆԵՐՈՐԴ ՎԵՅԵՐՈՐԴ


ՍՈՒՐԲ ՅՈՎՀԱՏՆԷՍ ՄԿՐՏԻԶ — ՅԻՍՈՒՍԻ ՄԿՐՏՈՒԹԻՒՆՆ



1. Յիսուսի քարոզութիւն սկսելէն թիչ առաջ, Յովհաննէս Մկրտիչ, որդի Զաքարիայ, եկաւ անապատէն, և սկսաւ քարոզել Յորդանան գետոյն եզերքն ու կ'ըսէր. «Ապաշխարեցէք, մտեցաւ Աստուծոյ արքայութիւնն»: Դարձի եկողներն իրենց մեղքերը կը խոստովանէին և Յորդանան գետոյն մէջ կը մկրտուէին իրմէ. Յովհաննէս Մկրտիչ ալ կ'ըսէր, «Ես կը մկրտեմ զձեզ ջրով, բայց ինձմէ վերջն եկողը, նա պիտի մկրտէ զձեզ Հոգւով սրբով»:

2. Յիսուս մինչև որ երեսուն տարեկան եղաւ, Յովսեփայ և Մարեմայ քով քաշուած կեանք մը կ'անցընէր, բայց անկէ վերջը որ պիտի սկսէր իր քարոզութիւնը, եկաւ ինքն ալ նախ Յորդանան գետը մկրտուելու համար: Յովհաննէս յանձն չէր առնոյր, ու կ'ըսէր. «Ես պէտք եմ քեզմէ մկրտուիլ»: Պատասխանեց Յիսուս. «Հիմա

ԵՐՈՒՍԱՂԷՄ



թող որ արդարութեան պարտքը կատարենք»: Յիսուս մկրտուեցաւ Յորդանան գետոյն մէջ, և ջրէն դուրս ելնելու ժամանակ՝ երկինքը բացուեցաւ, Հոգին սուրբ աղաւնոյ կերպարանօք Յիսուսի վրայ իջաւ, երկնքէն ալ աստուածային ձայն մը լսուեցաւ որ կ'ըսէր, «Դա է իմ սիրելի որդիս, ընդ որ հաճեցայ»:


3. Յիսուս յետ մկրտուելուն անապատ գնաց, և քառասուն օր ծով պահելէ վերջն անօթեցաւ: Այն ատեն սատանան քովն եկաւ զինքը փորձելու համար, ըսաւ Յիսուսի. «Եթէ որդի ես Աստուծոյ, հրամայէ այս քարերուս որ հաց ըլլան»: Յիսուս պատասխան տուաւ. «Գրուած է թէ միայն հացով չպարիիր մարդ, այլ Աստուծոյ պա-

1. Ո՛վ էր Յովհաննէս Մկրտիչ:
2. Յիսուս քանի տարեկան մկրտուեցաւ, և ուսկից:
3. Յիսուս յետ մկրտուելուն ո՞ր գնաց:

տուիրանքովն»։ Ետքը սատանան զՅիսուս Երուսաղեմի տաճարին ծայրն հանեց, և ըսաւ. «Եթէ Աստուծոյ որդի ես, ինքզինքդ ասկէ վար ձգէ, գրուած է թէ հրեշտակք ձեռքի վրայ կը բռնեն դքեզ»։ Յիսուս ալ ըսաւ, «Գրուած է թէ զԱստուած մի փորձեր»։ Ետքը սատանան զՅիսուս բարձր լեռան մը վրայ հանեց, ուսկից աչխարհիս ամեն թագաւորութիւնքը և փառքը կու տամքեզի, թէ որ ինձի երկրպագութիւն ընես»։ Այն ատեն ըսաւ անոր Յիսուս խստութեամբ, «Գնաքովէս, սատանայ, միայն Աստուծոյ պարտ է երկիր պագանել»։ Սատանան ալ հեռացաւ գնաց, և հրեշտակներն եկան Յիսուսի կը ծառայէին։

1. Անպատէն դառնայէն վերջն, սկսաւ Յիսուս քարոզել և աշակերտներ ժողովել՝ որոնք առաքեալ կ'ըսուէին, և տասուերկու են. Պետրոս, Անդրէաս, Յակոբոս, Յովհաննէս, Փիլիպպոս, Բարդղղիմէոս, Թովմաս, Մատթէոս, Յակոբոս Աւիեան, Թադէոս, Սիմոն և Յուդա Իսկարիովտացի՝ որ զինքը մատնեց, և վերջն իրեն տեղ ընտրուեցաւ Մատթիա։

1. Քանի են առաքեալք։



1. Յիսուս երեք տարուան միջոց որ քարոզեց, անհամար ու մեծ հրաշքներով իր Որդի Աստուծոյ ըլլալը կ'իմացընէր. որոնցմէ մէկ քանին պատմենք։


Իր առաջին հրաշքն ըրաւ 'ի կանա քաղաքը՝ հարսանեաց ատեն ջուրը գինի փոխելով։

Յիսուս նաւակով Գալիլիոյ Գեննեսարէթ ծովէն Գերզեսացոց երկիրն անցնիլ ուղեց, և նաւուն ծայրը ըսկսաւ բուն ըլլալ։ Յանկարծ սաստիկ ալեկոծութիւն եղաւ և նաւն ընկղմելու վրայ էր. աշակերտները վախցած՝ արթընցուցին զինքը. «Փրկէ զմեզ» կ'ըսէին։ Յիսուս ալ արթըննալով՝ յանդիմանեց իրենց թերահաւատութիւնն, ու վերջը ծովուն սաստելով՝ մէկէն հանդարտեցաւ. և ամենքը սկսան զարմանալ թէ «Այս ո՞վ է, որ ծովուն և ալեաց կը հրամայէ ու իրեն կը հնազանդին»։

1. Յիսուս իր աստուածային քարոզութիւնները ինչով կը հաստատէր։

ԳԼՈՒԽ ՔԱՌԱՍՆԵՐՈՐԴ ԵՕԹՆԵՐՈՐԴ

ՊՐՈԲՈՒՄԻՆԻ ԱՒԱԶԱՆ



1. Պրոբատիկէ անուամբ աւագան մը կար յԵրուսաղէմ, ուր շատ հիւանդներ կու գային, և կը սպասէին որ Աստուծոյ հրեշտակը ջուրը շարժէ, և այն ատեն իրենք զիրենք մէջը կը նետէին, և ով որ առաջ ինկնար այն միայն կը բժշկուէր: Հիւանդ մ'ալ կար որ երեսուն և ութ տարիէ ի վեր այն ջրոյն քով կը սպասէր: Յիսուս մօտենալով իրեն հարցուց թէ « կուզես առողջանալ »: Այն ալ ըսաւ, « Տէր, չունիմ մէկն որ զիս այս աւագանին մէջ ձգէ երբոր ջուրերն յուզուին »: Յիսուս ալ ըսաւ. « Եւիր, առ անկողինդ ու գնա »: Ինքն ալ չալակեց ու գնաց: Հըրեայք՝ սկսան բարկանալ թէ ինչո՞ւ համար շաբաթ որ

1. Ինչ էր Պրոբատիկէ աւագանը:

ԲԺՇԿՈՒԹԻՒՆ ԴԻՒԱՀԱՐԻՆ




անկողինը կը վերցընէ կը տանի: Պատասխան տուաւ թէ « Զիս բժշկողը հրամայեց ինձի »: անոնք հարցուցին թէ « Ո՞վ է զքեզ բժշկողն », բայց ինքն ալ չէր գիտեր:

Այսպէս Յիսուս օրէ օր իր աստուածային կարողութիւնը նորանոր հրաշխք կը հաստատէր:

1. Ժողովրդեան մէջէն զիւրաւար մարդ մը կար, որ կանչեց պողալով, « Յիսուս Նազովրեցի, եկար զմեզ կորսընցընելու »: Սաստեց անոր Յիսուս՝ և ըսաւ. « Պապանձէ ու ել ազկէ »: Մեծ ձայնով աղաղակեց դէն և ելաւ, և ամենքը զարմացան:

1. Յիսուս ինչպէս բժշկեց զիւրաւարը:



1. Յիսուս իր աշակերտներով Նային քաղաքը երթալու ատեն, շատ ժողովրդով քաղաքին դռնէն մեռեալ մը կը հանէին՝ այրի կնոջ մը մէկ հատիկ դաւակը: Յիսուս երբոր տեսաւ, գթացաւ վրան՝ և ըսաւ, «Մի՛ լար»: և մօտեցաւ դագագին՝ ու ըսաւ. «Պատանի դու, ըեզի կ'ըսեմ, ելի՛ր»: Ելաւ նստաւ մեռեալը և սկսաւ խօսիլ, ու մօրը տուաւ: Եւ ամենքը փառաւորեցին զԱստուած ու կ'ըսէին մեծ մարգարէ մը ելեր է մէջերնիս:

2. Յայրոս անունով ժողովրդապետ մը երբոր, տեսաւ զինքը՝ ոտքն ինկած կ'աղաչէր կը պաղատէր, որ դայ իր տունը աղջկանը վրայ ձեռք դնէ որպէս զի ապրի՝ վասն զի մեռնելու մօտ էր: Գնաց՝ և շատ ժողովուրդ ալ ետեւէն, որ կը



նեղէին զինքը: Կին մը որ տասուերկու տարուրնէ ՚ի վեր հիւանդ էր և ունեցածը չունեցածը բժշկաց վատնած էր՝ և ամենեկն օգուտ մը չէր տեսած, այլ մանաւանդ թէ գէշցած. երբոր լսեց Յիսուսի երթալը, ժողովրդեան մէջէն եկաւ ետեւէն զգեստէն բռնեց, վասն զի միտքը գրեր էր որ՝ եթէ միայն անոր զգեստին դպչիմ՝ կ'աղէկնամ: Եւ իրաւցընէ զգաց մէկէն որ աղէկցեր է: Իսկ Յիսուս դարձաւ ամբօխին՝ և ըսաւ. «Ո՛վ զգեստիս մօտեցաւ»: Աշակերտները պատասխանեցին, «Կը տեսնես որ ժողովուրդը չորս կողմէ առած կը նեղէ զքեզ և դու կը հարցընես թէ ո՛վ զգեստիս մօտեցաւ»: Այն ատեն կինը զարհուրած ու դողալով, ծածուկ ընելուն համար, եկաւ առջևն ինկաւ՝ և ամեն բան խոստովանեցաւ: Եւ Յիսուս ըսաւ անոր: «Աղջիկ՛ քու հաւատքդ զքեզ կեցոյց, դնա խաղաղութեամբ»: Աս խօսելու ժամանակ, ժողովրդապետին տնէն եկան իմացուցին որ աղջիկը մեռեր էր, պարապ տեղ չաշխատի երթալ: Իսկ Յիսուս՝ ժողովրդապետին ըսաւ, «Մի՛ վախեր, միայն հաւատա»: Տուն եկաւ տեսաւ բազմութիւն մը՝ որ կու լային. ներս մտաւ,

1. Յիսուս ինչ հրաշք ըրաւ Նային քաղաքին քով:
2. Ինչպէս եղաւ հիւանդ կնոջ բժշկութիւնը:

ԲՃՇԿՈՒԹԻՒՆ ԱՆԿԱՄԱԼՈՒԾԻՆ



«Ի՞նչ խոսվեր էք, ըսաւ, աղջիկը մեռած չէ, այլ կը բընանայ»: Սնոնք խնտացին վրան, որովհետեւ գիտէին թէ մեռած էր: Մտաւ ուր որ դրած էին մեռելը, ու ձեռքէն բռնելով ըսաւ անոր. «Աղջիկ, քեզի կ'ըսեմ, ել լիր»: Եւ մէկէն ելաւ աղջիկը և սկսաւ քալել. և ամենքը զարմացան:

1. Իր քաղաքը դարձաւ և անդամալոյծ մը բերին իրեն. Յիսուս տեսնելով անոնց հաւատքը, ըսաւ անգամալուծին, «Թողուած ըլլան բոլոր մեղքերդ»: Եւ որովհետեւ դպիրներէն ոմանք կ'ըսէին մտքերնէն թէ հայհոյութիւն կ'ընէ, ըսաւ անոնց Յիսուս, «Որպէս զի գիտնաթէ Որդի մարդոյ իշխանութիւն ունիյերկրի մեղքերը թողլու»: Ըսաւ անդամալուծին, «Եւ, առ անկողինդ և տունդ գընա»: Եւ մէկէն ելաւ գնաց: Երբոր տեսաւ ժողովուրդը զարմացան և փառաւորեցին զՍտուուած:

1. Յիսուս անդամալոյծը ինչպէս Բժշկեց:

ՅԻՍՈՒՍ Ի ԾԱՅՐ ԼԵՐԻՆ



1. Անգամ մ'ալ երբոր իր քաղաքին մէջ քարոզութիւն կ'ընէր, թէպէտ կըզարմանար ժողովուրդն վարդապետութեանը վրայ, բայց հաւատք ալ չունենալուն կըյանդիմանէր զիրենք Յիսուս: Ուստի բարկանալով վրան, քաղաքէն դուրս հանեցին զինքը և տարին լերան ծայրը, որուն վրայ շինուած էր քաղաքը, զինքը վար նետելու. իսկ Յիսուս մէջընէն անցաւ գնաց:

Օր մը ժողովրդեան իր պատուէրները տալէն վերջը, երբոր լեռնէն վար կ'իջնէր, եկաւ բորոս մը երկրպագութիւն ըրաւ և ըսաւ. «Տէր, եթէ ուզես, կարող ես զիս բժշկել». Յիսուս ալ «Կ'ուզեմ» ըսաւ, ու մէկէն բժըկուեցաւ:

1. Յիսուսի վարդապետութիւնները ինչպէս կ'ընդունէր ժողովուրդը:

1. Յիսուս երբոր իմացաւ թէ Հերովդէս իր ետեւն ինկեր է բռնելու, նաւով դէպ ՚ի Բեթսայիդա գնաց: Ժողովուրդն իմացաւ, ետեւն գնաց, և անոնց քարոզ կուտար ու բժշկութիւններ կ'ընէր: Երբոր իրիկուան դէմ եղաւ, աշակերտներն սկսան ըսել իրեն, «Հրաման տուր ժողովուրդեան որ երթան իրենց կերակուր գտնան»: Յիսուս պատասխանեց, «Իուք տուէք անոնց ուտելու»: Աշակերտն ըսին, «Հինգ հաց՝ և երկու ձուկ միայն ունինք, բայց որո՞ւ կը բաւէ»: Այն ատեն հրամայեց Յիսուս որ ժողովուրդը խտտերու վրայնստի կարգ կարգ. և այն Հինգ հացն առնելով՝ օրհնեց և աշակերտաց տուաւ որ բաժնին. և այսպէս Հինգ հազար մարդիկ կերակրեց, և տասուերկու զամբիւղ հաց ալ աւելցաւ: Ասոր վրայ ժողովուրդն այնչափ սէր ձգեց Յիսուսի վրայ, որ մէջերնին խորհուրդ սկսան ընել զինքը թագաւոր գնել իրենց վրայ:

1. Յիսուս երբ իմացաւ թէ Հերովդէս պիտի բռնէ զինքը ո՞ր գնաց:



ԹԱՓՈՐ ԼԵԱՌՆ

ԳԼՈՒԻ ՔԱՌԱՍՆԵՐՈՐԴ ԵՒԹՈՐՈՐԴ


ԳԼԽԱՏՈՒՄՆ ՅՈՎՀԱՏՆՈՒ ՄԿՐՏԶԻ



1. Յովհաննէս Մկրտիչն իր քարոզութեամբ ամենուն սիրտը՝ Յիսուսի փրկագործութեան խորհրդոյն կը պատրաստէր. բայց Հերովդէս թագաւորն անոր խրատներէն ձանձրացած՝ բանտ զնել տուաւ և սպաննել կ'ուզէր, բայց ժողովրդեանէն կը վախէր գիտնալով որ սուրբ մարգարէի տեղ զրած էին զինքը: Իրմէ աւելի՝ իր Հերովդիպա կինն սաստիկ կ'ատէր զՅովհաննէս Մկրտիչ անդադար անկէ յանդիմանուելուն համար, և առիթ կը փնտռէր զինքը սպաննել տալ:

Հերովդէս իր ծննդեան տարեդարձին օրը խխանաց խնջոյք մը տուաւ. իր աղջիկն ալ առջևնին կաքաւեց

1. Ի՞նչպէս եղաւ Յովհաննու Մկրտչի գլխատումը:



և շատ հաճոյ անցաւ ամենուն: Հերովդէս երգուընցաւ տալ իրեն ինչ որ կ'ուզէ, մինչև իր Թագաւորութեան կէսն ալ. աղջիկն իր մօրէն խրատուած՝ Յովհաննու Մկրտչին գլուխն ուզեց: Տխրեցաւ Հերովդէս, բայց երգմանն համար ստիպուեցաւ տալ, և դահիճ մը խաւրեց բանտն՝ որ գլուխը կտրեց և աղջկան բերաւ, աղջիկն ալ մօրը տարաւ:

1. Յիսուս՝ հացը շատցընելու հրաշքն ընելէ վերջ, ժողովուրդն արձակեց ու լեռն ելաւ և աշակերտաց պատուիրեց որ նաւով երթան: Երբոր գիշեր եղաւ, սաստիկ ալէկոծութիւն մ'ելաւ ծովու վրայ, և վախցան. ու յանկարծակի մէկը տեսան՝ որ ծովուն վրայ քայլելով դէպ իրենց կուգար, և սկսան աղաղակել: Յիսուս «Մի՛ վախէք, ըսաւ, ես եմ»: Պետրոս ալ ըսաւ. «Եթէ դու ես, հրամայէ ինձի քեզի գալու»: Յիսուս, «Եկուր» ըսաւ:



Պետրոս նաւակէն իջաւ, ու սկսաւ քայլել, բայց սաստիկ հողմ ըլլաւուն համար՝ սկսաւ ընկղմիլ և զՅիսուս օգնութեան կանչեց: Յիսուս ձեռքէն բռնեց՝ և ըսաւ. «Թե՛րահաւատ, ինչո՞ւ տարակուսեցար»: Վերջը նաւակը մտան, և ծովն իսկոյն հանգարտեցաւ:

1. Յիսուս երբեմն իր խրատները պատմութիւններով կը պարզէր. ինչպէս անգամ մը երբոր օրինական մը հարցուց իրեն, թէ ո՞վ է իմ ընկերս՝ պատասխանեց. «Մարդ մը երուսաղեմէն երթալու ժամանակ աւազակաց ձեռքն ինկաւ, որոնք մերկացուցին զինքը և վիրաւորեցին և կիսամահ թողուցին գնացին: Քահանայ մը անցաւ անկէ տեսաւ զինքը՝ թողուց զնաց. նոյնպէս

Ի՞նչ պատահեցաւ Տիբերեայ ծովուն մէջ:

1. Ի՞նչ է Սամարացւոյն պատմութիւնը:

ՅԻՍՈՒՍ ՕՐՀՆԷ ԶՄԱՆԿՏԻՆ



Ղևտացի մը: Սամարացի մ'ալ եկաւ այն ճամբէն, տեսաւ ու գթացաւ վրան, մտեցաւ վէրքերը պատեց՝ և իր ձիուն վրայ դնելով պանդոկ մը տարաւ. երկրորդ օրը պանդոկէն երթալու ատեն՝ երկու դահեկան տուաւ պանդոկապետին՝ ու ըսաւ. «Դարմանէ զինքը, և ինչ ծախք որ ընես՝ ՚ի դարձիս կը հատուցանեմ»: Այս երեքէն որը կը կարծես թէ մերձաւոր է աւազակաց ձեռքը իյնողին: Այն ալ ըսաւ. «Ո՛վ որ իրեն ողորմեցաւ»: Ըսաւ Յիսուս: «Գնա դու ալ նոյնպէս ըրէ»:

1. Սնգամ մը պզտի տղայք բերին իրեն, որ վրանին ձեռք դնէ և օրհնէ զիրենք. իսկ աշակերտները բերողներուն կը նեղանային: Երբոր տեսաւ Յիսուս, կանչեց աշակերտները, յանդիմանեց ու ըսաւ. «Թողուցէք տղաքը որ առ իս գան, և մի արգելուք զատոնք, վասն զի այգպիսիներունն է Աստուծոյ արքայութիւնըս: Ու տղաքը զիրկն առնելով, վրանին ձեռք դրաւ և օրհնեց զանոնք:

1. Յիսուս ինչպէս ընդունեցաւ տղայքը:

ԳԼՈՒԽ ՔԱՌԱՍՆԵՐՈՐԳ ԻՆՆԵՐՈՐԳ

ԱՅԼԱԿԵՐՊՈՒԹԻՒՆ



1. Քանի մ'օր ետքը Յիսուս իր հետն առնելով Պետրոս, Յակոբոս ու Յովհաննէս առաքեալները, Թաբոր լեռն ելաւ. հոն Յիսուսի կերպարանքը բոլորովին փոխուեցաւ, երեսն արեգական պէս՝ և հագուստը ձեան նման ձերմակ փայլուն եղան. Մովսէսն ու Եղիա ալ երևեցան՝ որ Յիսուսի հետ կը խօսէին: Պետրոս առաքեալն այս բանիս վրայ հիացած՝ սկսաւ ըսել Յիսուսի՝ և աղաչել որ հոն մնան. նոյն միջոց լուսաւոր ամպ մը ծածկեց զիրենք՝ և ձայն մ'եկաւ մէջէն որ կ'ըսէր. «Այս է իմ սիրական որդիս, իրեն մտիկ ըրէք»: Առաքեալք վախցան, երեսի վրայ ինկան. Յիսուս ալ զիրենք վեր վերցուց ու պատուիւրեց որ մէկու մը չպատմեն մինչև իր մահն:


2. Ի՞նչ տեսիլք եղաւ Թաբոր լեռան վրայ:



1. Յիսուս ուրիշ անհամար հրաշքներ ալ քրած է իր աստուածութիւնն և ամենակարողութիւնը յայտնի ընելու համար. իր մէկ խօսքով կաղեր, կոյրեր, խուլեր կը բժշկէր, և զիւահարներն իրենց չար պիւէն կ'ազատէր. բայց այս հրաշից ամենէն պայծառն եղաւ Ղազարու յարութիւնն:

Ղազարոս՝ Յիսուսի սիրելի անձինքներէն մին՝ ծանր հիւանդանալով, անոր քոյրերն Յիսուսի լուր խրկեցին և իմաց տուին, բայց Յիսուս երկու որ ուշացաւ երթալու, և երբ Ղազարոս մեռաւ՝ ըսաւ աշակերտներուն, «Երթանք, որ Ղազարոսը արթընցընեմ»: Անոք չհասկըցան և սկսան զարմանալ ըսածին վրայ. այն ատեն Յի-

1. Ինչպէս եղաւ Ղազարու յարութիւնը:



սուս յայտնի ըսաւ թէ «Ղազարոս մեռաւ, բայց ես ուրախ եմ որ ասով ձեր հաւատքն ալ կը հաստատուի»:

Երբոր Բեթանիա հասաւ, Ղազարոս չորեքօրեայ մեռած թաղուած էր. Մարթա անոր քոյրը, լսելով Յիսուսի գալը, զիմացն ելաւ, «Տէր, ըսաւ, եթէ հոս եղած ըլլայիր, եղբայրս չէր մեռնէր, բայց կը հաւատամ, որ եթէ հիմա ալ ուղեն կարող ես վինքը կենդանացընել»: Յիսուս անոր արտասուաց վրայ գթալով՝ պատասխանեց, «Կը կենդանանայ եթէ հաւատաս. վասն զի ես եմ յարութիւն և կեանք, եթէ մեռնի ալ կ'ապրի, և ոչ երբէք պիտի մեռնի, կը հաւատաս»: «Այո, Տէր, պատասխանեց Մարթա, կը հաւատամ թէ դու ես Քրիստոս, որդի Աստուծոյ կենդանոյ, որ աշխարհք պիտի գայիր»: Գնաց Մարթա, և կանչեց իր Մարիամ քոյրը, և բազմութիւն սըգաւոր բարեկամաց ալ հետն եկան: Յիսուսի սիրտն ելաւ ու լացաւ. և ետքը հարցուց, «Ո՞ր թաղեցիք». անոք ալ տարին ցուցըցին տեղը:

ՅԱՐՈՒԹԻՒՆ ԴԱՋԱՐՈՒ



Յիսուս վրայի քարը վերցընել տուաւ, և աչքերը երկինք վերցընելով, « Հայր, ըստ, շնորհակալ եմ, որ լսեցիր ինձ, և միշտ կը լսես ինձի, բայց ես չորս կողմնեղած ժողովրդեան համար կ'ընեմ, որպէս զի հաւատան թէ դու զիս խաւրեցիր » . վերջը մեծ ձայնով մը հրամայեց և ըսաւ . « Դաճարոս, ելիր դուրս եկուր » . իսկոյն մեռեալը պատանքով, ձեռքերն ու ոտքերը կապած ելաւ գերեզմանէն, և Յիսուս հրամայեց որ պատանքը քակեն, և սկսաւ քայլել ու փառք տալ Աստուծոյ : Եւ մեծ ուրախութիւն եղաւ քերքը : Այս հրաշքը մեծ շփոթութիւն հանեց բովանդակ Հրէաստանի մէջ . որոնք որ ներկայ էին դարձան հաւատացին Յիսուսի, ոմանք ալ գընացին քահանայապետաց խմայցոյ ցին, որոնք սկսան խորհուրդ ընել թէ ինչպէս սպանեն զՅիսուս, ու մէջ տեղէն վերցընեն :

1. Իսկ Յիսուս եկաւ ՚ի Բեթանիա Սիմոնի տունը, և հոն իրեն ընթրիք տուին, ուր Մարթա կը ծառայէր, և Դաճար ալ նշան նստած էր : Իսկ Մարթամ լիտր մը ազնիւ մեծագին իւղ առած, օճեց Յիսուսի ոտքերը՝ անանկ որ

ԸՆԹՐԻՔ Ի ՏՍՆ ՍԻՄՈՎՆԻ



բոլոր տունը անուշահոտութիւնը տարածուեցաւ : Իսկ Յուզան որ զինքը պիտի մատնէր, « Ինչո՞ւ այդ իւղը երեք հարիւր գենարի չի ծախուեցաւ, ըսաւ, ու ստակը աղքատաց չի բաժնուեցաւ » : Այս ըսաւ չէ թէ աղքատաց համար փոյթ ունէր, այլ գող էր և ստակին արկղը իր քովէ էր : Պատասխանեց Յիսուս, « Թող տուէք, լաւ գործեց . աղքատները միշտ հետեւնինք են, բայց զիս միշտ հետեւնինք պիտի չունենաք . ատիկայ առաջուց մարմինս խնկեց պատանաց ՚ի նշան : Կ'ըսեմ ձեզի, ուր որ իմ աւետարանս պիտի քարոզուի, ատոր ըրածն ալ պիտի խօսուի » :

Երբոր Յիսուսի չարչարանաց օրերը մօտեցան՝ ելաւ Երուսաղէմ երթալու, բայց առաջ խմայցուց աչակերտացը, թէ որչափ պիտի չարչարուի, ու մարգարէից գրածները պիտի կատարուին Որդւոյ մարդոյ վրայօք : Այլ ա նոնք չի հասկըցան ըսածները :

1. Յետյարութեան Դաճարու ո՞ր ընթրեց Յիսուս :

ԳԼՈՒԽ ՅԻՍՆԵՐՈՐԴ

ԿՈՅՐ ԵՐԻՔՈՎԻ



1. Երիբովի մօտեցած ժամանակ մուրացկան կոյր մը նըստած էր ճամբուն վրայ, երբոր ժողովրդեան անցնիլը ի մացաւ հարցուց թէ ի՞նչ կայ: Պատասխանեցին թէ Յիսուս Նազովրեցին կ'անցնի: Սիսաւ աղաղակել. « Յիսուս որդի Դաւթի ողորմէ ինձի »: Իսկ առջև էն գացողները կը նեղանային իրեն որ լռէ. բայց անայլաւելի կ'աղաղակէր: Կեցաւ Յիսուս և հրամայեց որ իրեն բերեն. երբոր մօտեցաւ հարցուց թէ « Ի՞նչ կ'ուզես որնեմ բեղի »: Ըսաւ կոյրը, « Տէր, աչքերս բացուին ու տեսնամ »: Բուս Յիսուս, « Նայէ, բու հաւատաբղ կեցոյց զքեզ »: Ու մէկէն տեսաւ և ետեէն կ'երթար ու կը փառաւորէր զԱստուած:

ԶԱԿԷՏՈՍ




2. Մտաւ Երիբով և կը պառտէր: Զակքէոս անունով հարուստ մաքսապետ մը կ'ուզէր տեսնալ թէ ո՞վ է Յիսուս, բայց բազմութեան պատճառաւ չէր կրնար, հասակը կարճ ըլլալով. ուստի վազեց ժանտաթղթնիի մը վրայ ելաւ որ տեսնայ: Յիսուս երբոր հոն հասաւ վեր նայեցաւ ու ըսաւ իրեն « Զակքէ, փութա իջիր, վասն զի այսօր քու տունդ պիտի հանգչիմ »: Մէկէն իջաւ և ուրախութեամբ տունը տարաւ. բայց ուրիշները կը տրտընջէին, որ մեղաւոր մարդու տուն մտաւ: Եկաւ Զակքէոս ու ըսաւ, « Տէր, ահա ունեցածիս կէսը աղքատաց կը բաժնեմ. և եթէ մարդ մը գրկեր եմ, չորեքպատիկ կը հատուցանեմ »: Յիսուս ալ ըսաւ. « Այսօր եղաւ այս տանը փրկութիւնը. վասն զի աս ալ Աքքաւհամու որդի է »:

1. Ինչ հրաշք ըրաւ Յիսուս Երիբովի մօտ:
2. Ո՞վ էր Զակքէոս:

ԳԼՈՒԽ ՅԻՄՆԵՐՈՐԴ ԱՌԱՋՆԵՐՈՐԴ

ՅԻՍՈՒՍ ՅԱՂԹԱՆԱԿԱԻ ԵՐՈՒՍԱՂԷՄ ԿԸ ՄՏՆԷ



1. Երբոր Չիթենեաց ըւը մօտեցաւ, աշակերտներէն երկու հոգի դիմացի գիւղը խաւրեց, ուր էջ մը և իր քուռակը պիտի գտնէին կապած, և ըսաւ, «Գնացէք բերէք, և թէ որ ձեզի հարցընող մ'ըլլայ ըսէք թէ իր տիրոջ պէտք են»:

Աշակերտները գնացին բերին, և հագուստին անոնց վրայ փռելով, հեծուցին զՅիսուս և սկսան Երուսաղէմ մտնել: Բոլոր ժողովուրդն արմաւենւոյ և ձիթենւոյ ճիւղերձեռքերնին առած առջևէն կ'երթային, և զգետնին գետինը փռելով՝ ամենքը միարեբան մեծ ու պզտիկ՝ ըսկսան աղաղակել, «Օրհնութիւն որդւոյ Դաւթի, օրհնեալ որ կու գայ յանուն Տեառն, օրհնութիւն ի բարձունս»:

2. Փարիսեցիք սաստիկ նախանձէն սկսան բարկանալ և ըսել Յիսուսի. «Ապապրէ որ չաղաղակեն»: Յիսուս ալ պատասխանեց, «Եթէ ասոնք լռեն, քարերը կ'աղաղա-

կեն»: Վերջը քաղաքին վրայ նայեցաւ լացաւ և ըսաւ. «Վայ բեզ, քաղաք, որ չես ճանչնար քեզի եղած բարիքն, անոր համար պիտի կորսուիս»:

Նոյն հանդիսով տաճարը մտաւ, և տեսնելով որ հոն առուտուր կ'ընեն, զամենքը դուրս վնտեց, լումայափոխ ներուն սեղանը կործանեց, և աղանի վաճառողներն տաճարէն դուրս հանեց, և ըսաւ, «Հօրս տունը աւաղացայր ըրեր էք»: Վերջը կոյրերն ու կաղերը մօտեցան իրեն և բժշկեց զամենքը:

3. Քահանայապետը և իշխանք իրեն հրաշքները տեսնելով, և ժողովուրդն որ տաճարին մէջ կ'աղաղակէր, «Ովսանայ, որդւոյ Դաւթի» սաստիկ նախանձով և ատելութեամբ վառուեցան Յիսուսի դէմ. և ամեն միջոց կը փնտռէին՝ զինքը մէջ տեղէ վերցընելու համար, վասն զի յայտնապէս կը տեսնէին որ ժողովուրդն իրեն կը յարէր: Ուստի Սաղուկեցիք և Փարիսեցիք միաբանեցան, խօսք զրին որ զՅիսուս տէրութեան դէմ յանցաւոր ցուցնեն ու բռնել տան. և իրեն հարցմունքներ կ'ընէին, բայց Յիսուս զամենքը կը պապանձեցընէր, այնպէս որ ոչ որ ալ կը համարձակէր իրեն բան մը հարցընել:

Վերջը Յիսուս իր աշակերտաց իմացուց թէ երկու օրէն Որդին մարդոյ պիտի խաչուի:

1. Ի՞նչ կերպով Յիսուս Երուսաղէմ մտաւ:
2. Փարիսեցիք ի՞նչ աչքով կը տեսնէին Յիսուսի փառաորութիւնը:
3. Ի՞նչ խորհեցան քահանայապետը և իշխանք Յիսուսի համար:

ԳԼՈՒԽ ՅԻՍՆԵՐՈՐԴ ԵՐԿՐՈՐԻ

ՅԻՍՈՒՍ ԱՌԱՔԵԼՈՅ ՈՏՔԸ ԿԸ ԼՈՒԱՅ



1. Յիսուսի Քրիստոսի թշնամիներն Կայիափա քահանայապետին քով փողվում՝ խորհուրդ կ'ընէին թէ ինչպէս զՅիսուս սպանեն. Յուգա Խսկարիովտացին որ Յիսուսի երկոտասան առաքեալներէն մէկն էր, սատանայէն զրգոտած և իր զգուելի ազաղութիւնը յագեցընելու համար, գնաց անոնց հետ խօսք դրաւ որ զՅիսուս իրենց ձեռքը մատնէ. անոնք ուրախացան և երեսուն դահեկան տուին, ուստի սկսաւ յարմարատեն մը փնտռել իր վարդապետն անոնց ձեռքը մատնելու համար:

2. Զատիկը մօտ ըլլալուն և ուզելով Յիսուս իր վերջին գատկական գառն ուտել աչակերտօք հանդերձ. Պետրոսն ու Յովհաննէս առաքեալները քաղաքը խաւրեց որ ընթրիքը պատրաստեն: Երբոր ժամն հասաւ, Յիսուս

ՎԵՐՋԻՆ ԸՆԹՐԻՔ



նախ աչակերտաց ոտքերը լուաց անոնց խոնարհութիւն սորվեցընընելու համար. Պետրոս ջուզեց թողլ, Յիսուս ալ ըսաւ. «Նթէ չի լուամ, ինձի հետ մասն չես ունենար». ու վերջն ըսաւ ամենուն. «Ինչպէս որ ձեզի ըրի, այսպէս դուք ալ իրարու ըրէք». և սեղան նստան: Քանի մը սիրոյ խօսքեր ըսեցն վերջը, մինչդեռ կ'ուտէին ըսաւ. «Չիզմէ մէկը դիտ պիտի մատնէ». ամենքը խռովեցան այս խօսքիս վրայ և սկսան զրուցել «Միթէ՞ ես եմ, վարդապետ»: Պատասխան տուաւ Յիսուս. «Ով որ ինձի հետ մէկտեղ ձեռքը սկաւառակին կ'երկնցընէ նա է». ունոյն միջոց Յուգա երկնցուց ձեռքը, և հարցուց. «Մի-

1. Ինչպէս Յուգա մատնեց զՅիսուս:
2. Վերջի ընթրեաց ատեն Յիսուս ինչ ըրաւ:

թէ աս եմ». Յիսուս ալ ըսաւ. «Դու ըսիր»: Ետքը Յիսուս հաց մ'առաւ, օրհնեց և աչակերտաց բաժնելով՝ Առէք, կերէք, ըսաւ, այս է մարմին իմ, նոյնպէս բաժակն առնելով, օրհնեց, աչակերտաց տուաւ. «Արբէք ՚ի սմանէ, այս է արին իմ նորոյ ուխտի. որ շատերուն մեղաց թողութեան համար կը թափուի»:

Ատով Յիսուս Քրիստոս Հաղորդութեան երկրպագելի խորհուրդը հաստատեց, յորում հացն ու գինին ճշմարտապէս կը փոխուին ՚ի մարմին և յարին Քրիստոսի:

1. Վերջը Յուդայի ըսաւ. « Ինչ որ պիտի ընես, բրէ » - Յուդա ալ սատանայէն կուրացած՝ մատնելու գնաց: Յիսուս իր քովը մնացած աչակերտաց, շատ մը սիրալիլ խօսքեր ըսաւ և իր կտակը խօսքով աւանդեց, և ամենքը սկսան լալով մտիկ ընել. և ետքը սեղանէն ելան, ու Չիթենեաց պարտէզը գնացին, որ ձիթենիներով լեցուն ըլլալուն համար այսպէս կը կոչուէր, և Գեթսեմանի ալ կ'ըսուէր:

1. Ի՞նչպէս վերջացաւ ընթրիքը:



ԳԼՈՒԽ ՅԻՍՆԵՐՈՐԴ ԵՐՐՈՐԴ

ՁԻԹԵՆԵԱՅ ՊԱՐՏԵՉ



1. Յիսուս ըստ իրեն սովորութեանն աչակերտացը հետ մէկտեղ ձիթենեաց պարտէզը գնաց, զոր Գեթսեմանի կը կոչէին, և հոն ըսաւ իր աչակերտաց. « Հոս կեցէք մինչև որ երթամ աղօթքս լմնցնեմ », ու միայն Պետրոսը, Յակոբոսը ու Յովհաննէսը հետն առած՝ յառաջ գնաց, ու սկսաւ տրտմիլ և հոգալ և ըսաւ անոնց. « Տըրտում է ոգիս մինչև ՚ի մահ, հոս կեցէք և ինծի հետ արթուն կեցէք »: Եւ ինքը քիչ մ'առաջ երթալով երեսի վրայ ինկաւ սկսաւ աղօթել և ըսել. « Հայր իմ, եթէ հնար է, անցնի ինձմէ այս բաժակս, բայց ոչ իմ՝ այլ քու կամքը ըլլայ »: Նոյն միջոց հրեշտակ մ'եկաւ երկնքէն և զինքը կը զօրացընէր. բայց Յիսուս մեծ տագնապի մէջ էր և

1. Ի՞նչ ըրաւ Յիսուս Չիթենեաց պարտէզը:

ՅԻՍՈՒՍ ԶԻԹԻՆԵՍԱՅ ՊԱՐՏԵՂԸ



աւելի մտադրութեամբ աղօթքը կ'ընէր, և քրտինքը իբրև արեան կաթիլներ գետին կը վազէր: Եւ աղօթքէն ու երկու անգամ առաքելոց քով եկաւ, տեսաւ որ տրամութենէն քնոյ մէջ են, արթընցուց զիրենք և ըսաւ. « Ելէք, աղօթք ըրէք, սրպէս զի փորձութեան մէջ չիսկնաք »:

1. Մինչդեռ հետերնին կը խօսէր, եկաւ Յուդա Իսկարիովտացին Հրէից խումն բազմութեամբ, լապտերօք, սուրերով և գաւազանովք, զՅիսուս բռնելու համար. զինուորաց ալ ըսեր էր. « Զով որ համբուրեմ, այն է փնտռածնիդ, զայն բռնեցէք »: Եւ Յիսուսի մօտենալով, « Ողջ եր, վարդապետ », ըսաւ, և զինքն համբուրեց: Յիսուս ալ ըսաւ. « Յուդա, համբուրելով կը մատնես զիս ». և զինուորաց առջևն երթալով, « Զով կը փնտռէք » ըսաւ: « Յիսուս Նազովրեցին », պատասխանեցին. « Ես եմ », ըսաւ Յիսուս, և ամենքը ետ ետ մղուելով գետին ինկան: Յիսուս կրկին հարցուց. « Զով կը փնտռէք »: Պատասխանեցին դարձեալ. « ԶՅիսուս Նազովրեցին »: « Ըսի ձեզի թէ՛ ես եմ », պատասխանեց Յիսուս. այն աւտեն վրան թափեցան և կապեցին զինքը:


2. Պետրոս առաքեալ տեսնելով այս անգութ վարմունքը իր տիրոջ հետ, քաշեց սուրը ու Մաղքոս անունով քահանայապետին ծառային ականջը կտրեց: Յիսուս դարձաւ ըսաւ իրեն. « Սուրդ պատեանը զիր, վասն զի ով որ սուր կը գործածէ սրով կ'ինկնայ, կը կարծես թէ չէի կրնար հօրս աղաչել և երկոտասան գունդէ աւելի հրեշտակ հիմա հոս խաւրէր. բայց ինչպէս մարգարէութիւնները պիտի կատարուին ». և մօտեցաւ բժշկեց ականջը:

Իսկ զինուորները առին զՅիսուս Սննա քահանայապետին տարին:

-
1. Ինչպէս Յուդա մատնեց զՅիսուս:
 2. Ինչ ըրաւ Պետրոս առաքեալ Մաղքոսին:

ԳՂՈՒԽ ՅԻՍՆԵՐՈՐԿ ԶՈՐՐՈՐԿ

ՅԻՍՈՒՍ ԿԱՅԻԱՓԱՅ ՈՒ ՊԻՂԱՏՈՍԻ ԱՌՋԵՒ



1. Մենա քահանայապետն զՅիսուս դատապարտելու իշխանութիւն չունենալով՝ Կայիափա քահանայապետին խաւրեց:

Հոն երկու սուտ վկայներ ամբաստանեցին զՅիսուս և ըսին. « Մենք լսեցինք որ ըսած է, թէ երեք օրուան մէջ տաճարը կրնամ շինել »: Ուրիշ սուտ ամբաստանութիւններ ալ կ'ընէին, բայց մէկմէկու չէին համաձայնէր: Բայց որովհետեւ բոլոր ըրած ամբաստանութիւննին մահուան դատապարտութեան բաներ չէին, ոտք ելաւ Կայիափա՝ և ըսաւ Յիսուսի. « Կ'երգուընցընեմ զքեզ յԱստուած կենդանի, որ ըսես թէ Որդի՛ Ստուծոյ ես »: Պատասխանեց Յիսուս. « Դու ըսիր, որ մը պիտի տեսնէք զՈրդին մարդոյ Ստուծոյ փառաց աջկողմն նստած, և երկնքի ամպերու վրայ պիտի գայ »: Այս խօսքիս վրայ բարկացաւ Կայիափա, իր զգեստները

պատառեց ըսելով « Հայհոյեց, ալ ինչ վկայութիւն պէտք է մեզի ». ժողովուրդն ալ աղաղակեց. « Հայհոյեց, պէտք է մեռնի ». և սկսան նախատել. զինուորքն ալ Յիսուսի գլուխը քող մը ձգած, կը զարնէին, ու վերջը կը հարցընէին. « Մարգարէացիր, ո՞վ է զքեզ վարնողը »:

2. Իսկ Յուզա տեսնելով որ զՅիսուս դատապարտեցին, սաստիկ զղջաց, ու առած ստակը ետ դարձոյց և ըսաւ. « Մեղայ, որ անպարտ արիւնը մտանեցի »: Հրէայք ալ պատասխանեցին. « Մեր փոյթը չէ. քու զիտնալիքդ է ». ինքն ալ յուսահատած գնաց ինքզինքը կախեց:

3. Կայիափա քահանայապետին բովէն առին միաբան զՅիսուս, Պոնտոս Պիղատոսի ատեանը տարին, որ Հրէաստանի կուսակալն էր, և ամբաստանեցին թէ կայսերէ կ'ապստամբեցընէ զՀրէայս՝ և ինքզինքը թագաւոր կ'անուանէ: Պիղատոս՝ Հրէից ատելութենէն զատ ուրիշ յանցանք մը չգտնելով Յիսուսի վրայ՝ ուզեց աղատել զինքը: Եւ որովհետեւ սովորութիւն էր ամեն տարի մահապարտ մ'արձակել Չատկի տօնին, նոյն ատեն Բարբբա անուամբ նշանաւոր մարդասպան մը կար բանտին մէջ. Պիղատոս հարցուց ժողովրդեան. « Չով կ'ուզէք, որ աղատ թողում. Բարբբայն թէ զՅիսուս »: Ամենքն աղաղակել, սկսան, « Բարբբայն աղատ թող »: « Իսկ Յիսուսը ինչ կ'ուզէք որ ընեմ », հարցուց գատաւորը. ամենքը « Խաչեցի, Խաչեցի » աղաղակեցին. « Յանցանքն ինչ է »: Իսկ հրեայք առաւել ևս կ'աղաղակէին « Խաչեցի »:

Այն ատեն Պիղատոս թողուց զԲարբբա. բայց ուրիշ փորձ մ'ալ ուզեց ընել զՅիսուս ազատելու համար. սաստիկ ծեծել տուաւ զինքը, ու արիւննուայ « Ահա մարդն », ըսաւ, և ժողովրդեան ցրցուց, կը յուսար որ սով անոնց սիրտը յուզուէր. բայց անողորմ՝ Հրեայք, դարձեալ « Խաչեցի » աղաղակեցին: Այլ չկարենալով Պիղատոս զէմ գնել ժողովրդեան, անոնց առջև ձեռքերը լուաց՝ և ըսաւ, « Քաւեալ եմ ես այդ արդարոյդ արիւնէն », և զՅիսուս անոնց ձեռքը մատնեց:

1. Ո՛ր տարին զՅիսուս:
2. Յուզա ինչպէս մեռաւ:
3. Ինչպէս դատապարտուեցաւ Յիսուս:

ԳԼՈՒԽ ՅԻՍՆԵՐՈՐԴԻ ՀԻՆԳԵՐՈՐԴ

ՅԻՍՈՒՍ ԿԸ ԶԱՐԱԶՐՈՒԻ ԵՒ ԳՈՂԳՈԹԱ ԿԸ ՏԱՐՈՒԻ



1. Պիղատոսի զինուորք զՅիսուս իր զգեստներէն մերկացընելով, կարմիր քղամիդ մը հագցուցին, գլուխն ալ փշէ պսակ մը դրին և ձեռքն եղէգ մը տուին, ու սկսան առջևն երկրպագութիւն ընել, և ծաղրելով ու կատակելով, «Ողջ եր թագաւոր Հրէից» կ'ըսէին, երեսը կը թքանէին և եղէգը ձեռքէն առնելով գլխուն կը զարնէին: Իսկ Յիսուս լուս կը կենար, և այս ամենայն նախատանաց կը համբերէր առանց խօսք մը զրուցելու, կամ գանգատ մը հանելու իր անգութ դաճճաց դէմ:

2. Վերջը զինուորներն հանեցին զքղամիդը ու դարձեալ Յիսուսի սովորական զգեստներն հագցուցին, ու նախատելով և զարնելով, խաչը ուսը տուին և ելան Գողգոթա լեռն երթալու: Յիսուսի Տեառն մերոյ ոյժը

բոլորովին սպառած էր այնչափ չարչարանքներէն, և ստէպ խաչին ծանրութենէն ալ գետին իյնալով վախցան զինուորք որ թերևս ճամբան մեռնի. ուստի Սիմոն Կիւրենացի անունով մէկը, որ իր արտերէն բաղաք կը դառնար, ստիպեցին որ խաչը վերցընէ մինչև Գողգոթա լեռը:

Անթիւ ժողովուրդ այս տխուր հանցիսիս ետեէն կ'երթար, շատ կանայք ալ կային որ սրտերնուն ցաւէն կ'արտասուէին դառնապէս: Յիսուս իրենց դառնալով ըսաւ. «Դատերք Երուսաղեմի, իմ վրաս մի լայք, այլ ձեր անձանց վրայ լացէք, վասն զի օրպիտի գոյ որ պիտի ըսէք, երանի այն կանանց որ տղայ չեն ունեցած»:

Յիսուս ուժէ ինկած և արիւն քրտինք մտած՝ ճամբան կ'երթար, հետը զնացող սուրբ և բարեպաշտ կանանց մէկն, սուրբն Վերոնիգա վարչամակով անոր սուրբ երեսին քրտինքը սրբեց, և Փրկչին աստուածային դէմքը վրան տպաւորուած մնաց:

3. Յիսուսի հետ երկու ուրիշ յանցաւոր չարագործ մարդիկ կը տանէին, որոնք իրեն պէս խաչուելու դատապարտուած էին, և այս ամենայն բան կ'ըլլար, որպէս զի Սուրբ Գրոց խօսքը կատարուի, որ կ'ըսէ թէ «Ընդ անօրէնս համարեցաւ»:

1. Ուրիշէնչ չարչարանք տուին Յիսուսի:
2. Ո՞վ օգնեց Յիսուսի խաչը վերցընելու համար:
3. Յիսուսի հետ ինչու երկու աւազակներ ալ խաչեցին:

ԳԼՈՒԽ ՅԻՍՆԵՐՈՐԴ ՎԵՅԵՐՈՐԴ

1. Երբոր Գողգոթա լեռն հասան, հոն զՅիսուս խաչին վրայ գամեցին, երկու աւաղակներն ալ երկու կողմը խաչեցին: Յիսուս իր վշտաց ու ցաւոց մէջ Աստուծոյ աղօթք կ'ընէր զինքը չարչարողներուն համար և կ'ըսէր. « Հայր, ներէ իրենց, վասն զի չեն գիտեր ըրածնին »:

Զինուորներն Յիսուսի զգեստները մէջերնին բաժնեցին, իսկ պատմուճանն որ առանց կարի վերէն վար հիսուսաձ էր, չուզեցին պատառել, այլ որպէս զի մարգարէին խօսքը կատարուի որ կ'ըսէր, « Բաժնեցին զգեստներս և պատմուճանիս վրայ վիճակ կը ձգէին »: Վիճակ ձգեցին և մէկու մը տուին:

2. Խաչին քով կեցած էին Աստուածամայրն, Մարիամ Մագդաղենացին և այլ բարեպաշտ կանայք: Յիսուս իր մայրը տեսնելով ըսաւ իրեն Յովհաննէս առաքեալը ցուցնելով. « Կին դու, ահա քու որդիդ »: Վերջը Յովհաննէսին ալ ըսաւ. « Ահա քու մայրդ »: Եւ անկէ վերջն Յովհաննէս միշտ Աստուածածնայ հետ բնակեցաւ:

3. Քիչ մը վերջն Յիսուս, « Ծարաւի եմ » ըսաւ: Զինուորներն սպունգ մ'առին և քացախի և լեղւոյ մէջ թաթաւելով եղեգի մը ծայրն անցուցած իրեն տուին, ու ծաղրելով կ'ըսէին. « Եթէ Հրէից թագաւոր ես, ինքզինքդ փրկէ »: Խաչին վրայ ալ այս արձանագրութիւնը գրեր էին, Յիսուս չարսիրեցի թագաւոր Հրէից:

Յիսուսի հետ խաչուած աւաղակներէն մէկն ալ, կը հայհոյէր զինքը և կ'ըսէր, « Դու չես Աստուծոյ որդին, փրկէ զքեզ և զմեզ ». իսկ աջակողմեանն իրեն գործած



1. Ո՛ւր խաչուեցաւ Յիսուս:
2. Որ՞՞նչ հետ բնակեցաւ Աստուածածին Յիսուսի մա-
հուրէն վերջը:
3. Ի՞նչ խմցուցին Յիսուսի:

ԳԼՈՒԽ ԳՆԱԿԱԿԱՆ ԳՆԱԿԱԿԱՆ

յանցանաց վրայ զվշարով, դարձաւ ըսաւ Յիսուսի. «Տէր, յիշէ զիս երբոր արքայութիւնդ երթաս», Յիսուս ալ պատասխանեց. «Այսօր ինձի հետ պիտի ըլլաս արքայութեան մէջ»:

1. Եւ մինչ ժամը դեռ վեցն էր արեգակը խաւարեցաւ, և Յիսուս հօր ձայնով մը կանչեց. «Հայր քու ձեռքդ կ'աւանդեմ հոգիս», և հոգին աւանդեց: Այն աւտեն տաճարին մեծ վարագոյրը վերէն վար պատառեցաւ, գետինը շարժեցաւ, քարերը ձեղքուեցան, և շատ ննջեցեալ սրբոց մարմինք յարութիւն առին: Խաչին քով եղողները վախցան և մէկ մէկու կ'ըսէին. «Իրաւընէ, Աստուծոյ Որդի էր սա»: Եւ որը ուրբաթ ըլլալուն համար Հրէայք խնդրեցին Պիղատոսէն որ խաչուողներուն ծունկերը խորտակեն, որպէս զի շարաթ օրուան չի մնան. եկան առազակներուն ծունկերը խորտակեցին, բայց Յիսուս նոր մեռած ըլլալով զինուոր մը նիզակով կողը խոցեց, ուսկից արիւն և ջուր ելաւ:

1. Ինչ հրաշքներ եղան Յիսուսի մահուան ժամանակ:

ԳԼՈՒԻ ՅԻՍՆԵՐՈՐԻ ԵՌԹՆԵՐՈՐԻ

ԳՐԻՍՏՈՍԻ ԹԱՂՈՒՄՆ



1. Յիսուսի մեռնելէն վերջը, Յովսէփ Արիմաթացի անուամբ, հարուստ նախարարը, խնդրեց Պիղատոսէն որ Յիսուսի մարմինը վերցընէ. հրաման տուաւ Պիղատոս, եկան առին և պատեցին կտաւով, խնկով ու քարէ փորած նոր գերեզմանի մէջ դրին և մեծ քարով մը գոցեցին: Հրէից իխաններն ու քահանայապետք ալ Պիղատոսի հրամանաւ գնացին գերեզմանը կնքեցին ու պահապաններ դրին որպէս զի աշակերտներն մարմինը չգողնան:

1. Ի՞նչպէս թաղուեցաւ Յիսուս:

ՔՐԻՍՏՈՍԻ ՅԱՐՈՒԹԻՒՆՆԵՆ



1. Բայց այս ամեն զգուշութիւնք փոխանակ խափանելու, աւելի պայծառացուցին Յիսուսի յարութիւնը ինչպէս որ ինքն ըսեր էր: Վասն զի երրորդ օրը մեծ շարժմունք մ'եղաւ, և հրեշտակ մը քարը մէկզի զլորեց և վրան նստաւ. իր երեսը փայլակի կը նմանէր և զգեստը ձեան պէս ճերմակ. զինուորները վախերնէն խռովեցան և մեռելի պէս ինկան, և Յիսուս իր ամենակարողութեամբը գերեզմանէն ելաւ և յարութիւն առաւ: Իսկ զինուորները փախան քահանայապետներուն իմացուցին եղածը. և անոնք շատ ստակ տուին իրենց որպէս զի մարդու չի պատմեն:

2. Քանի մը բարեպաշտ կանայք, Մարիամ Յակոբայ մայրն, Սողոմէ և Մարիամ Մագդաղենացի, կիրակի առաւօտանց կանուխ՝ պէս պէս խունկեր և անուշահոտ իւղեր հետերնին առած գերեզման եկան, որպէս զի Յիսուսի մարմինը օձին ըստ սովորութեան Հրէից. բայց ճաշան կը տարակուսէին թէ ինչպէս դրան մեծ քարը պիտի շարժեն. երբոր գերեզմանը հասան, տեսան որ քարը մէկզի նետուած էր. ներս մտան և մարմինը մէջը չէր:

Եւ երբոր այս եղածին վրայ հիացեր էին, լուսաւոր զգեստով հրեշտակ մը ըսաւ իրենց. «Մի վախէք զիտեմ, խաշուած Յիսուս Նազովրեցին կը փնտռէք յարեալ, գացէք պատմեցէք աշակերտացը»: Եւ անոնք մէկէն վախով և ուրախութեամբ գացին աշակերտաց պատմելու: Պետրոս և Յովհաննէս եկան ու տեսան որ մարմինը չկայ ու ետ դարձան. բայց Մարիամ Մագդաղենացին հոն կեցաւ և կուլար: Յանկարճ ձայն մը լսեց որ կ'ըսէր. «Կին դու, ինչո՞ւ կուլաս, զո՞վ կը փնտռես»: Մարիամ դարձաւ, ըսաւ, «Յիսուսը կը փնտռեմ»: «Մարիամ», ըսաւ Յիսուս. այն ատեն ճանչցաւ զՏէրը. «Վարդապետ «ըսաւ»: Եւ Յիսուս. «Մի մօտենար ինձի, ըսաւ, վասն զի գեռ Հօրս քով չեմ գնացած, այլ գնա իմ աշակերտներս գտիր, և պատմէ իրենց ինչ որ տեսար»:

Յ.Նոյն օրը Յիսուս իր երկու աշակերտաց ալ երևեցաւ, մինչդեռ Եմմաուոս զիւղը կ'երթային: Իրիկունն ալ մինչ առաքեալք դռները գոց տան մէջ կեցեր էին, Յիսուս յանկարճ մէջընին երևեցաւ, ու «Խաղաղութիւն, ըսաւ, և երեսնին փչեց, առէք, Հօգին սուրբ, որոնց մեղքն որ թողուք՝ թողեալ ըլլան, և որոնց որ կապեք՝ կապուած ըլլան». և ասով խոստովանութեան խորհուրդն հաստատեց:


-
1. Ինչպէս եղաւ Յիսուսի յարութիւնը:
 2. Յիսուս որո՞նց երևցաւ յարութենէն վերջը:
 3. Յիսուս ուրիշ անգամ ալ երևցաւ առաքելոց:

ԳԼՈՒԽ ՅԻՍՆԵՐՈՐԿ ՈՒԹԵՐՈՐԿ

1. Աշակերտներն օր մը Տիբերեայ ծովը գնացեր էին ձուկ որսալու համար և չէին կրցած որսալ. Յիսուս իրենց երևեցաւ և ըսաւ. «Նաւին աջակողմը ձգեցէք ուռկանը». ձգեցին ու հարիւր յիսուն մեծամեծ ձկներ բռնեցին, այնպէս որ քիչ մնաց որ ուռկանը պատառէր: Այս հրաշքէս իմացան առաքեալք թէ Յիսուսն է խօսողը, քովը ժողովեցան, ու նստան ձուկ եփեցին և կերան: Ետքը Յիսուս Պետրոսի հարցուց երեք անգամ. «Չիս ուրիշներէն աւելի կը սիրես», Պետրոս «Այո, Տէր, դու ալ գիտես որ կը սիրեմ», պատասխանեց: Յիսուս ալ ըսաւ. «Գառներս և ոչխարներս արածէ». և իմացուց որ ինքն ալ պիտի խաչուէր:

2. Յիսուս ուրիշ շատ անգամ երևեալէն և աշակերտաց խրատ տալէն վերջը, քառասներորդ օրը նորէն երևեցաւ ու ապսպրեց որ Հոգւոյն սրբոյ գալստեան սպասեն. որ զիրենք շնորհօք պիտի լեցընէ, ու բոլոր աշխարհք պիտի երթան քարոզելու: Ետքը զամենքը հետն առաւ, Չիթենեաց լեռը գնաց ու հոն օրհնեց և ըսաւ. «Ամենայն իշխանութիւն տրուած է ինձի յերկինս և յերկրի. գնացէք ամեն ազգք լուսաւորեցէք ու մկրտեցէք, յանուն Հօր և Որդւոյ և Հոգւոյն սրբոյ, և սորուեցուցէք անոնց պահելու ինչ որ ձեզի պատուիրեր եմ, և ահաւասիկ ես ձեզի հետ եմ, մինչև ՚ի կատարած աշխարհի»: Այս ըսելէն վերջն երկինք համբարձաւ, և ամպ մը զինքը ծածկեց աներևոյթ ըրաւ:

3. Մինչ դեռ առաքեալք ապշած Յիսուսի վեր եր-



ՔՐԻՍՏՈՍԻ ՀԱՄԲԱՐՉՈՒՄՆ

1. Յիսուս ինչպէս երևցաւ առաքելոց Տիբերեայ ծովեզերքը:
2. Յիսուս ինչպէս համբարձաւ:
3. Համբարձմանէն վերջն, ինչպէս իջաւ Հոգին սուրբ առաքելոց վրայ:

թալուն կը նայէին, երկու հրեշտակը երևեցան, և ըսին-
 « Ի՞նչ կը նայիք զարմացած. գիտցէք թէ Յիսուս ինչ-
 պէս որ հիմա գնաց, նոյնպէս ալ որ մը պիտի գայ փա-
 ոօր »: Առաքեալը ուրախութեամբ ու փառք տալով
 Աստուծոյ Երուսաղէմ գարձան, և ինչպէս որ Քրիստոս
 իրենց ապսպրած էր, միաբան Աստուծածնայ Հետ տա-
 սը որ աղօթիւք կ'անցընէին. և ահա յանկարծ երկնքէն
 սաստիկ հողմի ձայն ելաւ, տունը լեցուեցաւ և ամե-
 նուն վրայ հրեղէն լեզուներ երևեցան: Առաքեալը ալ
 Հոգւով սրբով լցեալք սկսան այլ և այլ լեզուներ խօսիլ:

ԳԼՈՒԻ ՅԻՍՆԵՐՈՐԴ ԻՆՆԵՐՈՐԴ

ՍՈՒՐԲ ՊԵՏՐՈՍ ԱՌԱՔԵԱԼ



1. Առաքեալը Հոգւով սրբով լցուած՝ սկսան ամեն տեղ Յիսուսի Քրիստոսի վարդապետութիւնը բարոզել և միայն Պետրոսի մէկ քարոզութեամբ 5,000 Հրէայք գարձի եկան: Հաւատացեալք իրենց ունեցածը կը վաճառէին, և հասարակաց կը բաշխէին որուն որ պէտք կ'ըլլար. և առաքինութեամբ ու աստուածապաշտութեամբ կ'ապրէին, և ժողովուրդն ալ գիրենք կը յարգէր և կը սիրէր: Իսկ առաքեալը շատ հրաշքներով իրենց յանձնուած աստուածային պաշտօնը կը փառաւորէին. յանուն Յիսուսի Նազովրեցոյ, կաղեր, կոյրեր կը բժշկէին. և համբան ամեն տեղ տարածուելով հազարաւոր Հրէայք Յիսուսի Քրիստոսի հաւատքը կ'ընդունէին:
2. Բայց այս խաղաղութիւնը և յաջողութիւնը երկար

1. Ի՞նչպէս սկսաւ քրիստոնէութիւնը տարածուիլ:
2. Ո՞վ է Սաւղոս:

ՍՈՒՒԲ ՊՕՂՈՍ ԱՌԱՔԵԱԼ



չտեւց. չուտով սկսաւ քրիստոսնէից դէմ հալածանքը. և անոնց նախանձաւոր թշնամեաց թուէն էր նաև Սաւղոս, որ փարիսեցւոց աղանդին մէջ մեծցեր էր :

1. Օր մը մինչդեռ 'ի Դամասկոս կ'երթար մեծ քաջանայապետին հրամանները 'ի գործ դնելու քրիստոսնէից դէմ, յանկարծ քաղաքին պարսպաց մօտ, երկնաւոր լոյս մը փայլատակեց չորս կողմն, Սաւղոս ձիէն վար ինկաւ, ու ձայն մը լսեց որ կ'ըսէր իրեն. «Սաւղոս, Սաւղոս, ինչո՞ւ կը հալածես զիս» : Սաւղոս Պատասխանեց. «Տէր, ո՞վ ես» : «Ես Յիսուս եմ զոր դու կը հալածես», պատասխանեց ձայնը : «Տէր ինչ կ'ուզես որ ընեմ», ըսաւ Սաւղոս, ու պատասխան առաւ թէ «Ե՛լ, քաղաքը մտիր և ինչ որ քեզի կ'ըսուի, կատարէ» : Սաւղոս ելաւ գետնէն, և ահա աչքերը կուրցած էին. քովի մարդիկը որ զարհուրած զինքը Դամասկոս տարին, ուր երեք օր անօթի կեցաւ, առանց ուտելու և խմելու :

2. Աստուած խաւրեց Սնանիա առաքեալն, որ ձեռքը վրան գրաւ բժըշկեց աչքը և մկրտեց և անունը Պօղոս դրաւ. որ անկէ վերջը Պետրոս առաքելոյն հետ մէկտեղ քրիստոսական կրօնից գլխաւոր ախոյեանքն եղան : Երկուքն ալ 'ի Հռովմ գնացին, և հոն հալածանաց ժամանակ նահատակուեցան. Պետրոս առաքեալ խաչի վրայ զամուսեցաւ, բայց ինքզինքն արժանի չսեպելով Յիսուսի պէս մեռնիլ, ուզեց զլսիվայր խաչուիլ :

Ճ. Իսկ Սուրբ Պօղոս, հաղարաւոր հեթանոսներ դարձնելէ վերջ և բազմաթիւ եկեղեցիք հաստատելէ ետքն, որովհետև Հռովմայեցւոյ քաղաքացի էր, գլուխը կըտրեցին Ներոն կայսեր ժամանակ 67 տարի Քրիստոսէ ետքը :

-
1. Սաւղոսի ինչ պատահեցաւ Դամասկոս գացած ժամանակ :
 2. Ինչ Մահուամբ մեռաւ Պետրոս առաքեալ :
 3. Սուրբ Պօղոս առաքելոյն գլուխը ո՞ր կայսեր ժամանակ կտրեցին :

ԳԼՈՒԽ ՎԱԹՍՈՒՆԵՐՈՐԴ

ԵՐՈՒՍԱԼԵՄԻ ԿՈՐԾԱՆՈՒՄՆ — ՀՐԷՅՑ ՑՐՈՒԻՆՑ



1. Ներոն կայսր որ այնչափ նշանաւոր եղաւ իր անգթութիւններով, մասնաւոր կերպով քրիստոնէից գէմքըցուց իրատելութիւնն: Քրիստոսի աշակերտները մեռուցանել իրեն համար մեծ զուարճութիւն էր. երբ ահաւոր հրդեհ մը Հռովմայ մէկ մասն այրեց և անոր տաճարները ու պալատները կործանեց, յանցանքը քրիստոնէից վրայ ձգեց և անողորմ տանջանաց մատնեց զանոնք, զօրմանս վայրենի գազանի մորթով պատած՝ շանց կերակուր կ'ընէր, ոմանց ձիւթով օծեալ զգետներ հագցուցած՝ կանթեղի պէս կը վառէր գիշեր ժամանակ և իր պարտեզը կը լուսաւորէր, որոնք բոցերու մէջ անբացատրելի չարչարանօք կը մեռնէին, մինչդեռ Ներոն իր կառաց մէջ նստած և անձամբ ձիերը կառավարելով անոնց լուսովն կը զուարճանար:

Քրիստոնէից գէմ տասն մեծ հալածանք կը համարուին,

յորս բիւրաւոր վկայք քաջութեամբ նահատակեցան. իրենց վեհանձն մահը փոխանակ եռանդները մարելու՝ աւելի կը վառէր և կը բազմացընէր ճշմարիտ կրօնից աշակերտքը:

2. Կամաց կամաց քրիստոնէութիւնն սկսաւ նաև աւանաւոր ընտանեաց մէջ մտնել, և Քրիստոսէ 50 տարի վերջը, Գոմեաթանոս կայսեր (81 — 96 թուականին) ազգականքն անգամ քրիստոնեայ եղած էին, և բիշ ժամանակուան մէջ այս սուրբ կրօնքն աշխարհիս ամեն կողմը տարածուեցաւ. և նախկին հաւատացելոց կեանքը ամենուն հիացումը կը շարժէ: Վերջապէս Մեծին Կոստանդիանոսի ժամանակ Քրիստոսի 312 թուականին՝ կայսերաց զահուն վրայ տիրեց քրիստոնէութիւնը: Այս կայսրը քրիստոնէութիւնն ընդունեցաւ երկնատուր հրաշքով մը՝ Վասն զի մինչդեռ զՄաքսենտիոս բռնաւորն Հռովմայ մէջ պաշարած էր և յաղթութեան վրայ կը տարակուսէր, լուսաւոր խաչ մը տեսաւ. յերկինս՝ և վրան գրուած էր, Այստա յաղթես: Կոստանդիանոսն հրամայեց իր զօրաց գրօջակին վրայ այս նշանը գրոջմել տալ և մեծ յաղթութիւն մ'ըրաւ ու կայսերութեան հասաւ:


Իրմէ վերջը քրիստոնէութիւնը տէրութեան կրօնքն եղաւ և խաչն որ մինչև ցայնժամ նախատանաց նշան համարուած էր, 'ի Հռովմ կապիտոլիոնի վրայ դրուեցաւ 'ի նշան յաղթութեան սուրբ կրօնիցս՝ հեթանոսութեան վրայ:

3. Այսօրուան օրս 200,000,000 քրիստոնեայք կան բոլոր աշխարհիս վրայ, և օրէ օր կը բազմանայ այս հաւատացելոց թիւը 'ի ձեռն անձնանուէր քարոզչաց որք ամենայն վտանգ յանձն առնելով հեռաւոր երկիրներ կ'երթան Յիսուսի Քրիստոսի սուրբ վարդապետութիւնը տարածելու համար:

1. Ո՛վ եղաւ նշանաւոր՝ քրիստոնէից հալածչաց մէջ:
2. Քրիստոնէութիւնը միշտ հալածուեցաւ:
3. Ո՛րչափ քրիստոնեայք կը հաշուին հիմայ աշխարհիս վրայ:

ԳԼՈՒԽ ՎԱԹԱՍՈՒՆԵՐՈՐԴ ԱՌԱՋՆԵՐՈՐԴ

ՀԱԼԱԾԱՆՔ — ՔՐԻՍՏՈՆԵՆՈՒԹԵԱՆ ՏԱՐԱԾՈՒՄՆ




1. Ինչպէս որ գուշակներ էր Քրիստոս, Երուսաղէմ քաղաքն հեռագնեալ է՝ կործանումն կը դիմէր. քահանայապետք տաճարին մէջ կը սպաննուէին և կը խեղդուէին. և Հռովմայեցի կուսակալք հազիւ կրնային իրենց իշխանութիւնը յարգել տալ, և ՚ի գործ դնել քաղաքին մէջ գտնուած անհամար սրիկայ մարդկանց պատճառաւ, որոնք վերջապէս յոնդգնաբար ապստամբութիւն յարուցին, և Տիրոս Վեսպասիանոս կայսեր որդին, վրանին եկաւ և Երուսաղէմ քաղաքը պաշարեց, թնակիչքն չուզեցին անձնատուր ըլլալ, և երկար ժամանակ պաշարողաց դէմ կռուեցան, սով ու ժանտախտ ալ պատերազմական աղետից վրայ յաւելան, բայց չուզեցին խոնարհիլ. և պատմութիւնը կ'աւանդէ մօր մը անլուր խժղժութիւնն, որ անօթութենէ յիմարեալ իր որդւոյն

որորոցին մօտեցաւ, առաւ տղայն խղզեց, խորովեց, և մասն մ'ուտելէ վերջ, մաս մ'ալ պահեց հետեւեալ օրուան: Սրիկայք՝ խորովածին հօտէն ձգուած՝ բռնութեամբ տունը մտան և մահ սպառնալով կը ստիպէին զկինը որ եփած կերակուրը մէջ բերէ. կինն որդւոյն դիակին մնացորդը դիմացնին հանեց, «Որդիս է, բսաւ, ես սպաննեցի ունախ ես կերայ, առէք կշտացէք, անողորմք». սարսափեցան և բար կտրած սոսկումէ՝ թողուցին տունը փախան, իբրև թէ Սատուծոյ անէծքը զիրենք անկէ հաւածած ըլլար: Քաղաքն առնուեցաւ վերջապէս և Տիրոսս հիմնայատակ կործանեց:

2. Սակայն հայրենեաց աւերակքն չյուսաւատցուցին զՀրէայս դարձեալ հոն բնակութիւննին հաստատել: քիչ քիչ նորանոր շէնքերն բազմացան հնոյն Երուսաղեմի վրայ, և Սգրիանոս Հռովմայ կայսեր ժամանակ այս քաղաքս իր առաջին պայծառութիւնը նորէն ստացեր էր, թնակիչքը դարձեալ ապստամբեցան Հռովմայեցւոյմէ և յամառ դիմակալութենէ վերջը յաղթուեցան: Սգրիանոս հին քաղաքին վրայ, նոր քաղաք մը շինեց Սրամադգայ նուիրեալ, և ՚ի սովոյ ապրած սակաւաթիւ հրեայները, կամ վաճառեց կամ օտար երկիր քչեց: Այն ժամանակէն հետէ չկրցան Հրէայք ազգութիւն մը կազմել. և աշխարհիս ամեն կողմ ցրուած, անդադար կը սպանն Մեսիայի գալստեան, ինչպէս գուշակներ են մարգարէք, զոր չուզեցին ճանաչել ՚ի Քրիստոս Յիսուս:

Այս օրուան օրս Յուդայաստան օսմանեան պետութեան տակն է. և անթիւ ուխտաւորք տարուէ տարի Երուսաղէմ կ'երթան սուրբ տեղեաց այցելութեան:

-
1. Ինչպէս կործանեցաւ Երուսաղեմ:
 2. Ինչ կատարած ունեցան Հրեայք:



37

ՀՀ Ազգային գրադարան



NL0695910

